

অগ্নিভায়া টুইস্ট

চার্লস্ ডিকেন্স



বইটি পড়ার আগে

সারা বিশ্বে সাড়া জাগানো কিশোরকাহিনী *অলিভার টুইস্ট*-এর লেখক—চার্লস ডিকেন্স। ডিকেন্স অনেক উপন্যাস লিখেছেন এবং তার প্রায় সবগুলোই উপন্যাসসাহিত্যে চিরস্মরণীয়। তাঁর অনেক লেখার মধ্যে চিরদুঃখী বালক অলিভার টুইস্টের কাহিনী আজ সভ্যজগতের প্রত্যেক জাতির ছেলেমেয়েদের কাছে সর্বাধিক পরিচিত। এই বইটি পড়তে পড়তে প্রত্যেক দেশের ছেলেমেয়েরা চোখের জল ফেলেছে। শিশুদের সেই চোখের জলে স্নান করে অলিভার টুইস্ট আজ মানুষের বুকে অমর সুন্দর মূর্তিতে বিরাজিত।

এটা শুধু একটা গল্পের বই নয়, এই বইটা হল—বাস্তব জীবনের একটা অংশ। অলিভার টুইস্টের ওপর ডিকেন্সের নিজের বাল্যজীবনের কিছু ছাপ আছে। তাঁর নিজের বাল্যকালে তিনি যে দুঃখময় জীবন ভোগ করেছিলেন, তাঁর চারদিকে ইংল্যান্ডের সমাজে, পথে-ঘাটে অনাথ-আশ্রমে ছোট-ছোট ছেলেমেয়েদের যে মর্মান্তিক দুর্গতি আর দুঃখ দেখেছিলেন, তাই তিনি সভ্য মানুষের চোখের সামনে তুলে ধরেছেন। সমাজের উদাসীনতা আর নির্মমতার দরুণ ফুলের মতো নিষ্পাপ ছেলেমেয়েরা যে কী ভাবে দুঃখ পায়, তার করুণ কাহিনী এই বইতে এমনভাবে ফুটে উঠেছে যে, এই বইটি প্রকাশিত হওয়ার পর, ইংল্যান্ডের লোকের নজর সেদিকে পড়ল এবং চারদিক থেকে লোকেরা এগিয়ে এসে গরিব-দুঃখী অনাথ বালকদের জীবনকে সার্থক করে তোলার জন্যে চেষ্টা করতে লাগলেন এবং সরকারও আইন করে শিশুদের ওপর নির্যাতন বন্ধ করলেন।

আজ আমাদের দেশে রাজনৈতিক আর অর্থনৈতিক বিপর্যয়ের ফলে অনেক ‘অলিভার টুইস্ট’ খালি-পেটে, খালি-গায়ে ঘুরে বেড়াচ্ছে। তোমরা যারা এই কাহিনী পড়বে, তাদের কাছে আমাদের অনুরোধ, তোমরা যেন সেই অনাথ অলিভার টুইস্টদের ভুলো না। যখন খেয়েদেয়ে নরম লেপের তলায় গরম বিছানায় শোবে, তখন একবার মনে করো তোমারই মতো আরো অনেক ছেলে বাইরে শীতে খালি-গায়ে, খালি-পেটে রাস্তার ধুলোয় শুয়ে আছে। যতদিন সেরকম একটিও ছেলে অনাথ-ভাবে রাস্তায় উপোস দিয়ে থাকবে, ততদিন জানবে তোমার জাতি, তোমার দেশ, তোমার রাষ্ট্র সত্যিকারের সভ্য হয়নি—একথাই ডিকেন্স বলে গেছেন *অলিভার টুইস্টে*।

চার্লস ডিকেন্স সম্পর্কে

আজ থেকে প্রায় একশো বছরেরও কিছু আগে এক ক্রিসমাস দিনে লন্ডন শহরে, ছোট-ছোট ছেলেমেয়েদের জন্যে একখানি ছোট বই প্রকাশিত হয়। বইটির নাম—‘ক্রিসমাস ক্যারল’, লেখক—চার্লস ডিকেন্স।

সেই ছোট বইখানি পড়ে লন্ডন শহর পাগলপায়। রাস্তায় দেখা হলেই লোকে আগে জিজ্ঞেস করত, বইটা পড়েছো? যারাই পড়েছে, তারাই বলত, ঈশ্বর ডিকেন্সকে চিরজীবী করুন।

কিছুদিন আগে জে. পি. মর্গ্যান নামে আমেরিকার একজন ধনী ইংল্যান্ডে এলেন, সেই ছোট্ট বইটির পাণ্ডুলিপির খোঁজে। বহু খোঁজাখুঁজির পর সেই পুরোনো ময়লা পাণ্ডুলিপিটি পাওয়া গেল। মর্গ্যান প্রায় দুলক্ষ টাকাও বেশি দাম দিয়ে সেই পাণ্ডুলিপিটি কিনলেন।

অথচ ডিকেন্স যখন দশ বছরের ছেলে, তখন তাঁকে উপোস করে দিন কাটাতে হত; ঘটি বাটি বাঁধা দিয়ে কোনোরকমে তাঁর দিন চলত। সেই নিদারুণ দারিদ্র্যের মধ্যে স্বভাবতই তাঁর স্কুলের লেখাপড়া শেখা হয়নি। কিন্তু নিজের চেষ্টায় তিনি অন্তত সতেরোটি এমন বই লিখে রেখে গেছেন, যা যতদিন ইংরেজি ভাষা থাকবে, ততদিন থাকবে।

ডিকেন্সের বয়স যখন বাইশ বছর, চারদিকে ঘুরে-ঘুরে বেড়াচ্ছেন, কোথাও কোনো কাজ পাচ্ছেন না, সেসময় লুকিয়ে লুকিয়ে তিনি গল্প লিখতে শুরু করলেন। প্রথম যে গল্পটা তিনি ছাপাবার জন্যে কাগজে পাঠান, তার সম্বন্ধে তাঁর মনে এত ভয় আর লজ্জা ছিল যে, পাছে কেউ দেখে ফেলে, সেজন্যে রাতের অন্ধকারে লুকিয়ে-লুকিয়ে ডাক্-বাক্সে দিয়ে আসেন। সেই গল্প যখন ছাপা হয়ে বের হল, তিনি আনন্দে দিশেহারা হয়ে সারাদিন লন্ডনের রাস্তায়-রাস্তায় ঘুরে বেড়িয়েছিলেন। কিন্তু সেই গল্প কিংবা তার পরের আটটা গল্পের জন্যে তিনি একটি পয়সাও পাননি। অথচ পরে তাঁকে তাঁর শেষ গল্পের জন্যে মাসিকপত্রের মালিকেরা প্রতিটি শব্দের জন্যে পঞ্চাশ টাকা করে দাম দিয়েছেন, অর্থাৎ গল্পের মধ্যে যদি তিন হাজার শব্দ থাকে, তাহলে তিনি পেয়েছেন দেড় লক্ষ টাকা।

তিনি চোখের সামনে সমাজের যে রূপ দেখেছিলেন, প্রতিদিনের জীবনে যে-সব মানুষকে ঘুরতে-ফিরতে দেখেছিলেন, তাদের চরিত্র তিনি নিখুঁতভাবে ঐকে গেছেন প্রতিটি গল্পে, উপন্যাসে! তাই তাঁর আঁকা বেশিরভাগ চরিত্রই বাস্তব ও জীবন্ত। সেজন্যেই তাঁকে রিয়ালিস্টিক লেখক বলা হয়।

ডিকেন্সের পরবর্তী জীবন সুখ, সৌভাগ্য ও যশে অতিবাহিত হয়। আমেরিকা তাঁকে আদর করে ডেকে নিয়ে যায়। তাঁর বই আজ জগতের সব সভ্যদেশের ভাষায় অনূদিত হয়েছে। তিনি শুধু ইংল্যান্ডের একজন সর্বশ্রেষ্ঠ ঔপন্যাসিক নন; তিনি পৃথিবীর একজন শ্রেষ্ঠ ঔপন্যাসিক।

সম্পাদক

প্রথম পরিচ্ছেদ

একশো বছর আগের ইংল্যান্ড। এক নিশ্চিতি রাতে লন্ডন শহরের প্রায় সমস্ত মাইল দূরে জনমানবহীন সড়কের ওপর দিয়ে চলেছে এক তরুণী। সঙ্গীসাথী তার কেউ নেই। যাবে সে কাছাকাছি কোনো একটা বড়ো শহরে। অনেক দূর থেকে আসছে সে, শরীরে একটা ভারী বোঝা নিয়ে।

ঘন কুয়াশায় ঢাকা চারদিক। তাই পথের নিশানা মাঝে মাঝে হারিয়ে ফেলছে সে। তবুও তার পথ চলার বিরাম নেই। দেহ তার ক্রমেই অবশ হয়ে পড়ছে। জুতো কেটে পা দিয়ে রক্ত ঝরছে। ক্ষতবিক্ষত পা নিয়ে হাঁটতে আর পারে না সে, কিন্তু তবু তাকে এগিয়ে যেতেই হবে—বেহুঁশ হয়ে পড়ার আগে তাকে শহরে পৌঁছাতেই হবে। তাই কোনোরকমে সে দেহটাকে টেনে হিঁচড়ে এগিয়ে নিয়ে যায় শহরের দিকে বাঁচার তাগিদে।

কুয়াশার আবরণ ভেদ করে একটা চলমান লণ্ঠনের ফিকে আলো নজরে পড়ে তরুণীর। এবার সে পা চালায় তাড়াতাড়ি। মনে তার আশার আলো জেগে উঠেছে। নিজের কথা সে আর ভাবে না। এখন সে বাঁচাতে চায় তার ভারী সন্তানকে মানুষের সাহায্য নিয়ে।

কিন্তু আর সে হাঁটতে পারে না। ‘উঃ মাগো’ বলে মাটিতে লুটিয়ে পড়ে সে। দেহের অসহ্য যন্ত্রণায় গোঁড়াতে থাকে সে। মাটি হাতড়ে হাতড়ে কিছুটা পথ এগোবার সে চেষ্টা করে। কিন্তু শেষে বেহুঁশ হয়ে পড়ে থাকে পথের মাঝে। ধুলো আর রক্তে মাখামাখি হয় তার সারা দেহ।

কিছুক্ষণের মধ্যেই সেই লণ্ঠনের আলো এগিয়ে এসে তরুণীর সারা দেহে ছড়িয়ে পড়ল। চকিতে ব্যাপারটা বুঝতে পেরে লণ্ঠনের মালিক তখনি তরুণীকে নিজের কাঁধে তুলে নিয়ে পাড়ি দিল শহরের দিকে।

শহরের এক ধারে অন্ধকার এক গলির ভেতর একটা ভাঙা পোড়ো বাড়ি। দরজায় কাঠের ওপর লেখা ‘অনাথ-আশ্রম’। মৃতপ্রায় তরুণীকে নিয়ে আসা হল সেখানে। আশ্রমের বারান্দায় তাকে ফেলে রেখে লোকটি ছুটে গেল আশ্রমের ডাক্তারকে ডাকতে। তার হাঁকডাকে আশ্রমের বাসিন্দা অনাথা স্যালি বুড়ি ছুটে এলো। প্রয়োজনের তাগিদে স্যালি বুড়ি কখনো কখনো ধাইয়ের কাজও করে থাকে।

স্যালি বুড়ির ছোট ঘরেই মূর্ছিতা তরুণীটি শেষে আশ্রয় পেলে। হাতে পায়ে গরম সেক দেবার পরে ধীরে ধীরে জ্ঞান ফিরে এলো তার। স্যালি বুড়ির হেফাজতে তাকে রেখে ডাক্তার চলে গেলেন অন্য ঘরে।

কিছুক্ষণ পরেই জন্ম হল একটি শিশুর। তার মা সেই তরুণীর রক্তহীন পাণ্ডুর ঠোঁট দুখানি নড়ে উঠল। অস্ফুট কণ্ঠে বলে ওঠে সে, ‘আমার কাছে ওকে নিয়ে এসো। মরার আগে আমার সন্তানকে দেখতে দাও একবার।’ এই বলে সে অতিকষ্টে বালিশ থেকে ঘাড় তুলে পাশেই তার নবজাত শিশুর কপালের ওপর নিজের মুখটা চেপে ধরেই এলিয়ে পড়ল। ডাক্তার এসে নাড়ী টিপে বললেন, ‘সব শেষ!’

মৃত্যুর জন্যে শোক করার কেউ নেই। তাই অবহেলাভরে লাশ ঢেকে দিয়ে ডাক্তার চলে গেলেন। যাবার আগে ডাক্তার একবার জিজ্ঞাসা করলেন স্যালি বুড়িকে, ‘বেশ দেখতে ছিল মেয়েটি—কোথা থেকে এসেছিল?’

বুড়ি উত্তর দিল, ‘রাতেরি কুড়িয়ে আনা হয়েছে ওকে। পথে পড়ে ছিল। জুতোর হাল দেখে মনে হয়, অনেকখানি পথ হেঁটে এসেছে সে, কিন্তু কোথা থেকে সে এসেছিল, আর যাচ্ছিলই বা কোথায়, তা জানে না কেউ।’

ডাক্তার বললেন, ‘ওঃ! সেই একই পুরানো জবাব!’

ডাক্তার চলে যেতেই স্যালি বুড়ি এবার শিশুকে বাঁচাবার জন্যে উঠে পড়ে লাগল। অনেকক্ষণ ধরে জীবন-মরণের টানা-পোড়নের মধ্যে পড়ে হাঁপাতে লাগল শিশুটি। তার খোঁজ-খবর নেবার জন্যে কোনো মাসী-পিসী বা খুড়ি-জেঠী সেখানে ছিল না। এমনকি তাকে বাঁচিয়ে তোলার জন্যে কোনো ভালো ডাক্তারও মাথা ঘামাল না। তবুও এতো অনাদরে অযত্নে শেষ পর্যন্ত বেঁচে গেল সে। তাকে দেখাশুনো করার জন্যে ছিল কেবল অনাথ-আশ্রমের সেই অনাথা স্যালি বুড়ি আর দায়ে-ঠেলা সেই হাতুড়ে ডাক্তার।

শত অবহেলাতেও শিশুটি যখন দুনিয়ার আলো বাতাসকে আঁকড়ে রইল, মরণের নামটিও করল না, তখন আশ্রমের কর্মকর্তারা তার একটা নাম রাখতে বাধ্য হলেন। আশ্রমের রেকর্ডে শিশুটির নাম লেখা হল ‘অলিভার টুইস্ট’। বাপ-মায়ের পরিচয় নেই বলেই শিশু অলিভারকে রেখে দেওয়া হল অনাথ-আশ্রমের একটা অবাঞ্ছিত বোঝা হিসেবে।

বয়স বাড়ার সাথে সাথে শিশু অলিভারের গায়ে উঠল অনাথ-আশ্রমের মোটা আঙুরাখা। সে হয়ে গেল তাদেরই একজন—আধপেটা খাওয়া হীন কেনা গোলাম যারা, কিল-চড় আর গালমন্দ সয়ে যারা বেঁচে থাকে দুনিয়ায়, যাদের ঘৃণা করে সবাই, কিন্তু দয়া করে না কেউ, অনাথ-আশ্রমের অসহায় শিশুদের একজন সে।

দশ মাস পরে শিশু অলিভারকে পাঠিয়ে দেওয়া হল তিন মাইল দূরে অনাথ-আশ্রমের জন্য এক কর্মকেন্দ্রে। যেসব ছোটো-ছোটো ছেলে আইন ভেঙে পুলিশের হাতে ধরা পড়ত, তাদের ওই কর্মকেন্দ্রে আটকে রাখা হতো। সেখানে থাকতো ওইরকম বিশ-তিরিশ জন কিশোর অপরাধী। নিষ্পাপ শিশু অলিভারের সঙ্গী হত তারা।

দ্বিতীয় পরিচ্ছেদ

অনাথ-আশ্রমের যে কর্মকেন্দ্রে শিশু অলিভারকে পাঠানো হল দশ মাস বয়সে, মিসেস্ ম্যান্ ছিলেন তার পরিচালিকা। ছোটো-ছোটো ছেলে-মেয়েদের দেহ ও মন কতো সুন্দরভাবে গড়ে তোলা যায়, সে বিষয়ে নাকি মিসেস্ ম্যান্ বিশেষ ওয়াকিবহাল ছিলেন। তাই অনাথ-আশ্রমের প্রধান কর্মকর্তারা তাঁকে কিশোর অপরাধীদের অভিভাবক হিসেবে নিযুক্ত করে নিশ্চিত ছিলেন। মিসেস্ ম্যান্ ওইসব কিশোরদের নিয়ে নানা ধরনের পরীক্ষা-নিরীক্ষা চালাতেন, বিশেষ করে সবচেয়ে কম খাবার আর সবচেয়ে কম পোশাক দিয়ে কী করে ছেলেদের বাঁচিয়ে রাখতে পারা যায়, সেদিকে তাঁর নজর ছিল প্রখর। ছেলেদের কোনো অনিয়মই তিনি সহিতে পারতেন না। তাঁর আশ্রমের কোনো ছেলে হলফ করে বলতে পারবে না যে, অনিয়ম করে সে বরাদ্দ খাবারের একটা কণাও কোনো দিন বেশি খেতে পেয়েছে। প্রত্যেক ছেলের পেছনে খরচ করার জন্যে তিনি প্রতি সপ্তাহে সরকার থেকে পেতেন সাড়ে সাত পেনি। পাছে বেশি খেয়েপরে ছেলেদের মেজাজ বিগড়ে যায়, সেজন্যে তিনি সরকারের দেয়া ওই সামান্য অর্থের বেশ মোটা একটা অংশ নিজের তহবিলে জমাতেন। অবশ্য ছেলেগুলো ছিল বড্ড পাজি, তাই মিসেস্ ম্যান্কে সকলের চোখে হয় করার জন্যে তারা বেশিরভাগ বড় হবার আগেই মারা যেতো অসুখে

ও অনাহারে। যদি কোনোরকমে তাদের কেউ বেঁচে থাকত, তাহলে কতো কম খাবারে মানুষ জান বাঁচিয়ে থাকতে পারে, তার একটা নমুনা হিসেবে দুনিয়ার সামনে তাকে তুলে ধরা যেতে পারত।

মিসেস্ ম্যানের দেয়া আদর্শ খাবার নিয়মিত খেয়ে অলিভারের বয়স যখন নয় বছর হল, তখন তার রোগা লিকলিকে ছোটোখাটো চেহারা ও তার সাদা চামড়ার দিকে চেয়ে কেউ অনুমানই করতে পারতো না যে, তার দেহে কোথাও এক ফোঁটা রক্ত আছে। কিন্তু বাপ-মায়ের কাছ থেকে পাওয়া বা প্রকৃতির দেওয়া এমন একটা জিনিস সে পেয়েছিল তার দেহে ও মনে, যা মিসেস্ ম্যানের শত চেষ্টাতেও খোয়া গেল না। তার সরল, সুন্দর, নিষ্পাপ মুখের দিকে তাকিয়ে সকলেই তাকে ভালবাসতে ইচ্ছা করত।

সেদিনটা ছিল অলিভারের নবম জন্মতিথি। অলিভার সারাটা দিন দুজন কিশোর ছেলের সাথে তালাচাবি দিয়ে বন্ধ করা কয়লা মজুত রাখার ছোটো কুঠুরীতে আটকে রইলো মিসেস্ ম্যানের হুকুমে। ওদের অপরাধ, ওরা নাকি বড্ড বেশি খাই খাই করেছে সেদিন। এমন দিনে হঠাৎ সেখানে হাজির হলেন অনাথ-আশ্রমের প্রধান পরিচালক মিষ্টার বাব্বল। ঘরের জানালা দিয়ে কুটিরের দরজার সামনে তাঁকে দেখেই মিসেস্ ম্যান বেশ ঘাবড়ে গেলেন। তিনি তখনি অলিভার ও তার সঙ্গী দুজনকে অবিলম্বে কয়লা-কুঠুরী থেকে বের করে দোতালায় নিয়ে গিয়ে ভালো করে গা রগড়ে ধুয়ে দেবার নির্দেশ দিলেন পরিচারিকাকে। তাঁর ভয় হল, মিষ্টার বাব্বল যদি ওদের কয়লা-মাখা অবস্থায় দেখতে পান, তবে তার বদনাম দিতে কসুর করবেন না তিনি।

ঘর থেকে বেরিয়ে এসে মিসেস্ ম্যান খাতির যত্ন করলেন মিঃ বাব্বলকে। ভালো ভালো পানীয় খেতে দিলেন তাঁকে। খেতে খেতে মিঃ বাব্বল জানালেন যে, কুড়ি পাউন্ড পুরস্কার ঘোষণা করেও অলিভারের বাবা-মায়ের কোনো পরিচয় বা খোঁজ পাওয়া যায়নি, আর ওর এখন বয়স বেড়েছে বলে ওকে এবার অনাথ-আশ্রমের কর্মকর্তারা তাঁদের প্রধান কর্মকেন্দ্রে নিয়ে গিয়ে কাজের যোগ্য করে তুলতে চান। তাই অলিভারকে সেখানে নিয়ে যেতে এসেছেন তিনি।

একথা শুনে মিসেস্ ম্যান অলিভারকে নিয়ে এসে হাজির করলেন মিঃ বাব্বলের সামনে। মিসেস্ ম্যানের কথামতো অলিভার মিঃ বাব্বলকে নমস্কার জানাল।

মিঃ বাব্বল জিজ্ঞাসা করলেন, 'কি হে অলিভার, তুমি কি আমার সাথে যাবে?'

মিসেস্ ম্যানের খপ্পর থেকে তাড়াতাড়ি রেহাই পেতে চায় অলিভার, তাই সে জবাব দিতে যাচ্ছিলো যে সে মিঃ বাব্বলের সাথে যেতে খুবই আগ্রহী, কিন্তু জবাবটা তার মুখে আটকে গেল মিসেস্ ম্যানের দিকে তাকিয়ে। অলিভার দেখল—মিসেস্ ম্যান মিঃ বাব্বলের চেয়ারের পেছনে সরে গিয়ে চোখ রাঙিয়ে হাতের ঘুষি দেখাচ্ছেন তাকে লক্ষ্য করে। তা দেখে ভয় পেল বেচারী অলিভার। আমতা আমতা করে সে মিঃ বাব্বলকে জিজ্ঞাসা করল মিসেস্ ম্যানের দিকে আঙুল দেখিয়ে, 'উনিও কি আমার সাথে যাবেন?'

মিঃ বাব্বল বললেন, 'আরে না-না। উনি কেন যাবেন তোমার সাথে? তোমাকে একলাই যেতে হবে আমার সাথে।'

পরিস্থিতি বোঝার মতো যথেষ্ট বুদ্ধি ছিল অলিভারের, তাই সে কেঁদে ভাসিয়ে দিল মিসেস্ ম্যানকে ছেড়ে যেতে হবে বলে। মিসেস্ ম্যানও কিছুমাত্র দেরি না করে অলিভারকে সান্ত্বনা দিতে লাগলেন, আর সাথে সাথে বিদায় সম্ভাষণও জানালেন। এভাবে দুজনের মধ্যে নিষ্প্রাণ ভালোবাসার অভিনয় হবার পর, অলিভার তার বিগত নয় বছরের

আশ্রয় ছেড়ে রওনা হল মিঃ বাম্বলের সাথে অনাথ-আশ্রমের প্রধান কর্মকেন্দ্রে যাবার জন্যে। তার ডান হাতে মিসেস্ ম্যানের দেওয়া একটুকরো পাঁউরুটি, আর মাথায় অনাথ-আশ্রমের মার্কামারা ছোট্ট বাদামি টুপি।

মিসেস্ ম্যানের কুটিরের দরজা পেরিয়ে অলিভার রাস্তায় নামার সাথে সাথে দরজাটা বন্ধ হয়ে গেল। পেছন ফিরে তাকিয়ে তা দেখতে পেয়েই অলিভারের চোখে জল এলো। যে কুটিরের ভেতরে অলিভার কোনোদিন একটা দরদভরা কথা কারও মুখ থেকে শোনেনি, যেখানে সে কেবল পেয়েছে লাঞ্ছনা আর গঞ্জনা, যেখানে খিদের সময় খাবারের বদলে সে পেয়েছে তাড়না, সেই মিসেস্ ম্যানের কুটির ছেড়ে চলে আসার সময় তার মুখে নেমে এলো শোকের ছায়া। যেসব বন্ধুদের সে রেখে এলো ওই কুটিরে, তাদের দুঃখময় জীবনের কথা ভাবতে ভাবতে সে পথ চলতে লাগল। এই বিশাল দুনিয়ার অচেনা পথে এবার থেকে তাকে একা চলতে হবে, তাই তার মন অজানা আশঙ্কায় বিচলিত হয়ে উঠল।

তৃতীয় পরিচ্ছেদ

বালক অলিভারকে হাঁটিয়ে নিয়ে গেলেন মিঃ বাম্বল। এর আগে অলিভার একনাগাড়ে এতটা পথ হাঁটার সুযোগ পায়নি কখনো। তাই একদিকে যেমন পথ চলতে অসুবিধে হওয়ায় সে মাঝে মাঝে থমকে দাঁড়িয়ে পড়ছিল, তেমনি আশেপাশে নানা অপরিচিত দৃশ্য দেখে কখনো কখনো হতবাক হচ্ছিল। পথ চলায় অলিভারের এই ধরনের গাফিলতি মিঃ বাম্বল সইতে পারলেন না। তিনি ধমক দিলেন কয়েকবার তাকে, শেষে কানমলা ও কোঁৎকা দিয়ে তার পথ চলার গতি বাড়িয়ে দেবার চেষ্টা করলেন, কিন্তু কিছুতেই বালক অলিভার তাঁর মতো একটা ধুমসো লোকের সাথে পাল্লা দিয়ে হাঁটতে পারল না। একে তার খিদেয় পেট জ্বলছে, তার ওপর পথ চলার অভ্যাস নেই তার। তাই মিঃ বাম্বলের হুমকি কোনো কাজেই লাগল না। অবশ্য মিঃ বাম্বলকে খুশি করার জন্যে অলিভারের চেষ্টার ক্রটি ছিল না একটুও। সত্যি কথা বলতে কি, রোগা লিক্লিকে ফ্যাকাসে ছোটোখাটো চেহারা নিয়ে অলিভারকে দৌড়োতে হয়েছিল মিঃ বাম্বলের পেছনে পেছনে।

এভাবে অলিভারকে টেনে হিঁচড়ে নিয়ে গিয়ে মিঃ বাম্বল যখন অনাথ-আশ্রমের প্রধান কর্মকেন্দ্রে হাজির হলেন, তখন সন্ধ্যা হয়ে গেছে। এসেই শুনলেন যে আশ্রমের কর্মকর্তাদের সভা শুরু হয়ে গেছে, আর অলিভারকে নিয়ে সভায় হাজির হবার জন্যে তাঁর ঘন ঘন ডাক এসেছে সভাপতি মিঃ লিঙ্কিনের কাছ থেকে। একথা শোনামাত্র মিঃ বাম্বল অলিভারকে দুচার মিনিট বিশ্রাম করার সুযোগ না দিয়েই তাকে বগলদাবা করে টানতে টানতে হস্তদস্ত হয়ে সভায় হাজির হলেন।

কর্মকর্তাদের সভায় হাজির হয়ে অলিভার দেখল, আট দশজন ভদ্রলোক একটা মস্ত বড়ো টেবিলকে ঘিরে চেয়ারে বসে কথাবার্তা বলছেন আর মাঝে মাঝে কতকগুলো লেখা কাগজ পড়ছেন। তাঁদের মধ্যে একজন একটু উঁচু চেয়ারে বসে আছেন।

অলিভারকে টেবিলের দিকে এগিয়ে দিয়ে মিঃ বাম্বল বললেন, ‘অলিভার, ওঁদের নমস্কার জানাও—ওঁরাই তোমাকে এতদিন খাইয়ে পরিয়ে মানুষ করেছেন।’

খিদের জ্বালায় আর পথশ্রমে অলিভারের চোখে বিন্দু বিন্দু জল জমেছিল। চোখের জল মুছে সে টেবিলের সামনে দাঁড়িয়ে নমস্কার জানাল কর্মকর্তাদের।

যিনি উঁচু চেয়ারে বসে ছিলেন, তিনি হলেন সভাপতি মিঃ লিঙ্কিন। একটিপ্ নসি নিয়ে তিনি প্রশ্ন করলেন, 'খোকা, তোমার নীম কী?'

প্রশ্নের সাথে সাথে এতোগুলো লোককে তার মুখের দিকে একনজরে তাকাতে দেখেই অলিভার ঘাবড়ে গেল। ভয়ে ঠকঠক করে তার পা কাঁপছিল, গলা তার শুকিয়ে গিয়েছিল, তাই বিড়বিড় করে সে যা জবাব দিল তা সকলে শুনতে পেলেন না।

কর্মকর্তাদের কেউ কেউ মন্তব্য করলেন, 'ছেলেটা একটা আশু গাধা।' কেউ কেউ বললেন, 'পেট ভরে খাওয়ানোর ফলে ছেলেটার মাথার ঘিলু মোটা হয়ে গেছে।'

মিঃ বাম্বল এবার অলিভারের পেছনে দাঁড়িয়ে দু'একটা কৌৎকা দিলেন। ফলে অলিভার তার নুয়ে পড়া পা দুটো খাড়া করে ঠায় দাঁড়িয়ে রইল পরবর্তী প্রশ্নের জন্যে।

মিঃ লিঙ্কিন আবার প্রশ্ন করলেন, 'খোকা, তুমি বোধ হয় জানো যে তুমি একজন অনাথ?'

'তাতে হয়েছে কী?' অলিভার জবাব দিয়ে বসল।

এবার হাসির রোল উঠল সভার মাঝে। অলিভার যে নিরেট গাধা সে বিষয়ে কর্মকর্তাদের আর কোনো সন্দেহ রইল না।

মিঃ লিঙ্কিন অলিভারের দিকে তাকিয়ে আবার বললেন, 'তুমি নিশ্চয়ই জানো যে তোমার বাপ মা নেই বলে আমরা তোমাকে খাইয়ে পরিয়ে মানুষ করেছি, তাই না?'

কাদ কাদ গলায় অলিভারের ছোট্ট জবাব শোনা গেল, 'হ্যাঁ।'

মিঃ লিঙ্কিন বললেন, 'তোমাকে এবার শিখিয়ে পড়িয়ে কোনো কাজের লাতেক করে তোলার জন্যে এখানে আনা হয়েছে। কাল ভোর ছটা থেকে দড়ি পাকানোর কাজে লেগে যাবে, বুঝেচো?'

অলিভারের মুখ দিয়ে আর কোনো জবাব বেরুলো না। মিঃ বাম্বল অবশ্য আর দেরি না করে অলিভারকে টানতে টানতে একটা বড়ো হলঘরে নিয়ে এসে তারই এককোণে একটা ময়লা বিছানায় শুইয়ে দিলেন। অলিভার ফুঁপিয়ে কাদতে কাদতে কখন যে ঘুমিয়ে পড়ল কেউ আর খোঁজ রাখল না। খাবার জন্যে কেউ তাকে ডাকতেও এল না।

ওদিকে কর্মকর্তারা সভা শেষ করার আগে অনাথ-আশ্রম পরিচালনার ব্যাপারে কতকগুলো নিয়মকানুনের গুরুতর রদবদল করলেন। তার মধ্যে একটা হল অনাথ ছেলেদের খাওয়ার পরিমাণ বিষয়ে। কর্মকর্তারা সবাই জ্ঞানী গুণী দার্শনিক লোক। তাঁরা অনেক ভেবে চিন্তে ঠিক করলেন যে, অনাথ ছেলেদের বেশি পরিমাণে খাবার দেওয়া হচ্ছে বলে তারা দিন দিন গাধা হয়ে যাচ্ছে, আর অকর্মার ঢেঁকি হয়ে নিশ্চিন্ত আরামে দিন কাটাচ্ছে, তাই এবার থেকে খাওয়ার পরিমাণ এমনভারে কমাতে হবে যাতে অনাথ ছেলেরা আশ্রমকে তাদের আড্ডাখানা করে তুলতে না পারে, আর খিদের জ্বালায় কাজকর্মের দিকে মন দিতে পারে। এই উদ্দেশ্যে তাঁরা আশ্রমের খাবার জলের সরবরাহ বাড়িয়ে দিলেন, আর ছেলেদের মাথাপিছু রোজ তিনবারে তিন হাতা যবের ছাতুর তৈরি পাতলা লপ্সি, সপ্তাহে দুবার একটি করে পিয়াজ এবং প্রতি রবিবারে আধখানা রুটি বরাদ্দ করলেন।

নতুন ব্যবস্থামতো খাবার দেবার ফলে অনাথ-আশ্রমের প্রথম প্রথম খরচ বেড়ে গেল, কেননা অনাথ ছেলেরা না খেতে পেয়ে ধীরে ধীরে আরও লিকলিকে হওয়ার ফলে তাদের জমাগুলো বড়ো বেশি ডিলে হয়ে গেল আর তাদের জামা পালটাতে বাড়তি খরচের ধাক্কা সহিতে হল। তাছাড়া অনাথ ছেলেরা বেশি সংখ্যায় মরতে লাগল বলে অনেক খরচ হল, কেননা একজনের কয়েক বছরের খাবার খরচের চেয়ে থাকে কবর দেওয়ার খরচ ছিল

বেশি। কর্মকর্তারা ছিলেন সবাই খাঁটি খ্রিস্টান, তাই কবর দেওয়ার বদলে লাশগুলো তারা জলে ফেলে দেওয়ার ব্যবস্থা করতে পারলেন না ধর্মনষ্ট হবার ভয়ে।

* * * *

প্রথম তিনমাস অলিভার ও তার সঙ্গীরা মুখ বুঝে সয়েছিল অনাহারের জ্বালা। সকলেই খাবার সময়ে এক হাতা লপসি খেয়ে আঙুল চুষত অনেকক্ষণ ধরে, আর ক্যাংলার মতো মতো তাকিয়ে থাকত লপসির হাতার দিকে, কিন্তু কারও সাহস হত না আর-এক হাতা লপসি চাইতে। তারা ভালো করেই জানত বাড়তি এক হাতা লপসি চাইলে তারা তো তা পাবেই না, উলটে পাবে কঠোর সাজা। তাই খিদের জ্বালায় তারা খাবারের থালা চেটে চেটে চকচকে করে তুলত। এর ফলে থালা ধোয়া-মোছার পাট ছিল না তাদের।

ক্রমাগত না খেয়ে খেয়ে অনাথ ছেলেরা শেষে মাথা ঠিক রাখতে পারলো না। একদিন একটা ছেলে বলল—রোজ বাড়তি আর এক হাতা লপসি না পেলে সে হয়তো কোনোদিন মাঝ রাত্রে তার পাশে শোওয়া ঘুমন্ত ছেলেটাকে আস্ত চিবিয়ে খাবে। একথায় অন্য ছেলেরা সবাই ভয় পেয়ে গেল। তারা তখন পরামর্শ করল নিজেদের মধ্যে। শেষে ঠিক হল তারা এবার এক হাতা বাড়তি লপসির জন্যে দাবি পেশ করবে। এ ব্যাপার অলিভারকেই তারা বেছে নিলো তাদের নেতা হিসেবে। অলিভারই সর্বপ্রথম এক হাতা বাড়তি লপসি চাইবে—তারপর ধীরে ধীরে বাকি সবাই এই দাবি নিয়ে এগিয়ে যাবে।

সেদিন সন্ধ্যাবেলা এক হাতা লপসি খেয়ে ছেলেরা নিয়মমতো আঙুল চোষার পরে থালা চাটতে লাগল। অলিভার কিন্তু তা করল না। সে এগিয়ে গিয়ে বাড়তি আর এক হাতা লপসি চেয়ে বসল।

অনাথ-আশ্রমের দীর্ঘ-জীবনে কখনো কোনো ছেলে এরকম বেআইনী দাবি করেনি। পরিবেশক চমকে উঠল। তখন সে তার বাঁট দিয়ে অলিভারের মাথায় দু-চার ঘা বসিয়ে দিল এবং হাতে পিছমোড়া করে বেঁধে নিয়ে গিয়ে মিঃ বাম্বলকে জানাল, ‘সর্বনাশ হয়েছে! অলিভার এক হাতা লপসি বেশি চেয়েছে!’

মিঃ বাম্বল চেয়ার ছেড়ে লাফিয়ে উঠে বললেন, ‘এ্যা! ছোঁড়াটা এক হাতা লপসি বেশি চেয়েছে! এতবড়ো আশ্রমেরা খুঁদে শয়তানটার! অকৃতজ্ঞ বেইমান কোথাকার!’

রাগে কাঁপতে থাকেন মিঃ বাম্বল। বেতটা কাছে খুঁজে না পেয়ে অলিভারের দিকে তেড়ে গেলেন তিনি।

অলিভার কিন্তু ভয়ে পিছু হটল না। বাড়তি এক হাতা লপসির দাবিতে সে অবিচল রইলো। তা দেখে মিঃ বাম্বলের মাথা আরও গরম হয়ে উঠল। চোখ পাকিয়ে তিনি চোঁচিয়ে উঠলেন, ‘বড়ো বাড় বেড়েছিস্ দেখছি! ফের যদি এ ধরনের কথা বলিস তো চাবকে সোজা করে দেব!’

অলিভার ভবুও ভয়ে কুঁকড়ে গেল না বা মাথা নোয়ালো না দেখে মিঃ বাম্বল এবার তার কান ধরে হিড়হিড় করে টানতে টানতে নিয়ে গেলেন আশ্রমের সভাপতি মিঃ লিম্বকিনের কাছে।

নিজের ঘরে ইজিচেয়ারে বসে মিঃ লিম্বকিন তখন আধা-ঘুমের আমেজে ছিলেন।

‘স্যার! এই ছোঁড়াটা এক হাতা লপসি বেশি চেয়েছে।’ সখেদের বলে ওঠেন মিঃ বাম্বল।

কথাটা কানে আসা মাত্রই মিঃ লিম্বকিনের ঘুমের নেশা ছুটে গেল। চোখ কপালে তুলে তিনি ফ্যালফ্যাল করে খানিকক্ষণ তাকিয়ে রইলেন অলিভারের মুখের দিকে। প্রচলিত

নিয়মের বিরুদ্ধে অলিভারের বিদ্রোহের মুদ্রাটা কতখানি তা বোধ হয় প্রথমে যাচাই করে দেখলেন তিনি। তারপর কিছুই যেন শোনেন নি বা বুঝতে পারেন নি এরকম একটা ভাব দেখিয়ে এক টিপ্ নসি নিয়ে মিঃ লিঙ্কিন্ জিজ্ঞাসা করলেন, ‘কী বলছেন আপনি, মিঃ বাব্বল?’

মিঃ বাব্বল জবাব দেন, ‘স্যার! এই পুচকে ছোঁড়াটা আশ্রমের নিয়মকানুন মানবে না বলছে—রোজা এক হাতা লপ্সি বেশি চাইছে।’

এ ধরনের জঘন্য অভিযোগ আজ পর্যন্ত পাননি মিঃ লিঙ্কিন্ তাঁর সুদীর্ঘ আশ্রম-জীবনের কাজে, তাই নিজের কানকে যেন প্রথমে বিশ্বাস করতে পারেন না তিনি। কথাটা সত্যি কিনা তা ভালো করে যাচাই করার জন্যে তিনি আবার মিঃ বাব্বলকে জিজ্ঞাসা করেন, ‘আপনি কি বলতে চাইছেন যে ওই ছেলেটা সত্যি সত্যি পুরো এক হাতা বাড়তি লপ্সি চেয়েছে?’

‘তাইতো চেয়েছে ছোঁড়াটা।’ জবাব দেন মিঃ বাব্বল।

‘পুরো এক হাতা—কথাটা শেষ করতে পারেন না মিঃ লিঙ্কিন্। বিশ্বাসের রেশ ফুটে ওঠে তাঁর সুরে।

‘হ্যাঁ, স্যার!’ সিকি বা আধ হাতা নয়, পুরো এক হাতা লপ্সিই বেশি চেয়েছে।’ কথাটা জোর দিয়ে বলেন মিঃ বাব্বল।

‘ঠিক বলছেন তো?’ আবার জিজ্ঞেস করেন মিঃ লিঙ্কিন্।

‘হ্যাঁ, স্যার!’ এবার ছোট্ট জবাব আসে মিঃ বাব্বলের কণ্ঠে।

একথা শুনে মিঃ লিঙ্কিন্ সোজা হয়ে চেয়ারে বসলেন। মনে মনে বোধ হয় এতক্ষণ হিসেবে করছিলেন রোজ পুরো এক হাতা বাড়তি লপ্সি দিলে আশ্রমের খরচের খাতে কত টাকা বাড়বে। হিসেব গুলিয়ে যাওয়ায় ক্ষুদ্র মেজাজে তিনি মিঃ বাব্বলকে আবার জিজ্ঞাসা করেন, ‘কেন? ওদের কি আমরা কম খেতে দিচ্ছি?’

এ প্রশ্নের জবাব দিতে যাচ্ছিল অলিভার, কিন্তু তার কোঁকে কোঁৎকা মেরে মিঃ বাব্বল থামিয়ে দিলেন তার ভাষা! সাফাইয়ের সুরে নিজেই বলে ওঠেন, ‘মোটাই তা নয়, স্যার। আপনারা সকলে এতো মাথা ঘামিয়ে অনাথ ছেলেদের জন্যে যা বরাদ্দ ঠিক করেছেন তা কখনো কম হতে পারে না। কোনোমতেই তাকে কম বলা যায় না—অন্তত আমি নিজে তা স্বীকার করি না। বরং আমি জোর দিয়ে বলতে পারি যে, ওদের খাবার বেশি দেওয়া হচ্ছে।’

‘খাবার বেশি দেওয়া হচ্ছে!’ আর একটা পালটা অভিযোগ পেলেন বলে মনে হল মিঃ লিঙ্কিনের।

মিঃ বাব্বলের মুখের দিকে হাঁ করে তাকিয়ে থাকেন মিঃ লিঙ্কিন্ বাহবার ভঙ্গিমা নিয়ে। মুখে তাঁর মৃদু হাসি ফুটে ওঠে এবার। সমস্যার সমাধান হয়তো খুঁজে পেয়েছেন তিনি এতক্ষণে।

এদিকে শীর্ণ ক্ষুধার্ত অলিভার ভয়ে কাঁপতে থাকে সভাপতির জাঁদরেল চেহারা ও তাঁর ভারি ক্লি চাল দেখে। তার মুখে কোনো ভাষা বের হল না বটে মিঃ বাব্বলের মারের ভয়ে, তবে তার অন্তর বলতে থাকল, ‘আপনাদের দয়ায় যেটুকু খেয়ে বেঁচে এখনও আছি তার জন্যে কৃতজ্ঞ, শুধু বাড়তি এক হাতা লপ্সি পেয়ে আরও কিছুদিন বাঁচব।’

মিঃ বাব্বলের জবাবের জের তুলে মিঃ লিঙ্কিন্ আবার জিজ্ঞাসা করেন, ‘তাহলে, মিঃ বাব্বল, আপনি কি বলতে চান যে ছেলেটা আশ্রমের বিরুদ্ধে বিদ্রোহ করতে চাইছে?’

মিঃ বাম্বল সঙ্গে সঙ্গে জবাব দেন, 'হ্যাঁ স্যার! এটা একটা ঘোরতর বিদ্রোহ। এর একটা হেস্তনেস্ত করা এখনি দরকার, নইলে শেষে আমরা কিছুতেই সামাল দিতে পারব না।'

মিঃ লিঙ্কিন্ বললেন, 'তাহলে তো বিদ্রোহীকে কড়া সাজা দিতে হয়?'

মিঃ বাম্বল জবাব দেন, 'হ্যাঁ স্যার! এ ছোঁড়াটা হল নাটের গুরু। একে সাজা না দিলে এর দেখাদেখি বাকি সকলে বিগড়ে যাবে, আর পরিণামে অনাথ ছেলেদের জন্যে আশ্রমের এতদিনের সৎ প্রচেষ্টা একেবারে বানচাল হয়ে যাবে।'

মিঃ বাম্বলের শেষ কথাটা শুনে মিঃ লিঙ্কিন্ ঘাবড়ে যান। অনাথ-দরিদ্রদের সেবক তিনি। আজীবন সেবার আদর্শ ঘাড়ে নিয়ে আশ্রমের কঠোর কাজ করে যাচ্ছেন তিনি। একটা ছেলের জন্যে অনাথ-আশ্রমের এতবড়ো ক্ষতি হবে এটা তিনি জেনেগুনে সইবেন কী করে? তা ছাড়া ছেলেদের বেশি খাবার দেওয়ার অভিযোগ পেয়েছেন মিঃ বাম্বলের কাছ থেকে।

অগত্যা সে রাতেই কর্মকর্তাদের সভা ডেকে বসলেন মিঃ লিঙ্কিন্। সভার বিচার্য বিষয় হল, 'বাড়তি এক হাতা লপ্সি চেয়ে অলিভার টুইস্ট নামে এক বালকের বিদ্রোহ ঘোষণা আশ্রমের বিরুদ্ধে।'

মিঃ লিঙ্কিনের হুকুমে সেদিন থেকে অলিভারকে অঙ্কার সেলে আটক রাখা হল। অনেক ভেবেচিন্তে অনাথ-আশ্রমের কর্মকর্তারা শেষ পর্যন্ত ঠিক করলেন, অলিভারকে আশ্রম থেকে বিদায় করতেই হবে।

* * * *

পরের দিন আশ্রমের সদর দরজায় একটা বিজ্ঞাপন বুলিয়ে দেয়া হল। বিজ্ঞাপনে লেখা ছিল, 'কেউ যদি অলিভারকে নিজের কাজে লাগাবার জন্যে নিয়ে যায়, তবে তাকে পাঁচ পাউন্ড দেয়া হবে।'

এক সপ্তাহের মধ্যে কেউ এল না এই জঘন্য অপরাধী-বালকের প্রার্থী হয়ে। নির্জন অঙ্কারে বন্দিদশায় কেঁদে-কেঁদে আকুল হল অলিভার।

সেদিন সকালবেলা চিম্নি-পরিষ্কারক গ্যাম্ফিল্ড্ যাচ্ছিল আশ্রমের সামনে দিয়ে। তাকে তার বাড়িওয়ালা কদিন ধরে বাকি ভাড়ার জন্যে ভারী তাগাদা দিচ্ছিল। গ্যাম্ফিল্ড্ ভাড়ার টাকা যোগাড় করতে না পেরে খুব ভাবনায় পড়েছিল। হঠাৎ আশ্রমের ওই বিজ্ঞাপনটা চোখে পড়ায় সে আনন্দে লাফিয়ে উঠল। তখনি অনাথ-আশ্রমের কর্মকর্তাদের কাছে অলিভারকে নিজের সহকারী হিসেবে পাবার জন্যে আবেদন জানাল। অনেক দর-কষাকষির পরে কর্মকর্তারা তাকে পাঁচ পাউন্ডের জায়গায় সাড়ে-তিন পাউন্ড দিয়ে তার হাতে অলিভারকে সঁপে দিতে রাজি হলেন।

তারপর অলিভার আর গ্যাম্ফিল্ডকে নিয়ে মিঃ বাম্বল গেলেন ম্যাজিস্ট্রেটের কাছে—তার অনুমতি ছাড়া অলিভারকে লাগানো যাবে না চিম্নি পরিষ্কার করার কাজে। কেন না, এর আগে এ-কাজ করতে গিয়ে কয়েকজন বালক দম বন্ধ হয়ে মারা গেছে।

ম্যাজিস্ট্রেট প্রথমে আপত্তি করলেও শেষ পর্যন্ত রাজি হয়ে এসেছিলেন, কিন্তু সবকিছু বিগড়ে দিল অলিভার। সে গ্যাম্ফিল্ডের চাপটা-মুখে কী-যেন দেখে এমন ভয় পেল যে, কিছুতেই তার সঙ্গে সে যেতে চাইল না। ম্যাজিস্ট্রেটও তাই মত দিলেন না।

অলিভারকে ফিরিয়ে এনে আবার অঙ্কার সেল-এ আটকে রেখে দেয়া হল এবং পরদিন অনাথ-আশ্রমের সদর দরজায় আবার একটা বিজ্ঞাপন টাঙানো হল, 'অলিভারকে ভাড়া দেওয়া হবে এবং যে ভাড়া নেবে, তাকে পাঁচ পাউন্ড দেয়া হবে।'

অলিভারকে ভাড়া নেবার জন্যে কেউ এগিয়ে এল না দেখে কর্মকর্তারা তাকে বিদেশে কোথাও ছোকরা চাকর হিসেবে পাঠিয়ে দৈবার চেষ্টা করতে বললেন মিঃ বাব্বলকে। মিঃ বাব্বল চলে গেলেন লন্ডনে জাহাজি-ব্যাপারিদের কাছে, কিন্তু তাতে সফল হলেন না তিনি। আশ্রমে ফিরে আসার পথে তাঁর দেখা হল মিস্টার সোয়ারবেরির সাথে। মিঃ সোয়ারবেরির পেশা হল—কফিন তৈরি করা ও লাশ কবর দেয়ার ব্যবস্থা করা।

কথায় কথায় মিঃ বাব্বল অলিভারের ব্যাপারে নিজের হয়রানির কথা মিঃ সোয়ারবেরিকে বললেন। নানা কারণে মিঃ বাব্বলের সাথে মিঃ সোয়ারবেরির স্বার্থ জড়িত ছিল, কেননা মিঃ বাব্বল ছিলেন একজন পাদরী। পাদরির সাহায্য পেলে কফিনের ব্যবসায় ভালোরকম পশার বাড়িয়ে তোলা যায়, তাই মিঃ বাব্বলকে খুশি করার জন্যে অলিভারকে নিতে মিঃ সোয়ারবেরি রাজি হয়ে গেলেন তখন।

মিঃ বাব্বল ছুটে গেলেন মিঃ লিঙ্কিনের কাছে খবরটা দিতে। ঠিক হল সেদিন সন্ধ্যার পর অলিভারকে পাচার করে দেয়া হবে মিঃ সোয়ারবেরির বাড়িতে।

চতুর্থ পরিচ্ছেদ

সেদিন রাতেই মিস্টার বাব্বলের সাথে অলিভার হাজির হল মিঃ সোয়ারবেরির বাড়িতে। খোলা জানালা দিয়ে তাদের আসতে দেখে মিঃ সোয়ারবেরি বেরিয়ে এসে চোঁচিয়ে উঠলেন, ‘অ গিন্‌লী, দয়া করে একবার বাইরে আসবে কি?’

মিসেস্ সোয়ারবেরি বেরিয়ে এলেন। অলিভারকে দেখেই তিনি মন্তব্য করলেন, ‘ভারি ছোট যে!’

‘তা বটে,’ বলে মিঃ বাব্বল এমনভাবে তাকালেন অলিভারের দিকে, যেন ছোটো হওয়ার জন্যে সে-ই দায়ী। তারপর বলেন মিঃ বাব্বল, ‘ছোটো, তবে বড় তো হবে!’

‘তা হবে—গুণ আছে আমাদের দানাপানির, তবে আশ্রমের ছেলেদের দিয়ে যতটা কাজ পাওয়া যায়, তার চেয়ে খরচ হয় বেশি ওদের পুষতে।’ বললেন মিসেস্ সোয়ারবেরি। তারপর অলিভারকে নিয়ে একটা সরু সিঁড়ি বেয়ে হাজির হলেন একটা অন্ধকার ভ্যাপসা রান্নাঘরে এবং তাকে কিছু বাসি মাংস খেতে দেবার জন্যে হুকুম করলেন পরিচারিকা শার্লটিকে।

মাংস! জিভেয় জল এল অলিভারের। অনাথ-আশ্রমে ও-বস্তুটি কোনোদিন সে খেতে পায়নি। অলিভারের মাংস খাওয়া শেষ হলে মিসেস্ সোয়ারবেরি বলে উঠলেন, ‘এঁ্যা! সবটা খেয়ে ফেললি!’ ভবিষ্যতে অলিভারের খোরাক যে কী দাঁড়াতে পারে, মনে-মনে তার হিসেব করে শিউরে উঠলেন তিনি।

মিসেস্ সোয়ারবেরি তারপর অলিভারকে দোকান-ঘরে নিয়ে গিয়ে বললেন, ‘যা, ওই টেবিলটার তলায় গিয়ে ঘুমো। কফিনের পাশে ঘুমোতে ভয় করবে নাকি রে? তা’, ভয় করলেও উপায় নেই—ওখানেই ঘুমোতে হবে তোকে।’

দোকান-ঘরের দরজা বন্ধ করে তার মধ্যে একলা শুয়ে চারদিকের কফিনগুলোর দিকে তাকিয়ে ভয়ে ঘামতে-ঘামতে একসময় ঘুমিয়ে পড়ল অলিভার।

ঘরের দরজায় দুডুম-দাডাম লাথির আওয়াজ শুনে অলিভারের ঘুম ভাঙল ভোরে। উঠে দরজা খুলে দিতেই ঘরে ঢুকলো একটা ধাড়ি ছেলে রুটি-মাখন খেতে-খেতে।

তাকে খরিকার ভেবে অলিভার জিজ্ঞাসা করল, ‘আপনার কফিন চাই নাকি?’

ছেলেটা এ-কথা শুনে ক্ষেপে গিয়ে বলল, ‘ফের এ-রকম কথা যদি বলিস্ তো

তাকেই কফিনে শোয়াব! জানিস্, আমি হচ্ছিল নোয়া ক্রেপোল্; তোর ওপরওয়ালা রে হতভাগা!’ এই বলে সে একটা লাথি মারল অলিভারকে।

এই সময় শার্লট এল সকালবেলার জলখাবার নিয়ে। নোয়ার জন্যে সে মনিবের খাবার থেকে চুরি করে কিছু মাংস এনেছে, কিন্তু অলিভারের জন্যে এনেছে শুধু এক বাটি চা।

জলখাবার খেতে-খেতে অলিভারের দিকে তাকিয়ে ব্যস্ত করতে লাগল নোয়া। শার্লটকে বলল সে, ‘হতভাগাটাকে দুনিয়ার সব্বাই দূর করে দিয়েছে, বাপ-মারও কোনো হদিশ্ মেলেনি। ...হাঃ হাঃ!’

* * * *

নোয়াও অনাথ-আশ্রমে মানুষ হয়েছে। তবে সে অলিভারের মতো অজ্ঞাত-কুলশীল নয়—তার মা ছিল ধোপানী, তার বাপ ছিল লড়াই-ফেরত বিকলাঙ্গ মাতাল সৈনিক। চিরকাল প্রতিবেশী বালকদের বদ্বন্দ্ব চুপচাপ সয়ে এসেছে নোয়া। আজ নিজের চেয়েও হীন ও অসহায় একটি ছেলেকে নিজের কবজায় পেয়ে সে তার গায়ের ঝাল মেটাতে লাগল।

শার্লটিও এবিষয়ে নোয়ার জুড়ি ছিল। সেও অলিভারকে নানাভাবে হেনস্থা করতে লাগল। অনেক পোড়া-খাওয়া ছেলে অলিভার। তাই নীরবে হাসিমুখে সব কিছু সহিতে লাগল সুদিনের আশায়।

এত নিপীড়নের মাঝে অলিভারের একটা সান্ত্বনা ছিল যে তার মনিব তাকে মোটামুটি ভালো চোখেই দেখবেন। মিষ্টার সোয়ারবেরির কাজের ঝঙ্কি-ঝামেলা বেশি। তাঁকে প্রায়ই এখানে-ওখানে ছোটোছুটি করতে হয় কবরের ব্যবস্থা করতে। ভালোভাবে কাজকর্ম করতে পারলে দু’চার পয়সা বাড়তি রোজগারও হয় তাঁর। তাই অলিভারকে মিঃ সোয়ারবেরির মাঝে মাঝে সঙ্গে নিয়ে যেতেন তাঁর কাজে সাহায্য করার জন্যে। মনিবকে খুশি করার জন্যে অলিভারের আগ্রহ ছিল আন্তরিক। তাই অতি অল্পদিনেই মিষ্টার সোয়ারবেরির বুঝতে পারলেন যে, অলিভার বাস্তবিকই কাজের ছেলে এবং তার ওপর ছোটোখাটো কাজের ভার দিয়ে নির্ভর করা যায়।

মাসখানেক পরে অলিভারের বিষয়ে গিন্নীকে বললেন মিষ্টার সোয়ারবেরি, ‘বেশ দেখতে ছেলেটি! কেমন যেন একটা বিষাদের ছায়া আছে ওর মুখে!’

স্বামীর মুখে একথা শুনে মিসেস্ সোয়ারবেরি কিছু খুশি হলেন না। স্বামীর সব কথারই তিনি সমালোচনা করতেন কড়া ভাষায়, কাজেই অলিভারের ব্যাপারেও তার ব্যতিক্রম হল না। অলিভারের বিষয়ে স্বামী যে বড় বাড়াবাড়ি করছেন একথা শুধু মনে করিয়ে দিলেন মিসেস্ সোয়ারবেরি।

মিষ্টার সোয়ারবেরির সুনজরে আসার ফলে তাড়াতাড়ি অলিভারের পদোন্নতি হয়ে গেল। দোকানে যারা কফিন কিনতে আসত, তাদের শবযাত্রায় শোক প্রকাশ করার জন্যে একজন লোক রাখতে হতো মিষ্টার সোয়ারবেরিকে। তাতে কফিন বেচার সুবিধা হত। অলিভার সেই পদটা পেয়ে গেল।

কয়েক মাস ধরে নোয়ার অত্যাচার নীরবে সয়ে আসছিল অলিভার। অলিভারের পদোন্নতিতে নোয়ার হিংসে আরো বেড়ে গেল, তার ফলে তার অত্যাচারের মাত্রাও গেল বেড়ে।

* * * *

একদিন রান্নাঘরে অলিভার ও নোয়া খাওয়ার জন্যে বসল পাশাপাশি। তাদের পরিবেশন করবে শার্লটি, কিন্তু মনিবগিন্নীর ডাকে সাড়া দিয়ে সে কী একটা অন্য কাজে ব্যস্ত রইল। এর ফলে অলিভার ও নোয়াকে খাবার টেবিলে অপেক্ষা করতে হল খানিকক্ষণ।

সুযোগ-সুবিধে পেলেই নোয়া অলিভারের ওপর জোরজুলুম চালিয়ে নানাভাবে অত্যাচার করত। সেদিনও তাই নোয়া অলিভারের পাশে চুপ করে বসে থাকতে পারল না। অলিভারকে ক্ষেপাবার জন্যে খাবার টেবিলের ওপর নিজের ঠ্যাং তুলে দিল নোয়া। অলিভার ওদিকে নজরই দিল না। তাতে চটে গিয়ে নোয়া অলিভারের চুল ধরে হেঁচকা মেরে কান মলে দিল। অলিভার তবু কাঁদল না, কোনো প্রতিবাদ পর্যন্ত করল না। তাতেও যখন অলিভারকে ক্ষেপাতে পারল না নোয়া, তখন সে কুৎসিত ভাবে অলিভারকে প্রশ্ন করল, ‘ওরে হতভাগা। তোর মায়ের খবর কি রে?’

অলিভার বলল, ‘তিনি মারা গেছেন—তাঁর সম্বন্ধে আমাকে কিছু জিজ্ঞাসা করো না।’

অলিভারের চোখ দিয়ে জল গড়াতে দেখে নোয়া বলে উঠল, ‘কি রে ছিঁ কাঁদুনে। কাঁদছি কেন আবার?’

চট করে চোখের জল মুছে ফেলে অলিভার বলল, ‘তোমার ভয়ে কাঁদিনি। কিন্তু খবরদার! আমার মায়ের সম্বন্ধে কখনও কোনো কথা বলো না।’

‘ইস! ভয় দেখাচ্ছি আমাকে শ্যোর? জানিস তোর মা ছিল একটা বদ মেয়েমানুষ।’ চোঁচিয়ে বলে ওঠে নোয়া।

‘কী বললে?’ অলিভার নোয়ার দিকে মুখ তুলে তাকাল।

নোয়া আরও চোঁচিয়ে বলল, ‘তোর মা ছিল বদ মেয়েমানুষ রে হতভাগা—একেবারে চরিত্রি খারাপ—মরেছে, আপদ্ গেছে!’

রাগে লাল হয়ে উঠে দাঁড়াল অলিভার। তারপর চেয়ার টেবিল উলটে ফেলে, নোয়ার টুটি টিপে ধরে পাগলের মতো ঝাঁকানি দিতে লাগল।

‘খুন করলে রে আমাকে! অ শার্লটি! অ গিল্লীমা! বাঁচান! আমাকে বাঁচান! অলিভার ক্ষেপে গেছে! শার—লটি!’ চোঁচিয়ে উঠল নোয়া!

ছুটে এলেন মিসেস সোয়ারবেরি। তাঁর পেছনে পেছনে এলো শার্লটি।

‘তবে রে হতভাগা!’ বলে শার্লটি ছুটে গিয়ে চেপে ধরল অলিভারকে। তারপর ‘নেমক-হারাম, খুনে... ডাকাত’ বলতে-বলতে একনাগাড়ে কিল-চড়-ঘুমি চালাতে লাগল তার মুখে-বুকে-পিঠে।

শার্লটির কবজিতে জোর কম ছিল না, তবু পাছে তাতে তেমন কাজ না হয়, তাই মিসেস সোয়ারবেরি নিজে একহাতে অলিভারকে চেপে ধরে অপর-হাতে খিমচে আঁচড়ে ক্ষতবিক্ষত করে দিলেন তার সারা দেহ। এই সুযোগে নোয়াও পেছন থেকে অলিভারের কোঁকে ঘুমি চালাতে লাগল।

মারতে মারতে হাঁপিয়ে পড়ল সরাই। তখন সকলে মিলে অলিভারকে ধরে বেঁধে আটকে রাখল কয়লা-কুঠুরীতে। তারপর নোয়াকে হুকুম করলেন মিসেস সোয়ারবেরি, ‘মিষ্টার বাম্বলের কাছে ছুটে যাও, নোয়া—এখনি যেন তিনি আসেন... এক মিনিটও দেরি কারো না... যাও-যাও... চটপট যাও... টুপি নেবার দরকার নেই নোয়া।’

নোয়া তখন ছুটে গেল মিঃ বাম্বলের কাছে।

নোয়ার হাবভাব দেখে অবাক হয়ে গেলেন মিষ্টার বাম্বল। নিজের শরীরটা বান-মাছের মতো মোচড়াতে মোচড়াতে নোয়া তাকে জানাল যে, অলিভার আজ মিসেস সোয়ারবেরি, শার্লটি এবং তাকে খুন করতে চড়াও হয়েছিল। একথা শুনে মিঃ বাম্বল তখনই নোয়ার সঙ্গে মিঃ সোয়ারবেরির বাড়িতে হাজির হলেন।

কয়লা-কুঠুরীর বন্ধ-দরজায় লাথি মেরে মিঃ বাম্বল হাঁক দিলেন, ‘অলিভার!’

ভেতর থেকে অলিভার গর্জে উঠল, ‘আগে দরজা খুলে দিন।’
মিস্টার বাব্বল জিজ্ঞাসা করলেন, ‘আমার গলা চিনতে পারছো?’
‘খুব।’

‘তবু ভয় করছে না তোমার?’

‘না।’ বেপয়োয়া ভাবে জবাব দিল অলিভার।

অলিভারের মুখ থেকে এ-রকম জবাব পাবার আশা করেন নি মিঃ বাব্বল, তাই ঘাবড়ে গিয়ে দরজার কাছ থেকে সরে এলেন।

মিসেস সোয়ারবেরি বললেন, ‘নিশ্চয়ই ক্ষেপে গেছে, দেখছেন না স্ক্যাপা কুকুরের মতো চোখ-মুখের চাহনি... নইলে এমনভাবে আপনার সাথে কথা বলবার সাহস হয় ওর!’

‘ক্ষেপে যায়নি, মিসেস সোয়ারবেরি, এ হল মাংস খাওয়ানোর ফল, —মাংস খেয়েই ওর এতখানি তেজ বেড়েছে।’ বললেন মিস্টার বাব্বল।

একথা শুনে মিসেস সোয়ারবেরি খেদ প্রকাশ করতে লাগলেন, ‘হায় হায়! ভালমানুষির এই ফল!’

মিঃ বাব্বল বললেন, ‘ওকে কয়েকদিন কিছু খেতে না দিয়ে কয়লা-কুঠুরীতে আটকে রাখুন। মেজাজ একটু ঠাণ্ডা হলে তবে বাইরে বের করে রোজ এক হাতা লপ্সি খেতে দেবেন। ওর জান বড়ো কড়া—ওতে ও মরে যাবে না। ওর মতো ওর মায়ের জানও ছিল বড়ো কড়া। ডাক্তার ও নার্স দুজনেই বলেছিল, ওর মা যতোটা কষ্ট সয়ে বহু দূরের পথ হেঁটে এসেছিল তার সামান্য একটুও ভদ্রঘরের কোনো মেয়ে সইতে পারত না।’

মিঃ বাব্বলের শেষের কথাগুলো শুনে অলিভার কুঠুরীর ভেতর দাপাদাপি শুরু করে দিল।

এমন সময় মিস্টার সোয়ারবেরি বাড়ি ফিরে সব শুনলেন। তিনি কয়লা-কুঠুরীর দরজা খুলে অলিভারকে জামার কলার ধরে টেনে নিয়ে এলেন বাইরে। তারপর একটা ঝাঁকি দিয়ে সজোরে তার কানে একটা ঘুষি মেরে তিনি বললেন, ‘এই বুঝি তোর ভালোমানুষি? নোয়াকে মেরেছিস কেন?’

অলিভার শান্ত গলায় বলল, ‘আমার কোনো দোষ নেই... ও আমার মাকে যা-তা গালাগাল দিয়েছে।’

মিসেস সোয়ারবেরি বললেন, ‘দিয়ে থাকলেই-বা কি! সে যা বলেছে, তোর মা তো তাই ছিল।’

‘না, ছিল না।’ প্রতিবাদ করল অলিভার।

মিসেস সোয়ারবেরি জোর দিয়ে বললেন, ‘ছিল বৈকি!’

‘মিথ্যে কথা!’ গর্জে উঠল অলিভার।

একটা ছোট ছেলে, তা-ও আবার চাকর, তাঁর মুখের ওপর তাঁকে মিথ্যাবাদিনী বলল। মিসেস সোয়ারবেরি দুঃখে, অভিমানে কঁদে ফেললেন।

স্ত্রীর চোখে জল দেখে মিস্টার সোয়ারবেরি ধৈর্য হারিয়ে ফেলে অলিভারকে এমন বেদম পেটালেন যে, মিসেস সোয়ারবেরি তাতে খুশি হলেন এবং মিস্টার বাব্বলের বেত চালাবার আর দরকার হল না।

সেদিন রাতে একলা অন্ধকারে শুয়ে অনেকক্ষণ ধরে কাঁদল অলিভার। তারপর উষার প্রথম আলো ফুটে ওঠার সঙ্গে-সঙ্গে নিজের সামান্য জামাকাপড়ের একটা পুঁটলি করে

নিয়ে, ঘরের দরজা খুলে চুপি-চুপি সে বেরিয়ে পড়ল মিঃ সোয়ারবেরির বাড়ি থেকে অজানা অচেনা পথে।

পঞ্চম পরিচ্ছেদ

অলিভার যখন মিঃ সোয়ারবেরির বাড়ি থেকে পালাল, তখনো ভালো করে দিনের আলো ফুটে ওঠেনি। অলিভার কয়েক পা এগোয়, আর পিছু ফিরে দেখে, কেউ তাড়া করে আসছে কি না। এভাবে ভয়ে-ভয়ে পথ চলতে চলতে বেলা আটটার সময় পাঁচ মাইল পথ পেরিয়ে গেল সে। দুপুর পর্যন্ত একনাগাড়ে হাঁটার পর পথের পাশের মাইল-স্টোনের পাশে সে বসে পড়ল। এতক্ষণে সে ওদের নাগাল থেকে পালিয়ে আর যাতে ধরা না পড়তে হয়, সেকথাই ভাবছিল, কিন্তু এবার প্রথম ভাবতে শুরু করল তার ভবিষ্যতের কথা—কোথায় গেলে ভালো হয়, আর কিভাবে বাঁচার চেষ্টা করবে।

যে মাইল-স্টোনের পাশে সে বসেছিল, তাতে লেখা ছিল, 'লন্ডন শহর এখন থেকে সত্তর মাইল দূরে।'।

লন্ডন শহরের নাম শুনেই বালক অলিভারের মনে নতুন সাড়া জাগলো। মস্ত বড়ো শহর সেটা—সেখানে গেলেই সে হারিয়ে যাবে বিশাল জনস্রোতে—কেউ, এমন কি মিঃ বায়লও তাকে খুঁজে পাবে না কখনো। তাছাড়া সে শুনেছে যে সেখানে নানা ধরনের কাজ পাবার উপায় আছে। এসব সাত-পাঁচ ভেবে সে আবার হাঁটা শুরু করল।

সে মনে মনে ঠিক করল, 'হোক সত্তর মাইল দূরে, সে পায় হেঁটেই লন্ডনে যাবে।'।

পাঁচ মাইল হাঁটার পর সে আবার বসে পড়ল। তার ছোটো পুঁটলীর মধ্যে একটুকরো রুটি, একটা কোরা জামা আর দু জোড়া মোজা ছিল। তাছাড়া তার কাছে একটা পেনিও ছিল—ওটা সে কাউকে কবর দেবার পর দান হিসাবে পেয়েছিল। কিন্তু এই শীতের দিনে আরও প্রায় পঁয়ষট্টি মাইল হাঁটবে কিভাবে তা ভেবেই সে শিউরে উঠতে লাগল।

সেদিন অলিভার মোট কুড়ি মাইল পথ হাঁটল। নিছক মনের জোরে। খেতে পেয়েছিল শুধু সেই রুটিখানা, আর রাত্তার পাশের কুয়োর জল। রাতের আঁধার নেমে এলে সে খোলা মাঠের মাঝে একটা খড়ের গাদায় শুয়ে ঘুমিয়ে পড়ল।

পরের দিন সকালে খিদের তার নাড়ী জ্বলতে লাগল। বাধ্য হয়ে পেনির বদলে একটা ছোটো পাউরুটি যোগাড় করে কোনোরকমে পেটের জ্বালা খানিকটা কমাল।

তারপর আবার হাঁটা শুরু করল। সেদিন সে মোট বার মাইল পথ হাঁটল। তার পা দুটো এবার ভীষণ ক্ষত-বিক্ষত হয়ে কাঁপতে লাগল। তবুও তার পথ চলার বিরাম নেই। পরের দিন হাঁটা শুরু করার সময় তার পা ফেলার ক্ষমতা ছিল না বললেই হয়।

একটা ছোটো পাহাড়ের তলায় সে একটা গাড়িতে আসতে দেখলো। তাকে গাড়িতে তুলে নিয়ে পাহাড়ের চড়াইটা পার করে দেবার জন্যে সে অনেক অনুরোধ করল, কিন্তু তার কথায় কেউ কান দিল না। গাঁয়ের মাঝ দিয়ে চলার সময় অলিভারের সবচেয়ে মুশকিল হল কুকুরগুলোর জন্যে। তাদের তাড়ায় কোনো গাঁয়ে বসার উপায় ছিল না তার। একে সেই অপরিসীম, তার ওপর দীনহীন ছেঁড়া পোশাকে তাকে দেখে গাঁয়ের ছেলেরা তাকে চোর মনে করে কুকুর লেলিয়ে দেবার ভয় দেখিয়ে তাড়া করল।

তাছাড়া বড়ো বড়ো সাইন-বোর্ডে লেখা ছিল যে, যদি কেউ ভিক্ষা করে তবে তাকে জেলে পাঠানো হবে। এর ফলে না খেয়ে মরলেও সে হাত পাতে সাহস করল না।

একটা দয়ালু বুড়ি এবং একজন গেট-কিপারের অযাচিত সাহায্যের জন্যে অলিভার

সেযাত্রা বেঁচে গেল, নইলে তাকে রাজপথেই প্রাণ হারিয়ে লুটিয়ে পড়তে হতো। এভাবে সাতদিন পথে পথে ঘুরতে ঘুরতে ভোঁই-বেলায় অলিভার এসে ঢুকলো বার্নেট শহরে। তখন তার পায়ে এমন ব্যথা যে, সে পায়ের ওপর ভর দিয়ে দাঁড়িয়ে থাকতে পারছিল না—তাকে খুঁড়িয়ে চলতে হচ্ছিলো। একটা বাড়ির দরজায় চূপ করে বসে পড়ল সে—কারও কাছে ভিক্ষা চাইবার প্রবৃত্তিও তার হল না।

এমন সময় অদ্ভুত চেহারার একটা ছেলে তার সামনে এসে দাঁড়িয়ে পড়ল। ছেলেটার পরনে ঢিলেঢালা ছোঁড়া-ময়লা পোশাক আর তার মুখটা কেমন যেন তুবড়ে গেছে। অলিভারকে পা থেকে মাথা অবধি খুঁটিয়ে ভাল করে দেখে নিয়ে সে বলে উঠল, ‘ওরে ছোঁড়া, তোর বাড়ি কোথা রে?’

অলিভার বলল, ‘বাড়ি নেই!’

ছেলেটা দরদ দেখিয়ে বলল, ‘বুঝেছি... পেটে দানাপানিও কিছু জোটেনি তো?’

অলিভারের চোখ ছলছল করে উঠল। বলল, ‘না... খিদেয় আর দাঁড়াতে পারছি নে।’

‘আয় আমার সঙ্গে... দুঃখ করিস্ নে... আমি তোর সব ভার নিচ্ছি...আয়’—এই বলে ছেলেটা অলিভারের হাত ধরে নিয়ে চললো। যেতে যেতে সে একটা সরাইখানায় ঢুকে কিছু রুটি-মাংস কিনে অলিভারকে খাওয়ালো। খাওয়া শেষ হলে কথায়-কথায় ছেলেটা জানতে পারলো যে, অলিভার একজন সর্বহারা—শূন্য পকেটে চলেছে লগুনে—সেখানে তার থাকা-খাওয়ার কোনো সুযোগ নেই।

অলিভারের পিঠ চাপড়ে মুরুব্বীর মতো বলল ছেলেটা, ‘ভয় নেই রে.. আমি তোকে লগুনে বিনি পয়সায় থাকা-খাওয়ার ব্যবস্থা করে দেব।’

কৃতজ্ঞতায় অলিভারের মন ভরে উঠল।

* * * *

সেদিন সন্ধ্যার অন্ধকারে অলিভার তার সেই নতুন-চেনা বন্ধু জ্যাক ডকিন্স ওরফে ‘ধুরন্ধর’-এর সঙ্গে লগুনে প্রবেশ করল। অতি সরু নোংরা গলিপথ দিয়ে চলতে চলতে ফিল্ড লেনের কাছাকাছি একটা ভাঙা বাড়িতে অলিভারকে নিয়ে ঢুকে পড়ল ধুরন্ধর। ঢুকেই বাড়ির দরজা বন্ধ করে দিয়ে খুব জোরে শিস্ দিল। বাড়ির ভেতর থেকে সাড়া এলো : ‘কে?’

জবাব দিল ধুরন্ধর, ‘কুমড়োপটাস্।’

এটা একটা সংকেত বাক্য বলে মনে হল অলিভারের। কেননা, সঙ্গে-সঙ্গে গলির অপর দিকে মোমবাতির একটা ফিকে আলো জ্বলে উঠল, আর সঙ্গে সঙ্গে একজন পুরুষের মুখ উঁকি মারলো। পুরুষটা জিজ্ঞাসা করল, ‘সঙ্গে কে?’

ধুরন্ধর অলিভারকে সামনে ঠেলে দিয়ে বলল, ‘নতুন বন্ধু...গিন্ল্যান্ড থেকে আসছে। ফ্যাগিন্ ওপরে আছে কী?’

‘আছে।’ জবাব এলো ওদার থেকে।

ধুরন্ধরের হাত ধরে ভাঙা নড়বড়ে সিঁড়ি বেয়ে ওপরে উঠল অলিভার। নিচু ছাদওয়ালা অতি পুরোনো নোংরা একখানা ঘর। বাজে-কাঠের টেবিলের ওপরে বোতলের মধ্যে একটা মোমবাতি জ্বলছে। টেবিলের ওপরে গোটাকয়েক মসলার পাত্র, একটুকরো পঁউরুটি, কিছু মাখন আর একখানা ছুরি। জ্বলন্ত উনুনের ওপরে সস্প্যানো কি-য়েন ছেঁচকি ভাজা হচ্ছে, তার কাছে খুন্তি-হাতে চামড়া বুলেপড়া একজন বুড়ো ইহুদী দাঁড়িয়ে আছে। একটা আলনায় একরাশ রেশনের রুমাল জ্বলছে। পুরনো চট দিয়ে ঘরের মধ্যে কয়েকটা

বিছানা পাতা। টেবিলের চারপাশে বসে কতকগুলো ছেলে পাইপ টানছে আর মদ খাচ্ছে—তাদের কারুর বয়সই ধুরন্ধরের চেয়ে বেশি নয়।

ধুরন্ধর বুড়ো ইহুদীকে ফিসফিস করে কি যেন বলল। তারপর অলিভারকে দেখিয়ে চোঁচিয়ে বলল : ‘ফ্যাগিন্’ এ আমার বন্ধু—অলিভার টুইস্ট।’

ফ্যাগিন্ আর তার দলের ছেলেরা অলিভারকে সাদরে বরণ করল। কিছু খাবার খেয়ে চটের বিছানায় শুতে-না-শুতে গভীর ঘুমে অচেতন হয়ে পড়ল অলিভার।

অলিভারের ঘুম ভাঙলো অনেক বেলায়। ঘুম ভাঙার পরও সে ঘাপটি মেরে শুয়ে রইলো চোখ বুজে। মাঝে-মাঝে চোখ পিট পিট করে ঘরের চারদিকে নজর দিয়ে দেখলো, ঘরে ফ্যাগিন্ ছাড়া আর কেউ নেই। ফ্যাগিন্ তখন একলা বসে কফি তৈরি করার জন্যে উনুনে সস্প্যান্ বসান্নিচিলো। কিছুক্ষণ পরে অলিভারের নাম করে কয়েকবার ডাকলো তাকে ফ্যাগিন্, কিন্তু সে সাড়া শব্দ না দিয়ে মরার মত পড়ে রইলো। ফ্যাগিন্ ভাবলো—অলিভার নিশ্চয়ই এখনো অকাতরে ঘুমিয়ে আছে, তাই এই অবসরে তার অলক্ষ্যে নিজের জরুরী কাজটা সেরে ফেলবে সে।

ভোরে দলের ছেলেরা বাইরে বেরিয়ে গেলে রোজই ফ্যাগিন্ ঘরের দরজা বন্ধ করে চুপিচুপি একলা বসে তার এই জরুরী কাজটা সেরে ফেলে কেউ ঘরে ফিরে আসার আগে। আজ অলিভার ঘরের মধ্যে আছে বলে তার অসুবিধা হচ্ছে ও-কাজটা সেরে ফেলতে। কিন্তু অলিভার এখনও ঘুমোচ্ছে মনে করে সে নিশ্চিত মনে ঘরের দরজা বন্ধ করে কাঠের মেঝে সরিয়ে একটা ছোটো খুপরীর ভেতর হাত ঢুকিয়ে বের করল নানা চোরাই মাল। হিসেব করে সে দেখলো—সেগুলো সব ঠিক ঠিক আছে কি না। যেসব ছেলেদের সে আশ্রয় দিয়েছে নিজের ঘরে, তাদের তো পুরোপুরি বিশ্বাস করা যায় না। কখন কে হাত সাফাই করবে তার ঠিক কি?

অলিভার পাশ ফিরে আড়চোখে তাকিয়ে দেখল—ফ্যাগিন্ কতকগুলো সোনার ঘড়ি নিয়ে নাড়াচাড়া করছে। তাছাড়া আরও কতো রকমের নাম-না-জানা গয়না ছড়িয়ে রয়েছে তার চারপাশে। সেগুলোসে একটার পর একটা দেখছে আর বিড়বিড় করে কি বলছে, আর বাইরের সামান্য শব্দ শুনেই তার কান খাড়া হয়ে উঠছে। হিসেব শেষ করে ফ্যাগিন্ চোরাই মালগুলো আবার যথাস্থানে রেখে দিল। এবার সে রুটি-কাটা বড়ো ছুরিটা হাতে তুলে নিতেই অলিভার ভয়ে আঁতকে উঠল। ফ্যাগিনের নজর এড়াতে পারলো না সে। ছুটে গিয়ে ফ্যাগিন্ ঘাড় ধরে অলিভারকে বিছানা থেকে তুলে দিয়ে জিজ্ঞাসা করল, ‘ঠিক করে বল—কতক্ষণ ঘুম থেকে উঠেছিস? ঘুম-জড়ানো সূরের ভান করে অলিভার বলল, ‘এই মাত্র।’

ফ্যাগিন্ আবার মেজাজ দেখিয়ে বলে, ‘ঠিক বলছিস্ তো? আমার সাথে ধোঁকাবাজি করলে কিন্তু তোর ভাল হবে না বলছি!’

অলিভার উদাসভাবে জবাব দেয়, ‘মিছে কথা কখনো বলি না আমি।’

ফ্যাগিন্ এবার একটু নরম হয়ে বলল, ‘আচ্ছা, তোর কথা বিশ্বাস করছি। এবার উঠে হাত-মুখ ধুয়ে নে।’

সেদিন নেহাত বুদ্ধির জোরে অলিভার বেঁচে গেল ফ্যাগিনের হাত থেকে—নইলে হয়তো তার লাশ ভেসে উঠতো নদীর বুকে।

অলিভার হাত-মুখ ধুয়ে ফ্যাগিনের কথামতো ঘর সাফ করছে, এমন সময় সেখানে এলো ধুরন্ধর—সঙ্গে আছে চার্লি বেট্‌স। গত রাতে চার্লিকে এই ঘরে পাইপ টানতে দেখেছে অলিভার।

মাংস, মাখন আর কফি নিয়ে চারুজনে খেতে বসল। খেতে-খেতে অলিভারের দিকে একবার আড়চোখে চেয়ে ধুরন্ধরকে প্রশ্ন করল ফ্যাগিন্, 'সকালে কাজে বেরিয়ে কিছু পেয়েছো কি সোনার চাঁদেরা?'

ধুরন্ধর বলল, 'দু'খানা পকেট-বই।' এই বলে সে দু'খানা পকেট-বই বের করল—একখানা লাল, অপরখানা সবুজ।

ফ্যাগিন্ সেগুলো খুলে ভালো করে পরীক্ষা করে বলল, 'এগুলো তেমন ভারী নয়, তবে খুব চমৎকার বাঁধাই—কি বলো অলিভার?'

অলিভার সায় দিল : 'সত্যি, ভারী চমৎকার।' এ-কথা শুনে চার্লি হো-হো করে হেসে উঠল—অলিভার তো অবাক।

চার্লি জানালো যে, সে পেয়েছে খানকয়েক রুমাল শুধু! এই বলে সে চারখানা রুমাল বের করে দিল। ফ্যাগিন্ সেগুলো পরীক্ষা করে বলল, 'জিনিসগুলো মন্দ নয়। তবে মার্কা দেওয়া দেখছি। মার্কাগুলো তুলে ফেলতে হবে। ছুঁচ দিয়ে কেমন করে মার্কা তুলতে হয়, তা আমরা অলিভারকে শিখিয়ে দেবো। কি বলো অলিভার, য্যা?—হাঃ হাঃ হাঃ!'

এমন সময় সেখানে এলো ন্যান্সি আর বেট্ নামে দু'জন তরুণী। তাদের মাথায় একগাদা এলোমেলো চুল। মুখে তারা রঙ মেখেছে প্রচুর। তেমন সুন্দরী না হলেও দু'জনেই বেশ মোটাসোটা আর হাসিখুশী তাদের চেহারা।

কিছুক্ষণ বসে থাকার পর তাদের মদ খেতে দেওয়া হল। তারপর চার্লি যেই জানালো যে, খুদে 'প্যাড' লাগাবার সময় হয়েছে, অমনি চার্লি, ধুরন্ধর ও মেয়ে দু'জন ফ্যাগিনের কাছ থেকে খরচের টাকা নিয়ে বেরিয়ে পড়ল।

অলিভার তার নতুন আস্তানার ভাব-গতিক কিছুই বুঝতে পারে না। তাকে রেশমের রুমাল থেকে মার্কা তুলে ফেলার কায়দা শেখানো হয়েছে। ঘরে বসে সে সেকাজ করে। আর মনে মনে ভাবে, কোথা থেকেই বা রোজ এত রেশমের রুমাল আসে! কেনই-বা তার মার্কাগুলো তুলে ফেলা হয়! কাজের ফাঁকে নিরालা অবসরে বাইরের ফাঁকা বাতাস আর বাঁধন-খোলা জীবনের জন্যে মন তার হাঁপিয়ে উঠতে থাকে। কিন্তু বুড়ো ফ্যাগিন্ তাকে ঘরের বাইরে যেতে দেয় না।

* * * *

অবশেষে একদিন অনুমতি পেয়ে সে চার্লি ও ধুরন্ধরের সঙ্গে বাইরে বেরিয়ে পড়ল। বেরুবার সময় তার সঙ্গীরা তাকে খোলাখুলি জানিয়ে দিল, যা চোখে দেখবে, তা নিয়ে কোনো কথা যেন সে না বলে! অলিভার অবাক হয়ে দেখলো, পথের ধারের দোকানগুলো থেকে বহু আপেল আর পেঁয়াজ চুরি করে পকেট বোঝাই করল চার্লি। তার পকেটগুলোতে এত জিনিস ধরে যে, মনে হচ্ছিলো তার সারা জামাটাই যেন পকেট!

একটা সবুজ গলির মুখে ধুরন্ধরকে হঠাৎ থেকে পড়তে দেখে অলিভার জিজ্ঞাসা করল : 'কী হল?'

ধুরন্ধর বলল, 'চুপ! ওই লোকটাকে দেখতে পাচ্ছো। ওই যে বাইরের দোকানের সামনে দাঁড়িয়ে আছে!'

'রাস্তার ওপারে ওই বুড়ো ভদ্রলোক তো? হ্যাঁ, দেখতে পাচ্ছি ওঁকে।' অলিভার বলল।

'বেশ মোটা মাল!' মন্তব্য করল চার্লি বেট্‌স্।

চার্লি ও ধুরন্ধর রাস্তা পার হয়ে ভদ্রলোকের গা ঘেঁষে দাঁড়াল। অলিভার এখন কী করবে তা বুঝতে না পেরে তাদের পেছনে-পেছনে কয়েক পা এগিয়ে গেল।

বুড়ো ভদ্রলোক একখানা বই নিয়ে একমনে পড়ছিলেন। অলিভার দেখলো, হঠাৎ ধুরন্ধর একটা হাত ঢুকিয়ে দিল বুড়ো ভদ্রলোকের পকেটে—তারপর একখানা রেশমের রুমাল হাতিয়ে নিয়ে চালান করে দিল চার্লির কাছে। তারপর দু'জনে মিলে ছুটে পালাতে লাগল প্রাণপণে। এতদিন পরে অলিভার বুঝতে পারলো, কোথা থেকে কিভাবে ফ্যাগিনের ঘরে রোজ এত রেশমের রুমাল আসে। এরা তাহলে চোরপকেটমার! ভয়ে ফ্যাকাশে হয়ে গেল অলিভার। সেও প্রাণপণে ছুটে পালাতে লাগল।

ঠিক এমনি সময় পকেটে হাত দিতেই বুড়ো ভদ্রলোক টের পেলেন যে, তাঁর রেশমের রুমাল খোয়া গেছে। পেছনে ফিরে তাকাতেই তিনি দেখলেন, একটা ছোটো ছেলে ছুটে পালাচ্ছে। বুড়ো ভদ্রলোক চেষ্টা করে উঠলেন—‘চোর! চোর! ধর! ধর!’

অমনি সারা রাস্তার লোক ‘চোর চোর—ধর ধর’ বলে চোঁচাতে লাগল! ধুরন্ধর ও চার্লি পাকা চোর। তারা জানতো যে এ-সময়ে ছুটলে লোকে তাদেরই চোর বলে ভাববে। তাই তারা দু'খানা বাড়ি পেরিয়ে গিয়েই থেমে পড়ল। কিন্তু অলিভার তখনও সামনে ছুটে চলেছে। এর জন্যে সবাই তাকে চোর মনে করে তার পেছনে ধাওয়া করল।

খানিকটা দূরে যেতে না যেতেই ধরা পড়ল অলিভার। প্রচণ্ড একটা ধাক্কা খেয়ে মুখ খুবড়ে পড়ে গেল সে রাস্তার ওপর। সবাই তাকে দেখার জন্যে ঘিরে দাঁড়ালো। চারদিকে রব উঠল—‘সরে দাঁড়াও’, ‘বাতাস ছেড়ে দাও’, ‘হ্যাঁ, ওর আবার বাতাস’, ‘কই, সে ভদ্রলোক কই’, ‘ওই যে আসছেন উনি—ভদ্রলোককে পথ ছেড়ে দাও’, ইত্যাদি।

বুড়ো ভদ্রলোক ভিড় ঠেলে এগিয়ে গিয়ে অলিভারকে দেখে বললেন, ‘হ্যাঁ, মনে হচ্ছে এই ছেলেটিই। ইস্—পড়ে গিয়ে ভারী আঘাত পেয়েছে তো!’

‘পড়ে যায়নি... আমি মেরেছি... এই দেখুন, কবজিটা আমার ছড়ে গেছে মারতে গিয়ে’ বলতে বলতে একটা চোয়াড়ে-ধরনের লোক এগিয়ে এসে বুড়ো ভদ্রলোককে সেলাম ঠুকে দাঁড়ালো কিছু পুরস্কার পাবার আশায়।

ব্যাপারগতিক দেখে বুড়ো ভদ্রলোক তখন পালাতে পারলে বাঁচেন। কিন্তু গোলমাল দেখে পুলিশের লোক তখন এসে পড়েছে... বুড়ো ভদ্রলোকের আর সরে পড়া হল না। পুলিশ অলিভারকে মাটিতে পড়ে থাকতে দেখে বুটের ঠোঁটের মেরে বলে উঠল, ‘পাজী, শয়তান!’ তারপর অর্ধ-অচেতন অলিভারকে নিম্নমভাবে টেনে নিয়ে চললো তারা। বুড়ো ভদ্রলোককেও বাধ্য হয়ে তাদের সঙ্গে যেতো হল।

অলিভার আর বুড়ো ভদ্রলোককে সঙ্গে নিয়ে পুলিশ ‘ম্যাটন হিল’ আদালতে গিয়ে হাজির হল। একজন মোটাসোটা গৌফওয়ালা দারোগা জানালেন যে, বুড়ো ভদ্রলোককেও এক মিনিটের মধ্যে ম্যাজিস্ট্রেটের সামনে হাজির হতে হবে। তারপর দারোগাসাহেব অলিভারকে হাজতে পুরে তার দেহতল্লাশী করলেন, কিন্তু কিছু না পেয়ে তাকে আটকে রেখে দিলেন।

ম্যাজিস্ট্রেটের সামনে হাজির হয়ে বুড়ো ভদ্রলোক তাঁর নামের কার্ড, টেবিলের ওপর রেখে বললেন, ‘এতে আমার নাম ঠিকানা আছে, হজুর।’

ম্যাজিস্ট্রেট ফ্যাঙ্গের মেজাজ সেদিন খুব বিগড়ে ছিল! কিছুদিন আগে একটা মোকদ্দমায় তিনি যে রায় দিয়েছিলেন, সে নিয়ে একটা প্রবন্ধে স্থানীয় দৈনিক কাগজে জোরালো সমালোচনা বেরিয়েছে। ওই প্রবন্ধে লেখা হয়েছে, ‘এই নিয়ে তিনশো বার স্বরাষ্ট্র-সচিবের নজরে আনা হল ম্যাজিস্ট্রেট ফ্যাঙ্গের বিরুদ্ধে।’ বুড়ো ভদ্রলোককে যখন তাঁর সামনে হাজির করা হল, তখন ফ্যাঙ্গ সেই প্রবন্ধটাই পড়ছিলেন চোখমুখ লাল করে। রেগে তিনি জিজ্ঞাসা করলেন, ‘কে তুমি?’

বুড়ো ভদ্রলোক টেবিলের ওপর রাখামতীর নাম-ঠিকানা লেখা কার্ডটা এগিয়ে দিতেই ম্যাজিস্ট্রেট খবরের কাগজ দিয়ে সেটা মেঝেতে ঠেলে ফেলে দিয়ে বললেন, ‘ইসপেক্টর, লোকটা কে?’

বুড়ো ভদ্রলোক গম্ভীর-কণ্ঠে বললেন, ‘আমার না, হুজুর, ব্রাউনলো! কিন্তু যে-ম্যাজিস্ট্রেট একজন সম্ভ্রান্ত ভদ্রলোককে অকারণে এমন অপমান করেন, তাঁর নাম জানতে পারি কি?’

হাতের কাগজখানা ছুঁড়ে ফেলে দিয়ে দারোগাকে জিজ্ঞাসা করলেন ফ্যাস্, ‘এ লোকটার বিরুদ্ধে নালিশ কিসের?’

দারোগা জানালেন যে, নালিশ মিঃ ব্রাউনলোর বিরুদ্ধে নয়—তিনিই নালিশ করতে এসেছেন। ম্যাজিস্ট্রেট তখন মিঃ ব্রাউনলোকে হলফ করার জন্যে হুকুম দিলেন দারোগাকে।

বিচার শুরু হল। মিঃ ব্রাউনলো অনেক করে বললেন যে এই ছেলেটি তাঁর রেশমের রুমাল নিয়েছে কি না, সে-কথা তিনি জোর দিয়ে বলতে পারেন না এবং ইতিমধ্যে যা সাজা পেয়েছে, তা যথেষ্ট হয়েছে। অলিভার তো কাঠগড়ায় উঠেই বেহঁশ হয়ে পড়ল। তখন দারোগার জবানবন্দী নেওয়া হল। তিনি অলিভারের নাম পর্যন্ত জানেন না—নিজের মনগড়া নাম দিলেন, ‘টম হোয়াইট’। মাত্র এটুকু শুনেই ম্যাজিস্ট্রেট অলিভারকে তিন মাস সশ্রম কারাদণ্ডের হুকুম দিলেন।

পুলিশ বেহঁশ অলিভারকে জেলে নিয়ে যাচ্ছিলো, এমন সময় আদালতে ঢুকলো সেই বইয়ের দোকানদার, যার দোকান থেকে মিঃ ব্রাউনলো বই কিনেছিলেন। সে ম্যাজিস্ট্রেটকে বলল, ‘ওই ছেলেটা রেশমের রুমাল চুরি করেনি, আর ও সবসময় মিঃ ব্রাউনলো থেকে বেশ খানিকটা তফাতে ছিল—চুরি করেছে অপর একটা ছেলে। চুরি করতে দেখে ওই ছেলেটা হতবাক হয়ে খানিকটা দাঁড়িয়ে থেকে পরে ভয়ে ছুটে পালাল।’

ফ্যাস্‌র মেজাজ আগে থেকেই বিগড়ে ছিল। বইয়ের দোকানদারের এ কথায় বেশ চটে গিয়ে ঝাঁঝিয়ে বলে উঠলেন তিনি, ‘এতক্ষণ একথা আমাকে বলানি কেন?’

বইয়ের দোকানদার জবাব দিল, ‘হুজুর আমি আগেই আসতাম আমি আপনার কাছে, কিন্তু নিজের দোকান ছেড়ে চট করে আসতে পারিনি।’

ফ্যাস্‌র জেরার চোটে এও জানা গেল যে, মিঃ ব্রাউনলো একখানা বই নিয়ে এসেছেন তার দোকান থেকে, কিন্তু এ ঘটনার জন্যে তাড়াহুড়োয় বইখানার দাম দিয়ে আসেননি। একথা শুনে ফ্যাস্‌ কড়া ভাষায় ব্যঙ্গ করলেন মিঃ ব্রাউনলোকে। তাতে মিঃ ব্রাউনলো ভারী লজ্জিত হয়ে পড়লেন।

বইয়ের দোকানদারের সাক্ষ্যের ফলে রেহাই পেলো অলিভার জেল খাটার দায় থেকে।

মিঃ ব্রাউনলো এবং বইয়ের দোকানদার একসঙ্গে আদালত থেকে বেরিয়ে এসে দেখেন, অলিভার পড়ে আছে রাস্তার ওপর বেহঁশ হয়ে। তার জামাটা ছিঁড়ে খানখান হয়ে গেছে। কে যেন তার মাথায় অনেক জল ঢেলে দিয়েছিল। মৃতপ্রায় বালক অলিভারের সাদা মুখ দেখে মিঃ ব্রাউনলো আর স্থির থাকতে পারলেন না। তিনি তখন গাড়ি ডেকে অলিভারকে তুলে নিয়ে নিজের বাড়িতে চললেন। বইয়ের দোকানদারও তাঁর সাথে চলল।

ষষ্ঠ পরিচ্ছেদ

অনেক দিন পরে অলিভার যেন স্বপ্ন থেকে জেগে উঠল! অত্যন্ত দুর্বল, রোগা আর রক্তহীন হয়ে গেছে সে। কোনোরকমে বালিশ থেকে মাথা তুলে কনুইয়ে ভর দিয়ে কাঁপতে

কাঁপতে চারদিকে তাকিয়ে চিহ্নি গলায় প্রশ্ন করল, 'আমি কোথায়? এ ঘরে তো ঘুমোইনি আমি!'

এক বৃদ্ধা একখানা চেয়ারে তার পাশে বসে ছিলেন। অলিভারকে কথা বলতে দেখে তিনি বললেন, 'চুপ করো। কথা বললে আবার তুমি বেহঁশ হয়ে পড়বে। শুয়ে পড়ো এবার।'

এই বলে বৃদ্ধা অলিভারের বালিশ ঠিক করে তাকে শুইয়ে দিয়ে তার মাথায় হাত বুলাতে লাগলেন। অলিভার নিজের শীর্ণ দুর্বল হাত বাড়িয়ে বৃদ্ধার হাতখানা কাছে টেনে নিয়ে এলো কৃতজ্ঞতা জানাবার জন্যে। বৃদ্ধা জল-ভরা চোখে বলে উঠলেন, 'বাহা আমার!'

অলিভার বিছানায় শুয়ে নিজের মায়ের কথা ভাবতে লাগল। নিজের মাকে সে কখনো দেখেনি, তবুও নিজের মার একটা ছবি কল্পনা করে নেয় সে। ভাবে, তার মা যদি বেঁচে থাকতেন, তাহলে নিশ্চয়ই এই বৃদ্ধার মতো মাথার শিয়রে বসে দিনরাত সেবা করতেন।

বৃদ্ধাকে সে খুলে বলে তার মনের কথা। সে বলে : 'তার মনে হচ্ছে, তার মা যেন করুণাভরা চোখে তার দিকে তাকিয়ে পাশে বসে আছেন।'

এ কথার জবাবে বৃদ্ধা আর কি বলবেন? চোখের জল মুছে তিনি অলিভারকে একটু ঠাণ্ডা শরবত খাইয়ে দিলেন। অলিভার আবার ঘুমিয়ে পড়ল।

তিন দিন পরে অলিভার একটু উঠে বসতে সমর্থ হল।

অলিভারকে ইজিচেয়ারে করে বৃদ্ধা এবার নিজের ঘরে নিয়ে যাবার ব্যবস্থা করলেন। ধীরে ধীরে অলিভারকে সুস্থ হতে দেখে বৃদ্ধা আনন্দে চোখের জল ফেলতে লাগলেন। অলিভার বলল, 'আপনি কাঁদছেন কেন?'

'ও কিছু নয় বাবা, আনন্দে কাঁদছি, আর কাঁদব না। বলে তিনি চোখ মুছে ফেললেন।

অলিভার বলল, 'আমার প্রতি অশেষ দয়া আপনার!'

বৃদ্ধা বললেন, 'ওকথা বলো না। এখন সুরুয়া খেতে হবে তোমাকে। শরীরটা তাজা করে নাও। ডাক্তারবাবুর কাছে শুনলাম, মিস্টার ব্রাউন্লো আজ সকালে তোমাকে দেখতে আসতে পারেন।'

সম্প্রাণে করে সুরুয়া গরম করতে করতে বৃদ্ধা নজর করলেন যে, অলিভার দেয়ালে টাঙানো একখানা তৈলচিত্রের দিকে গভীর মনোযোগ দিয়ে তাকিয়ে আছে। কৌতূহলী হয়ে বৃদ্ধা জিজ্ঞাসা করলেন, 'তুমি কি ছবি দেখতে ভালোবাসো?'

অলিভার বলল, 'তা ঠিক নয়। জীবনে ছবি তো বড় একটা দেখিনি! কিন্তু কী চমৎকার ওই ছবিতে মহিলার মুখটি! এটি কার ছবি?'

বৃদ্ধা বললেন, 'বলতে কি, আমিও ঠিক জানি না।'

অলিভার বলল, 'চোখ দুটো গভীর বিষাদে মাখা। এখান থেকে দেখে মনে হচ্ছে মহিলা যেন আমার দিকে তাকিয়ে আছেন! ছবিখানা যেন জীবন্ত—আমার সঙ্গে কথা বলতে চাইছে, অথচ পারছে না!'

অলিভারের কথার ধরনে বৃদ্ধা ভয় পেয়ে গেলেন, বুঝি-বা অসুখের ঘোরে অলিভারের মাথার কোনো গোলমাল হয়ে থাকবে! তাই তিনি অলিভারকে তাড়াতাড়ি খানিকটা গরম সুরুয়া আর টোস্ট খেতে দিলেন। খাওয়া শেষ হতে না হতেই ঘরে ঢুকলেন মিস্টার ব্রাউন্লো।

অলিভারকে এত রোগা হয়ে যেতে দেখে খুব মুষড়ে পড়লেন মিঃ ব্রাউন্লো। তিনি জিজ্ঞাসা করলেন, 'কেমন আছো টম্ হোয়াইট?'

অলিভার বলল, 'আমার নাম টম্ হোয়াইট্ নয় স্যার। আমার নাম, অলিভার টুইস্ট।'

মিঃ ব্রাউন্লো জিজ্ঞাসা করলেন, 'তবে ম্যাজিস্ট্রেটের কাছে টম্ হোয়াইট্ বলেছিল কেন?'

অলিভার বলল, 'এ-কথা তো আমি বলিনি, স্যার!'

মিঃ ব্রাউন্লো একনজরে তাকিয়ে রইলেন অলিভারের মুখের দিকে। না, ও-মুখে মিথ্যার একটাও রেখা নেই। অলিভারের মুখের দিকে তাকিয়ে থাকতে থাকতে একটি অতি পরিচিত মুখ মিস্টার ব্রাউন্লোর মনে ভেসে উঠল। তিনি একবার দেয়ালের সেই ছবির দিকে আর একবার অলিভারের মুখের দিকে আঙুল দেখিয়ে বৃদ্ধাকে বললেন, 'এদিকে চেয়ে দেখ, বেডুইন—এ কি অদ্ভুত মিল! অলিভার যেন দেয়ালের ওই তৈলচিত্রের জীবন্ত মূর্তি!'

মিঃ ব্রাউন্লোর সেই উত্তেজিত গলা আর তাঁর বিস্ময়ভরা হাবভাব দেখে-শুনেই অলিভার কাঁপা গলায় কি যেন বলতে বলতে বেহুঁশ হয়ে পড়ল।

* * * *

সেদিনের ওই ঘটনার পর থেকে অলিভারের সামনে মিঃ ব্রাউন্লো ও মিসেস্ বেডুইন ওই তৈলচিত্রের কথা আর তুলতেন না।

বৃদ্ধার সেবায়ত্নে অলিভার খুব তাড়াতাড়ি একেবারে সুস্থ হয়ে উঠল। সে এখন বেশ চলাফেরা করতে লাগল।

দিন সাতেক পরে মিসেস্ বেডুইনের সঙ্গে বসে অলিভার গল্প করছে, এমন সময়ে মিঃ ব্রাউন্লো তাকে লাইব্রেরী ঘরে ডেকে পাঠালেন।

মিঃ ব্রাউন্লোর লাইব্রেরী ঘরের দরজায় গিয়ে টোকা মারলো অলিভার। তারপর তাঁর ডাকে ঘরের ভেতর ঢুকে সে দেখল, চারিদিকে কাঁড়িকাঁড়ি বই, আর মিঃ ব্রাউন্লো জানালার ধারে বসে একটি বই পড়ছেন।

অলিভারকে দেখে হাতের বইটি বন্ধ করে মিঃ ব্রাউন্লো বললেন, 'নাও, এখন তোমার আগাগোড়া ইতিহাস বলো। কে তোমাকে মানুষ করেছে? কি করে চোর-বদ্মাশের দলে তুমি ভিড়লে?'

পুরোনো জীবনের কথা মনে পড়ায় অলিভারের দুচোখ জলে ভরে উঠল। চোখের জল মুহূর্তে মুহূর্তে সবে সে তার কাহিনী শুরু করেছে, এমন সময় দরজায় সজোরে কড়া নাড়ার শব্দ শোনা গেল। ভৃত্য ছুটে ছুটে ওপরে এসে বলল, 'হুজুর! মিস্টার ফ্রিমউইগ্ এসেছেন।'

'তাহলে তো ভালোই হল। যা, চা করে নিয়ে আয়। সে তো আর চা না খেয়ে এখন থেকে নড়বে না।' বললেন মিঃ ব্রাউন্লো।

অলিভার ঘর থেকে চলে যেতে চাইলো, কিন্তু মিঃ ব্রাউন্লো তাকে সেখানে থাকতে অনুরোধ করে বললেন, 'অলিভার, যে আসছে সে আমার বহুদিনের ঘনিষ্ঠ বন্ধু। তার বাইরের আচরণ রক্ষা হলেও অন্তর খুব মহৎ।'

এমন সময় লাঠিতে ভর দিয়ে একজন বুড়ো ভদ্রলোক ঘরে ঢুকলেন। তাঁর হাতে একটা কমলালেবুর খোসা।

ঘরে ঢুকেই তিনি গর্জন করে উঠলেন, 'এই দেখ! একবার কমলালেবুর খোসার জন্যে একখানা পা খোঁড়া হয়ে গেছে আমার। শেষ পর্যন্ত দেখছি, এই কমলালেবুর খোসার জন্যেই আমার প্রাণটাও যাবে। এ যদি না হয় তো আমি নিজেই নিজের মাথা খাব।'

মিস্টার ব্রাউন্লো হেসে উত্তর দিলেন, 'তোমার মাথাটা এমন বড়ো যে কারও পক্ষেই সেটা খেয়ে ওঠা সম্ভব নয়—তার ওপর তোমার মাথায় পাউডারের যা পুরু প্রলেপ!'

'না, আমার মাথা আমি খাবোই', বলে মিস্টার গ্রিম্‌উইগ্‌ আরও কি একটা যেন বলতে যাচ্ছিলেন, এমন সময়ে অলিভারের দিকে নজর পড়ল তাঁর। কথাটা ঘুরিয়ে নিয়ে তিনি প্রশ্ন করলেন, 'ওহে, এ ছোকরাটা আবার কে?'

মিঃ ব্রাউন্লো বললেন, 'এই হল অলিভার টুইস্ট, যার কথা তোমায় এর আগে বলেছি।'

অলিভার মিস্টার গ্রিম্‌উইগ্‌কে নমস্কার করল।

মিঃ গ্রিম্‌উইগ্‌ বললেন : 'এরই বুঝি জ্বর হয়েছিল? দাঁড়াও, এই ছোকরাটাই তাহলে কমলালেবু খেয়ে তার খোসাটা ফেলেছিল! এ যদি না ফেলে থাকে তো আমি আমার মাথা খাবো—ওর মাথাটাও খাবো।'

মিঃ ব্রাউন্লো হাসতে-হাসতে বললেন, 'না-না, ও ফেলেনি। নাও, তুমি এখন বসো।'

বেশ খানিকক্ষণ গজগজ করে মিস্টার গ্রিম্‌উইগ্‌ কিছুটা শান্ত হলেন। তারপর অলিভারকে জিজ্ঞাসা করলেন, 'কেমন আছো অলিভার?'

'অনেকটা ভালো!' অলিভার জবাব দিল।

মিঃ গ্রিম্‌উইগ্‌ আবার কিছু একটা বেয়াড়া টিপ্পনী করতে যাচ্ছেন দেখে মিঃ ব্রাউন্লো অলিভারকে পাঠিয়ে দিলেন মিসেস্ বেডুইনের কাছে চা হয়েছে কি না খবর নিতে।

অলিভার চলে যেতে মিঃ ব্রাউন্লো জিজ্ঞাসা করলেন, 'ছেলেটা চমৎকার দেখতে—তাই না?'

মুখ বেঁকিয়ে মিঃ গ্রিম্‌উইগ্‌ বললেন, 'অতশত জানি নে বাপু!'

মিঃ গ্রিম্‌উইগ্‌য়ের চোখে অলিভারের চেহারা যে ভালো লাগেনি, তা নয়,—আসলে তাঁর স্বভাবই হল, বন্ধু মিঃ ব্রাউন্লোর প্রত্যেক কথার বিরুদ্ধে কথা কওয়া।

খানিকক্ষণ পরে চা নিয়ে এলেন মিসেস্ বেডুইন। সঙ্গে এলো অলিভার।

চা খেতে-খেতে মিঃ ব্রাউন্লোকে জিজ্ঞাসা করলেন মিঃ গ্রিম্‌উইগ্‌, 'তা, এই ছোকরার আদি কাহিনীটা কী?'

'তা এখনো জানতে পারিনি। সেটা শোনার জন্যেই তো ওকে এখানে ডেকে পাঠিয়েছি।' এই বলে মিঃ ব্রাউন্লো অলিভারের দিকে তাকিয়ে বললেন, 'তুমি কাল সকাল দশটার সময় আমার কাছে আবার এসো, অলিভার।'

'যে আজ্ঞে, স্যার।' এই বলে অলিভার চলে গেল তার নিজের ঘরে।

মিঃ গ্রিম্‌উইগ্‌ ফিস্‌ফিস্‌ করে মিঃ ব্রাউন্লোকে বললেন, 'আমি হলফ করে বলছি, ও আর তোমার কাছে কখনোই নিজের কেছাকাহিনী বলতে আসবে না। ও ছোকরাটা তোমাকে শুধু ধোঁকা দিচ্ছে।'

মিঃ ব্রাউন্লো বললেন, 'আমিও হলফ করে বলতে পারি, ও ছেলেটা আমাকে ধোঁকা দিচ্ছে না।'

'যদি ধোঁকা দেয় তো আমি...' কথাটা শেষ করতে পারলেন না, মিঃ গ্রিম্‌উইগ্‌। উত্তেজনায় তাঁর হাতের লাঠিটা মাটির ওপর ঠক করে পড়ে গেল।

'আমি ওর সত্যবাদিতার তরফে আমার যথাসর্বস্ব, মায় জীবন পর্যন্ত বাজি রাখতে রাজি', বললেন মিঃ ব্রাউন্লো।

'আর আমি ওর মিথ্যাবাদিতার তরফে বাজি রাখছি আমার মাথা', এই বলে মিঃ গ্রিম্‌উইগ্‌ টেবিলের ওপরে ঘুষি মারলেন।

মিঃ ব্রাউন্লো অতি কষ্টে রাগ দমন করে বললেন, ‘আচ্ছা, কাল সকালেই দেখা যাবে।’

মিঃ গ্রিম্‌উইগ্‌ বিদ্রূপের হাসি হেসে বললেন, ‘বেশ, দেখো তুমি।’

ঠিক এই সময়ে এক-বাউল বই হাতে নিয়ে মিসেস্ বেডুইন্‌ ঘরে ঢুকলেন। বইগুলো মিঃ ব্রাউন্লো সেই দোকানদারকে তাঁর বাড়িতে পাঠিয়ে দেবার জন্যে বলে এসেছিলেন। মিসেস্ বেডুইন্‌ ঘর ছেড়ে চলে যাবার সময় মিঃ ব্রাউন্লো তাঁকে ডেকে বললেন, ‘যে ছোকরা বই এনেছে, তাকে দাঁড়াতে বলো, বেডুইন্‌।’

‘সে তো চলে গেছে, স্যার।’

‘ডেকে আনো তাকে। বইগুলোর দাম দেওয়া হয়নি যে এখনো। তাছাড়া, কতগুলো বই বেশি পাঠিয়েছে—সেগুলো ফেরত যাবে!’

মিসেস্ বেডুইন্‌ তাড়াতাড়ি নিচে নেমে গেলেন ছোকরাকে খুঁজতে, কিন্তু ছোকরাকে দেখতে না পেয়ে আবার ফিরে এলেন।

মিঃ ব্রাউন্লো বললেন, ‘ভারী খারাপ হল—বইগুলো আজই ফেরত দেওয়া উচিত ছিল। তাছাড়া, দোকানদার আমার কাছে সাড়ে চার পাউন্ড পাবে। সেটা তাকে দেওয়া এখনি দরকার।’

বিদ্রূপের সুরে মিঃ গ্রিম্‌উইগ্‌ বললেন, ‘তাহলে অলিভারকে দিয়ে পাঠিয়ে দাও—সে যে ঠিক পৌঁছে দেবে, তা তো জানোই।’

বন্ধুর বিদ্রূপ সহিতে পারলেন না মিঃ ব্রাউন্লো। অলিভারকে ডেকে পাঠানো হল আবার। সে আসতেই মিঃ ব্রাউন্লো বললেন, ‘তুমি তো সেই বইয়ের দোকানদারকে চেনো। তাকে কি এই বইগুলো ফেরত দিয়ে আসতে পারবে অলিভার?’

অলিভার বলল, ‘হ্যাঁ, ওগুলো আমাকে দিন, আমি এখনি ছুটে দিয়ে আসবো।’

মিঃ গ্রিম্‌উইগ্‌ ব্যঙ্গভরে কেশে উঠলেন। মিঃ ব্রাউন্লো আর সহিতে না পেরে বললেন, ‘হ্যাঁ, অলিভার, তুমিই বইগুলো ফেরত দিয়ে এসো। দোকানদার আমার কাছে সাড়ে চার পাউন্ড পাবে—এই পাঁচ পাউন্ডের নোটখানা নিয়ে যাও, দশ শিলিং ফেরত এনো।’

বই আর টাকা নিয়ে অলিভার বেরিয়ে গেল। পথ বাতলাতে বাতলাতে মিসেস্ বেডুইন্‌ তার সঙ্গে সদর দরজা পর্যন্ত গেলেন। অলিভারের চলমান মূর্তির দিকে তাকিয়ে তিনি নিজের মনেই বললেন, ‘ওকে চোখের আড়াল করতে আমার মন চায় না!’

এদিকে মিঃ ব্রাউন্লো টেবিলের ওপর তাঁর ঘড়ি রেখে বললেন, ‘কুড়ি মিনিটের মধ্যেই অলিভার ফিরে আসবে।’

মিঃ গ্রিম্‌উইগ্‌ বললেন, ‘তুমি কি সত্যিসত্যিই আশা করো, ও ছোকরাটা আবার ফিরে আসবে? এক-সেট নতুন জামা-কাপড় পেয়েছে, একবাউল দামি বই আর পাঁচ পাউন্ড হাতিয়েছে, এখন ও সোজা গিয়ে ওর পুরোনো বন্ধুদের দলে মিশে তোমাকে উপহাস করবে। ও-ছোকরা যদি কখনো এ-বাড়িতে ফিরে আসে তো আমি আমার মাথা খাব।’

তারপরই দুবন্ধুতে টেবিলের ঘড়ির দিকে চেয়ে নীরবে মুখোমুখি বসে রইলেন। ঘন্টার পর ঘন্টা কেটে গেল। সন্ধ্যা ঘনিয়ে এলো। তবুও দুই বন্ধুতে তেমনি ঠায় বসে। তাঁদের নজর ঘড়ির কাঁটার দিকে। কোথায় অলিভার?

ভর সন্ধেবেলায় আলো জ্বলে সদর দরজা খুলে ঠায় দাঁড়িয়ে আছে মিসেস্ বেডুইন্‌। ভৃত্যেরা বিশ্বাস ছুটে গেছে রাস্তায় অলিভারের খোঁজে, কিন্তু কোথাও তাকে দেখতে

পায়নি। বইয়ের দোকানদারও হলফ করে বলেছে যে অলিভার একবারও তার দোকানে আসেনি—বই ফেরত দেয়া তো দূরের কথা।

এদিকে দুই বুড়ো সমানে বসে অলিভারের জন্যে অপেক্ষা করছেন ঘড়ির কাঁটার দিকে চোখ রেখে।

সপ্তম পরিচ্ছেদ

অলিভারকে জনতার হাতে ছেড়ে দিয়ে চার্লি ও ধুরন্ধর ফিরে এলো ফ্যাগিনের আস্তানায়।

‘অলিভার কোথায়?’ চোখ লাল করে প্রশ্ন করল ফ্যাগিন।

ফ্যাগিনের চেলা খুদে চোরেরা গুস্তাদের রাগ দেখে ভয় পেলো। কোনো জবাব দিল না তারা।

ধুরন্ধরের জামার কলার চেপে ধরে ফ্যাগিন বলল, ‘কী করেছিছ তোরা ও ছোকরা? এখনি বল, নইলে তোকে গলা টিপে মেরে ফেলব।’

সে যা বলছে, তা যে সে সত্যিই করবে, এমনি একটা ভাব ফ্যাগিনের চোখে-মুখে ফুটে উঠতে দেখে ভয়ে শিউরে আত্ননাদ করে উঠল চার্লি বেট্‌স।

‘বল, শিগগির!’ আবার গর্জন করে উঠল ফ্যাগিন। মুখ গোমড়া করে ধুরন্ধর বলল, ‘পুলিসের ফাঁদে সে ধরা পড়েছে। ছাড়ো—আমাকে ছেড়ে দাও।’ এই বলে সে এক ঝটকায় তার ঢিলে জামাটার ভেতর দিয়ে গলে বেরিয়ে গেল। জামাটা ফ্যাগিনের হাতেই রয়ে গেল! তারপর সে একটা খুন্তি তুলে ছুঁড়ে মারল ফ্যাগিনের দিকে।

চকিতে সরে দাঁড়াল ফ্যাগিন। সঙ্গে-সঙ্গে একটা লম্বা ডিগবাজি খেয়ে মদের বোতল তুলে নিয়ে ধুরন্ধরের দিকে তাক করল, কিন্তু সেই সময়ে চার্লির গলা-ফাটানো চিৎকারে বিরক্ত হয়ে তার দিকেই ছুঁড়ে মারল সেটা।

বোতলটা লুফে নিয়ে কে যেন মোটা-গলায় বলে উঠল, ‘কে ছুঁড়ল রে এটা? এতে নেহাতই মদ আছে তাই, নইলে একজনকে আজ খুন করতাম নিশ্চয়ই।’ বলতে বলতে ঘরে ঢুকল বছর-পঁয়ত্রিশের গুস্তার মতো চেহারার একটা লোক। তার পেছনে পেছনে এলো সাদা রঙের একটা লোমশ কুকুর।

ঘরে ঢুকেই ফ্যাগিনকে বলল সে, ‘আরে বেহায়া অর্থপিশাচ! ছেলেশুলোর ওপর আবার জুলুম করছিছ? এরা যে কেন তোকে এখনও খুন করেনি, তা ভেবে আমি অবাক হই।’

আগন্তুক বিল সাইকসকে দেখে ফ্যাগিনের গরম মেজাজ উবে গেল একেবারে। সাইকসকে দু-তিন গেলাস মদ খাইয়ে তখনই শান্ত করল ফ্যাগিন। সাইকস এবার ধুরন্ধরের কাছ থেকে অলিভারের ব্যাপারটা সব জেনে নিলো।

ফ্যাগিন বলল, ‘আমার ভয় হয়, সে হয়তো এখানকার কথা পুলিসের কাছে ফাঁস করে দিয়ে বিপদে ফেলবে আমাদের!’

সাইকস পরামর্শ দিল, ‘পুলিস-অফিসে কী ঘটেছে, কেউ গিয়ে সে খবরটা জেনে আসুক এখনি!’

কিন্তু নিজের ইচ্ছায় পুলিসের আওতায় যেতে কেউই রাজি নয়। এমন সময়ে ঘরে ঢুকলো দুটো মেয়ে—ন্যান্সি আর বেট্‌। শেষে ফ্যাগিনের অনুরোধে ন্যান্সি অলিভারের খবর নিয়ে আসতে রাজি হল।

এক হাতে একটা বুড়ি আর অপর হাতে একটা বড়ো চাবি নিয়ে কাঁদতে-কাঁদতে পথে

বেরিয়ে ন্যান্সি ইনিয়ে-বিনিয়ে চোঁচাতে লাগল, 'ওগো, তার কী হল গো? তাকে কোথায় কে ধরে নিয়ে গেল গো? দয়া করে বলুন হুঁজুরেরা, আমার ভাইটা কোথায় আছে গো!'

এভাবে চোঁচাতে-চোঁচাতে ন্যান্সি কোটে গিয়ে দারোগাবাবুর কাছে আছড়ে পড়ল। দারোগাবাবু বললেন যে, অলিভারকে যে-ভদ্রলোক নিয়ে গেছেন, তিনি তাঁর সঠিক ঠিকানা জ্ঞানেন না, তবে তিনি বোধহয় পেট্‌নভিলে থাকেন, কেননা সেদিকেই তিনি গাড়ি হাঁকাতে হুকুম দিয়েছিলেন কোচোয়ানকে।

ন্যান্সি ফিরে এসে ফ্যাগিনকে সেই খবরটা জানালো। ফ্যাগিন অলিভারের খোঁজ করার জন্যে কড়া হুকুম দিল সাগরেদদের। যেমন করে হোক, জীবন্ত বা মৃত, অলিভারকে নিয়ে আসা চাই-ই!

পুলিসের কাছে কতটা কি ফাঁস করে দিয়েছে অলিভার তার আস্তানার বিষয়ে, তা জানা না পর্যন্ত ফ্যাগিন বা তার দলের কেউই নিশ্চিত হতে পারলো না। শেষ পর্যন্ত পুলিসের ভয়ে পুরোনো আস্তানা ছেড়ে ফ্যাগিন কিছুদিনের মতো গা ঢাকা দিল অন্য জায়গায়। সঙ্গে নিয়ে গেল তার লুকোনো বাস্তাটা, যার মধ্যে দামী দামী চোরাই মাল রেখে দিয়েছে সে সাগরেদদের নজর এড়িয়ে।

* * * *

বেশ কয়েকদিন পরের কথা। লিটল স্যাক্রন-হিলের সবচেয়ে নোংরা-অঞ্চলের একটা শুঁড়ীখানার বাইরের ঘরে বসে ছিল বিল্‌ সাইক্‌স্‌। চিন্তায় ডুবে আছে সে। তার পায়ের কাছে বসে একটা সাদা-লোমওয়ালা কুকুর জিভ দিয়ে নিজের মুখের ঘা চাটছিল, আর মাঝে-মাঝে মনিবের দিকে লাল চোখে তাকিয়ে তার মনের ভাবটা বোঝার চেষ্টা করছিল।

হঠাৎ সাইক্‌স্‌ কুকুরটাকে ধমক দিয়ে গর্জে উঠল, 'চুপ রও, হারামজাদা! চুপ!' কুকুরটার পিটপিটে চাউনির ফলে হয়তো তার গভীর চিন্তায় বাধা পড়ছিল।

বারবার সাইক্‌সের লাথি খেয়ে কুকুরটা এধার-ওধার ছুটোছুটি করতে-করতে একসময় ঘর থেকে বেরিয়ে গেল। এমন সময় ঘরে ঢুকলো ফ্যাগিন।

তাকে দেখে সাইক্‌স্‌ রেগে বলে উঠল, 'আরে বেটা হা-ভাতে চোর! তুই আবার আমার কুকুরের ব্যাপারে নাক গলাতে এলি কেন?'

মুখ কাঁচুমাচু করে ফ্যাগিন বলল, 'বিল্‌, তোমার হয়েছে কি বলো তো? মেয়েটাকে কি বাগে আনতে পারোনি এখনো?'

ফ্যাগিনের মুখে মেয়েটা অর্থাৎ ন্যান্সির নাম শুনে উত্তেজিত হয়ে উঠল সাইক্‌স্‌। লাফিয়ে উঠে ফ্যাগিনের ঘাড় ধরে বলল, 'ফের গুর নাম মুখে এনেছিস্‌ তো খুন-খারাপী হয়ে যাবে শয়তান!'

ফ্যাগিন ভেবে পায় না সাইক্‌সের মনের কথা। তার দলের মধ্যে সাইক্‌স্‌ হচ্ছে সবচেয়ে সেরা চৌকোশ মাথা, কিন্তু বড়োই একরোখা সে। যা বলবে, তা সে করবেই, আর যেটা না করতে চাইবে, সেটা তাকে দিয়ে কিছুতেই করানো যাবে না। এমন দুর্দান্ত লোককে দিয়ে কতো কি বেপরোয়া চুরি-ডাকাতির কাজ করিয়েছে ফ্যাগিন তার ঠিক-ঠিকানা নেই। মানুষ খুন করা তো অতি মামুলী ধরনের কাজ বলে সে মনে করে। তাই কথায় কথায় ছুরি-পিস্তল চালাতে সে ওস্তাদ। দলের সেরা মেয়ে ন্যান্সিকে সাইক্‌সের হাতেই ভুলে দিয়েছে ফ্যাগিন কাজের পুরস্কার হিসেবে। ফ্যাগিন ভেবেছিল এতে সাইক্‌সের মেজাজ খুশি হবে। কিন্তু সাইক্‌স্‌ বদলালো না একটুও।

সাইক্‌সের শাসানি শুনে ফ্যাগিন সরে পড়বার তাল করছে, এমন সময় বাইয়ে

হৈ-হট্টগোল শোনা গেল। সাইক্স বলল, 'বলি, ব্যাপার কী ফ্যাগিন্। বাইরে চোঁচামেটিটা কিসের?'

ফ্যাগিন্ও বুঝতে পারে না ব্যাপারটা। এমন সময়ে বার্নি নামে এক ছোকরা ইহুদী ঘরে ঢুকলো। ফ্যাগিন্ তাকে জিজ্ঞাসা করল, 'এখানে আর-কেউ আছে নাকি?'

বার্নি নাকি-সুরে বলল, 'কৈ, নাঁ-তোঁ!'

সাইক্স বললে, 'বাইরে এতো গোলমাল কিসের? যা তো এখনি দেখে আয় ব্যাপারটা কী?'

* * * *

ঠিক এই সময়ে ওপথ দিয়ে অলিভার যাচ্ছিল মিঃ ব্রাউন্‌লোর বইগুলো দোকানদারকে ফেরত দিতে। সে স্বপ্নেও ভাবেনি যে, সে ফ্যাগিনের আস্তানার এতো কাছ দিয়ে যাচ্ছে। হঠাৎ একটা মেয়ে— 'ভাইটা আমার' বলে গলা-ফটানো কান্নার সুরে চোঁচাতে চোঁচাতে এসে, সোহাগ করে অলিভারের গলা জড়িয়ে ধরল!

চমকে উঠে অলিভার বলল, 'এই, ছাড়ো, ছাড়ো—আমাকে ছেড়ে দাও।'

কিন্তু কে কার কথা শোনে? মেয়েটার এক হাতে একটা ঝুড়ি, আর অপর হাতে একটা বড়ো চাবি। সে আরো জারে চোঁচিয়ে উঠল, 'আমার ভাই। ওরে আমার ভাই রে! ভগবান তোকে মিলিয়ে দিয়েছে রে, অলিভার! কত যে ভুগেছি তোর জন্যে! কত যে খুঁজেছি তোকে! চল চল ভাই—বাড়ি চল।'

চোঁচামেটি শুনে রাস্তায় লোক জড়ো হয়ে গেল! সবাই কৌতূহলি হয়ে জিজ্ঞাসা করল, 'কী ব্যাপার?'

মেয়েটা কাঁদতে কাঁদতে বলল, 'এ হচ্ছে আমার ভাই অলিভার—মাসখানেক আগে ও বাড়ি থেকে পালিয়ে গিয়ে চোর-বদমাশের দলে মিশেছে। অনেক কষ্টে ওকে খুঁজে পেয়েছি।'

এই বলে আবার অলিভারের হাত ধরে টানটানি করে মেয়েটা বলল, 'ওরে অলিভার, এখন বাড়ি চল! মা যে তোর জনোই ছট্‌ফট্‌ করে মরতে বসেছে!'

মেয়েটার কান্না দেখে আর কথা শুনে রাস্তার লোকেরা অলিভারের ওপরই চটে গেল। একজন এগিয়ে এসে বলল, 'এই জানোয়ার, বাড়ি ফিরে যা।' কেউ-বা বলল, 'হতভাগা!'

অলিভার তাদের বলল, 'আমি একে চিনি না। আমার কোনো বোন বা বাপ-মা নেই। আমি পেন্টনভিলে থাকি।'

মেয়েটা কান্না-ভরা গলায় বলল, 'শুনুন মশাইরা, কেমন বেপরোয়া মিথ্যে কথা বলছে শুনুন।'

এতক্ষণ পরে অলিভার মেয়েটার মুখের দিকে ভাল করে তাকিয়ে চমকে উঠে বলল, 'আরে, এ যে-ন্যান্সি!'

ন্যান্সি সঙ্গে-সঙ্গে বলে উঠল, 'দেখলেন তো আপনারা, এ আমাকে বেশ চেনে। এখন দয়া করে আপনারা একে ধরে বাড়িতে দিয়ে যান, নইলে বাবা আর মা এর শোকে মারা যাবেন।'

এই সময়ে পাশের একটা গুঁড়ীখানা থেকে ছুটে বেরিয়ে এলো বিল্‌ সাইক্স আর তার পেছনে সেই সাদা কুকুর। সে এসেই বলল, 'এই অলিভার শীগগির বাড়ি চল তোর মায়ের কাছে।'

অলিভার আপত্তি করতেই সাইক্স তার হাত থেকে বইয়ের বান্ডিলটা কেড়ে নিয়ে,

তাই দিয়ে তার মাথায় প্রচণ্ড এক ঘা বসিয়ে দিল। দুর্বল অলিভার সেই মার খেয়ে বেহুঁশ হয়ে পড়ল। আর সেই মুহূর্তে ন্যান্সি ও সাইক্স তাকে ধরাধরি করে নিয়ে গেল এক নোংরা গলিতে ভাঙাচোরা এক কানা বাড়ির মধ্যে। ঢুকেই সদর দরজায় খিল্‌ এঁটে দিল ন্যান্সি ও সাইক্স। কুয়াশায় ঢাকা আঁধার রাত তখন নেমে এসেছে শহরের বুকে।

অলিভারকে দেখে ধুরন্ধর মুখ ভেঙচে ব্যঙ্গ করে বলল, 'আরে-আরে, এই যে—এই যে বাছাধন! ও ফ্যাগিন্‌। এ-দিকে চেয়ে দেখ—চেয়ে দেখ!'

চার্লি বেটস্‌ হো-হো করে হাসতে-হাসতে বলল, 'ওরে, তোরা আমায় ধরু ধরু, আমি একটু হাসি!'

ধুরন্ধর অলিভারের পকেটগুলো হাতড়াতে লাগল। চার্লি তার সামনে একটা বাতি ধরে বলল, 'দেখ, দেখ, কি দামী পোশাক পরেছে! সঙ্গে আবার বই! একেবারে বাবু বনে গেছে দেখছি!'

ফ্যাগিন্‌ কপট বিনয়ের সঙ্গে অলিভারকে বারকয়েক সালাম করে বলল, 'তোমার উন্নতি দেখে ভারী খুশি হয়েছি, বাবাজী! তোমার এ পোশাকী জামা-কাপড় যাতে নষ্ট না হয়, তার জন্যে ধুরন্ধর তোমাকে আরেক সেট জামা-কাপড় দেবে'খন। তা, তুমি চিঠি লিখে আগে আমায় জানালে না কেন যে, তুমি আজ ফিরে আসছো? তাহলে তো তোমার খাবারটা গরম করে রাখা যেতো।'

এই সময়ে ধুরন্ধর অলিভারের পকেট থেকে পাঁচ পাউন্ডের নোটখানা বের করতেই ফ্যাগিন্‌ সেখানা ছিনিয়ে নিলো। তাই দেখে সাইক্স এগিয়ে এসে বলল, 'এ টাকা আমার, ফ্যাগিন্‌।'

ফ্যাগিন্‌ বলল, 'না—না, বিল, এ টাকা আমার...বইগুলো তুমি বরং নাও।'

কিন্তু সাইক্স তাতে রাজি হল না। সে স্পষ্টই বলল, 'টাকা আমাকে না দিলে অলিভারকে ফেরত নিয়ে যাবো।' কথা বলতে বলতে ফ্যাগিনের হাত থেকে নোটখানা সে হেঁ মেরে কেড়ে নিলো।

অলিভার মিনতি করে বলল, 'ও টাকা আর বইগুলো আমার নয়, ওগুলো সব আমার আশ্রয়দাতার। আমি যখন জুরে মরতে বসেছিলাম, তখন তিনি আমাকে বাঁচিয়েছেন। আমাকে এখানে রাখতে চাও রাখো, কিন্তু দোহাই তোমাদের, ও-টাকা আর ও-বইগুলো তাঁকে পাঠিয়ে দাও নইলে তিনি আমাকে চোর ভাববেন।'

এই বলে অলিভার উঠে দাঁড়িয়েই পাগলের মতো ঘর থেকে ছুটে বেরিয়ে পড়ল। সঙ্গে সঙ্গে ফ্যাগিন্‌ আর তার সাগরেনরা অলিভারকে ধরার জন্যে ছুটে পিছু ধাওয়া করল।

এ অবস্থায় সাইক্স কি করবে তা ভেবে পেলো না। হঠাৎ কুকুরটার দিকে তার নজর পড়ল। কুকুরটা তখন বাইরে বেরুবার জন্যে ছটফট করছে। মনিবের লুকুম পেলেই ছুটে বেরিয়ে গিয়ে অলিভারের টুটি চেপে ধরবে, এমন একটা ভাব তার।

কুকুরটার হাবভাব দেখে চকিতে সাইক্সের মাথায় মতলবটা এলো। সে তখনি কুকুরটাকে ছেড়ে দিয়ে অলিভারের খোঁজে বেরিয়ে পড়বে ঠিক করল।

সাইক্সের ভাবগতিক বুঝতে পেরে ন্যান্সি ঘরের দরজা বন্ধ করে দিয়ে চৌকিয়ে উঠল : 'কুকুরটাকে আটকে রাখো, বিল, নইলে ছেলেটাকে টুকরো-টুকরো করে ফেলবে।'

সাইক্স বলল, 'সেটাই ওর উচিত সাজা হবে। সরে যাও আমার পথ থেকে, নইলে দেয়ালে ঠুকে তোমার মাথা গুঁড়ো করে দেব।'

‘তা দেবে দাও, বিল, কিন্তু আমাকে না মেরে ফেলে তুমি কুকুরটাকে ছেড়ে দিতে পারবে না।’

সাইক্স্ ধাক্কা দিয়ে ন্যান্সিকে ঘরের মেঝেয় ফেলে দিল!

এমন সময় অলিভারকে পাকড়াও করে তার কান ধরে হিড়হিড় করে টানতে-টানতে ফ্যাগিনের দল ফিরে এলো।

অলিভারকে ঘরে নিয়ে এসে ফ্যাগিন তার ঘাড়ের কয়েকটা রন্ধা দিয়ে পাছায় লাখি মেরে তাকে মেঝেতে ফেলে দিল। তারপর সে ঘরের কোণ থেকে একটা ভারী লাঠি নিয়ে তেড়ে গেল অলিভারকে মারতে। ন্যান্সির কাছ থেকে বাধা পেলো ফ্যাগিন।

ন্যান্সি স্পষ্টই বলল ফ্যাগিনকে, ‘আমি অলিভারকে ধরে তোমাদের কাছে এনে দিয়েছি, কিন্তু তা বলে চুপ করে দাঁড়িয়ে তার ওপর তোমাদের জুলুম দেখতে পারবো না বলে রাখছি!’

ফ্যাগিন বলে উঠল, ‘বাঃ বাঃ ন্যান্সি! বেশ অভিনয় তুমি করতে পারো!’

ন্যান্সি বলল, ‘তোমার যা ইচ্ছা তা করতে পারো! মনে রেখো, বাচ্চা ছেলেটার ওপর বেশি জুলুম করলে তোমার শেষ পর্যন্ত ভালো হবে না কিন্তু!’

সাইক্স্ এতক্ষণ চুপচাপ ছিল, কিন্তু ন্যান্সির কথার ধরন দেখে চোখ রাঙিয়ে বলল, ‘এসব কথার মানে কি ন্যান্সি?’

ন্যান্সি জবাব দেয় ঝাঁঝালো গলায় : ‘ছেলেটাকে নিয়ে যা-ইচ্ছে তাই সকলে মিলে করবে তা সাইবো না আমি কিছুতেই। ওর ওপর মারধোর করতে দেবো না আমি।’

একথা শুনেই সাইক্সের মাথা গরম হয়ে উঠল। সে চোঁচিয়ে বলল, ‘চুপ কর, ন্যান্সি, নইলে তোর মুখ ভোঁতা করে দেবো।’

সাইক্সের শাসনানিতে ন্যান্সি ভয় পেলো না একটুও। সে চোঁচিয়ে বলতে শুরু করল, ‘ওঃ! মুরোদ তো তোমার কতো তা জানতে আর বাকি নেই আমার। অপদার্থ কুস্তা কোথাকার!’

সাইক্সের রাগ চড়ে উঠল সগুমে। ঘুসি বাগিয়ে ন্যান্সির দিকে তেড়ে গিয়ে সে বলল : ‘মুখ সামলে কথা ক’ ন্যান্সি, নইলে আজ তোর শেষ দিন জেনে রাখিস!’

ন্যান্সি নিজের মাথাটা এগিয়ে দিয়ে চোঁচাতে লাগল : ‘মারো আমাকে, খুন করো আমাকে। তোরা সব দাঁড়িয়ে দেখ শয়তানের দল।’

সাইক্স্ ভেবে পেল না সে কি করবে এবার বিদ্রোহী ন্যান্সিকে নিয়ে।

ফ্যাগিন এসে ওদের ঝগড়া থামিয়ে দেবার চেষ্টা করল। সে বার-বার বলল, ‘ভদ্রভাবে কথা কও তোমরা—ভদ্রভাবে কথা কও!’

ন্যান্সি এবার আরো রেগে গেল। সে ফ্যাগিনের দিকে তেড়ে গিয়ে চোঁচিয়ে উঠল : ‘ভদ্রভাবে! শয়তান কোথাকার! ভদ্র কথা শেখাচ্ছো এখন আমাকে! বাচ্চা বয়সে আমাকে চুরি করে এই জঘন্য আঁতাকুড়ের মধ্যে ঠেলে দিয়েছিলি কেন? উঃ মরণ না হওয়া পর্যন্ত এখানে আমাকে থাকতে হবে তোমার মতো শয়তানের জন্যে!’

বাধা দিয়ে ফ্যাগিনও চোঁচিয়ে ন্যান্সিকে বলল, ‘আর যদি এ ধরনের কথা বলো তো আরও জঘন্য স্কটি করবো তোমার।’

ন্যান্সি এবার রাগে নিজের চুল ছিঁড়তে-ছিঁড়তে ফ্যাগিনের দিকে তেড়ে গিয়ে দুচার ঘা বসিয়ে দেবার চেষ্টা করল, কিন্তু সাইক্স্ তার কবজি ধরে এমন একটা মোচড় দিল যে ন্যান্সি বেহুঁশ হয়ে পড়ে গেল।

এভাবে সেদিনের ঝগড়াটা মিটে গেল।

অলিভারের জীবনে নেমে এলো আবার অন্ধকার।

* * * *

পরদিন দুপুর-নাগাদ অন্য সবাই বেরিয়ে গেলে, ফ্যাগিন্ অলিভারকে ভালো কথায় বোঝাতে লাগল যে, বেইমানির মতো পাপ আর নেই, তাই অলিভার যদি আবার আগের মতো দলের কাজ-কর্ম ঠিক মতো করে, তাহলে ফ্যাগিন্ আর তার সাক্ষরদরা সবাই তাকে বন্ধুর মতো ভালোবাসবে। আর যদি অলিভার এখন থেকে পালাবার চেষ্টা করে কিংবা গোলমাল শুরু করে, তাহলে সে তাকে কেটে টুকরো টুকরো করে পাতকের ভেতর ফেলে দেবে। এ-রকম অনেক ছেলেকেই সে এর আগে খুন করেছে, এ-কথা যেন অলিভার মনে রাখে। এভাবে অলিভারকে শাসিয়ে ঘরে তালাচাবি দিয়ে ফ্যাগিন্ বেরিয়ে গেল।

প্রথম হপ্টাটা অলিভারকে একটা ঘরে আটকে রেখে তালা বন্ধ করে দেওয়া হল। তারপর একদিন আর সে-ঘরে তালা দেওয়া হল না। অলিভার তার ইচ্ছেমতো বাড়ির ভেতর ঘুরে ফিরে বেড়াবার অধিকার ফিরে পেলো। ঘরের বাইরে বেরিয়ে চারদিকে ঘুরে সে দেখলো, বাড়িখানা অত্যন্ত পুরোনো, এবং জানলা-দরজা সব-সময়েই বন্ধ থাকে।

এই বাড়িতেই অলিভার দেখতে পেলো, সদ্য জেল-ক্ষেরত আঠারো বছরের ছোকরা চিটলিংকে। চিটলিং আসার পর থেকেই সে অলিভারকে দিন-রাত বেপরোয়া চুরি-ডাকাতির গল্প শোনাতে লাগল।

* * * *

কয়েকদিন পরে ফ্যাগিন্ বিল্ সাইক্সের আস্তানায় গিয়ে হাজির হল একটা বিশেষ জরুরী কাজে। অলিভারের ব্যাপার নিয়ে ঝগড়া হওয়ার ফলে ন্যান্সি আগের মতো আর তাকে খাতির-যত্ন করল না। অন্য সময় হলে ন্যান্সির এ বেয়াদবির জন্যে ফ্যাগিন্ তাকে বিলক্ষণ ধমকাতো, কিন্তু আজ তার মনের অবস্থা অন্যরকম। যে করেই হোক, এক বস্তা মোহরের জন্যে তাকে কাজটা হাতে নিতেই হবে, আর সে কাজটা ভালোভাবে করতে গেলে যে ন্যান্সির সাহায্য দরকার সে-বিষয়ে ফ্যাগিনের বিন্দুমাত্র সন্দেহ নেই।

ফ্যাগিন্ বলল, 'টবি বলছিল একটা ছোটো ছেলে পেলো নাকি কাজটা সারতে পারো তুমি? কথাটা কি সত্যি?'

সাইক্স্ জবাব দিল, 'কাজটা হাতে নেওয়া ঠিক হবে না। টবি আর আমি দুজনেই কাল বাড়িটাকে মোটামুটি দেখে এসেছি। সদর দরজা বেশ মজবুত, আর দেওয়াল খুব পাকা, তাই কোনো দিক দিয়েই সুবিধে করা যাবে না।'

ফ্যাগিন্ বলল, 'কাজটা কিন্তু তোমাকে করতেই হবে বিল! এতে মোটামুটি লাভ হবার আশা আছে।'

সাইক্স্ বলল, 'চেষ্টার ক্রটি তো হয়নি। টবিকে নিয়ে যতটা সম্ভব খোঁজখবর নিয়েছি কাজটা করার জন্যে। বাড়ির চাকরবাকররা কুড়ি বছর ধরে ও-বাড়িতে কাজ করেছে—তাদের কাউকে দলে ভেড়ানো যাবে না লোভ দেখিয়ে। শুধু একটা উপায় ঠাওরেছি। সেটা করতে হলে একটা ছোটো ছেলের দরকার হবে।'

ফ্যাগিন্ বলল, 'আজকাল ছোটো ছেলের বড়োই অভাব। যে কটাকে আমার দলে ভিড়িয়েছিলাম, সবাই তো পুলিশের খপ্পরে পড়ে তাদের পেশা পালটেছে—তারা নাকি এখন লেখাপড়া শিখছে সরকারের অতিথিশালায়।'

সাইক্স্ বলল, 'তাহলে উপায়?'

দুজনকেই বেশ চিন্তিত দেখা গেল।

ন্যান্সি এতক্ষণ কান খাড়া করে দুজনের কথা শুনছিল। সে হঠাৎ এগিয়ে এসে ফ্যাগিনকে বলল, ‘অলিভারের কথাটা বলেই ফেলো ফ্যাগিন্। আমাকে সমীহ করার দরকার নেই।’

একথা শুনে ফ্যাগিন্ হেসে ফেলে বলল, ‘দেখলে হে বিল্ আমাদের সমস্যাটা কতো সহজে সমাধান করে দিল ন্যান্সি। একেই বলে—‘স্ট্রিয়াস্‌চরিতম্’। তাহলে কালই অলিভারকে পাঠিয়ে দেব তোমার এখানে।’

সাইক্‌স্‌ খানিকটা ভেবে বলল, ‘সবচেয়ে ভালো হয় যদি ন্যান্সি তোমার ওখানে গিয়ে অলিভারকে নিয়ে আসে। তাহলে হয়তো ছেলেটাকে বাগে আনতে সুবিধে হবে।’

সাইক্‌সের একথা যুক্তিসংগত বলে মনে হল ফ্যাগিনের। ঠিক হল আগামীকাল রাতে ন্যান্সি ফ্যাগিনের আস্তানায় গিয়ে অলিভারকে নিয়ে আসবে।

বিদায় নিয়ে ফ্যাগিন্ চলে গেল ঘুরপথে আর একটা গোপন আস্তানায়, যেখান থেকে একবস্তা মোহরের বদলে একটা কাজের বরাত পেয়েছে সে।

* * * *

পরের দিন সকালবেলা ঘুম থেকে জেগে অলিভার সবিস্ময়ে দেখলো যে, তার পুরোনো জুতোজোড়া নেই, তার বদলে আছে পুরু সোল্‌ওয়ালা একজোড়া নতুন জুতো।

সেদিন অলিভারের সাথে সকালের জলখাবার খেতে বসে ফ্যাগিন্ বলল, ‘অলিভার, আজ রাতে তোমাকে সাইক্‌সের আস্তানায় যেতে হবে। ন্যান্সি তোমাকে নিতে আসবে।’

অলিভার প্রশ্ন করল, ‘সেখানেই কি আমি বরাবর থাকব?’

ফ্যাগিন্ জবাব দেয়, ‘আরে না-না। একটা কাজের জন্যে তোমাকে সাইক্‌সের দরকার। কাজটা হয়ে গেলে আমার এখানে আবার তুমি ফিরে আসবে।’

অলিভার শঙ্কিত হয়ে উঠল, কিন্তু তার এতে করারই বা কি আছে। অলিভার নিজের মনকে তৈরি করে নিল সারাদিন ধরে।

সন্ধ্যার পরে ফ্যাগিন্ বাইরে বেরুবার আগে অলিভারকে সতর্ক করে দিয়ে বলল, ‘সাবধান অলিভার, খুব সাবধান! সাইক্‌সের রক্ত গরম হয়ে উঠলে খুন করা ছাড়া ও আর কিছুই ভাবতে পারে না। যাই বলুক-না কেন, মুখ বুজে ওর সব কথা শুনে যেও।’

ফ্যাগিন্ চলে যাবার পর অলিভার গালে হাত দিয়ে ভাবছে এমন সময়ে তাকে সাইক্‌সের কাছে নিয়ে যাবার জন্যে ন্যান্সি এসে হাজির হল। এ ক’দিনেই তার চেহারা অত্যন্ত খারাপ হয়ে গেছে। সে অলিভারকে আশ্বাস দিল যে, যেমন করেই হোক সে তাকে শয়তানদের হাত থেকে বাঁচাবে। সে আরও জানাল যে, অলিভারের হয়ে সে কথা বলেছিল বলে তাকে খুব মার খেতে হয়েছে সেদিন। তারপর তার হাতে আর ঘাড়ে সে মারের চিহ্ন দেখাল।

সাইক্‌সের কাছে পৌঁছানোর সঙ্গে-সঙ্গেই সাইক্‌স্‌ কোনো কথা না বলে একটা রিভলবার বের করল। অলিভারের সামনে সেটাকে ধরে সে শাস্তকণ্ঠে বলল, ‘যদি কথা না শুনিস্‌ তো এক গুলিতে মাথার খুলি উড়িয়ে দেব!’

অলিভার ভয়ে কাঁঠ হয়ে গেল।

এর পরেই রাতের খাবার খেয়ে সাইক্‌স্‌ শুয়ে পড়ল। শোবার আগে সে ন্যান্সিকে হুকুম করল, ঠিক ভোর পাঁচটায় তাকে জাগিয়ে দিতে। অলিভার তার নির্দেশমতো ঘরের মেঝেয় শুয়ে অনেকক্ষণ জেগে রইলো। সে আশা করেছিল, ন্যান্সি হয়তো সুযোগমতো তাকে

কোনো উপদেশ দেবে। কিন্তু ন্যান্সি তখনও আগুনের কাছে বসে বসে অনেক কিছু ভাবছে। সাইক্সকে ঠিক সময়ে জাগিয়ে দেবার জন্যে সে বোধহয় সারা রাতই জেগে থাকবে!

ভোর পাঁচটার আগেই সাইক্স উঠে পড়ল। চোখ-মুখ তাড়াতাড়ি ধুয়ে অলিভারের সামনে একটা বড় আলখাল্লা এনে বলল, 'এটা গায়ের ওপর জড়িয়ে নে!' তারপর রিভলভারটা পকেটে পুরে অলিভারের হাত ধরে বেরিয়ে পড়ল সে। কোথায় যাচ্ছে, কি করতে হবে অলিভার কিছুই বুঝতে পারে না। ভয়ে কোনো কথাও বলতে পারে না সে। যেতে-যেতে পেছন ফিরে চায়, যদি ন্যান্সির সাথে চোখাচোখি হয়ে যায়। কিন্তু দেখলো, ন্যান্সি তখনও আগুনের দিকে এক নজরে চেয়ে একমনে যেন কি ভাবছে...আর কোনো দিকেই তার হুঁশ নেই।

সাইক্স অলিভারকে টানতে-টানতে বগলদাবা করে বেরিয়ে পড়ল।

* * * *

বাদল-দিনের ঘোলাটে সকাল। গত রাতের বৃষ্টির জল জমে রয়েছে রাস্তায়। এখনও জোর বৃষ্টি হচ্ছে—সোঁ-সোঁ করে বাতাস বইছে। আজ আবার হাটবার। ক্রমে ক্রমে রাস্তায় নানা ধরনের লোকের ভিড় বাড়ছে।

অলিভারকে কেবল গালাগালা আর তাড়া দিতে দিতে সাইক্স হাইড-পার্ক পেরিয়ে কেনসিংটনের পথ ধরলো। তারপর একখানা চলন্ত গাড়ির মালিককে রাজি করিয়ে অলিভারকে নিয়ে তাতে চেপে বসল। কিছুক্ষণ পরে নামলো এসে 'গাড়িঘোড়া' নামে এক সরাইখানার সামনে। তারপর অনেকটা পথ হেঁটে গিয়ে পৌঁছালো হ্যাম্পটন শহরে। সেখানে থেকে কিছু দূরে শহরের বাইরে সন্ধ্যা পর্যন্ত অপেক্ষা করে আবার শহরে ফিরে এসে এক সরাইখানায় গিয়ে রাতের খাবারের আয়োজন করতে হুকুম করল।

খাওয়া-দাওয়ার পরে সাইক্স হ্যালিফোর্ডগামী এক শ্রমিকের গাড়িতে চেপে শোপারটাউনে এসে নামলো অলিভারকে নিয়ে। তারপর জলকাদা ভেঙে, অন্ধকার গলিঘুঁজি আর চষা-ক্ষেতের ওপর দিয়ে লম্বা পথ পাড়ি দিয়ে থামলো একখানা পোড়ো বাড়ির সামনে। অন্ধকার নির্জন বাড়ি। মনে হয় প্রাণের কোনো সাড়া নেই তার ভেতর—আশেপাশেও আর কোনো বাড়ি নেই। অলিভারের হাত ধরে সাইক্স ভেজানো দরজা ঠেলে সেই বাড়ির মধ্যে ঢুকে পড়ল।

বাড়িতে কিন্তু মানুষ ছিল। এই বাড়িতে সাইক্সকে সাদরে অভ্যর্থনা করল টোবি ক্র্যাকিট আর বার্নি। সাইক্স তাদের কাছে অলিভারের পরিচয় দিল।

কিছুক্ষণ পরে খেতে বসল তারা। মদের গেলাস মুখের কাছে তুলে তিনজনে বলে উঠল, 'আজকের অভিযান সফল হোক।' বলেই তারা গেলাসের পর গেলাস ভরে মদ খেতে লাগল। অলিভারের আপত্তি সত্ত্বেও তারা তাকে জোর করে খানিকটা মদ খাইয়ে দিল। খাওয়ার পরেই সবাই শুয়ে পড়ল।

মদের নেশায় অলিভারের সারা দেহ ভারী হয়ে এলো। সেও ঘুমিয়ে পড়ল। ঘুমের মধ্যে সে স্বপ্ন দেখছিল, সে যেন তার ছেলেবেলার জীবনে ফিরে গেছে। হঠাৎ সে চমকে উঠল টোবির গলা শুনে। টোবি বিছানা থেকে লাফিয়ে উঠে ঘোষণা করল, 'দেড়টা বাজে!'

মুহূর্তমধ্যে অপর দু'জনও উঠে দাঁড়াল। সাইক্স আর টোবি দু'খানা শালে নিজেদের মুখ আর গলা ঢেকে নিল, তারপর বার্নের কাছ থেকে কয়েকটা যন্ত্রপাতি নিয়ে পকেটে পুরলো। বার্নি তাদের দু'জনকে দুটো পিস্তল দিল আর একটা লম্বা আলখাল্লা পরিয়ে দিল অলিভারকে।

তারপর অলিভারের হাত দুটো ধরে সেই কুয়াশায় ঢাকা রাতে বেরিয়ে পড়ল তারা।

সাইক্স ফিস্‌ফিস্‌ করে বলল, ‘আজ রাতে সারা শহর টুঁড়লেও আমরা কারও চোখে পড়ব না।’

রাত দুটো-নাগাদ তারা শহর পেরিয়ে, পাঁচিলঘেরা একটা বাড়ির সামনে এসে থামলো। কোথাও কোনো সাড়াশব্দ নেই। বাড়ির ভেতরেও সব চুপচাপ। চোখের নিমেষে টোবি ক্র্যাকিট পাঁচিলের ওপরে উঠে পড়ল। তারপর অলিভারকে নিয়ে সাইক্সও উঠল এবং কয়েক সেকেন্ডের মধ্যেই তারা পাঁচিলের অপরদিকে বাগানের মধ্যে নেমে পড়ল।

অলিভার ভয়ে মাটির ওপর বসে পড়ল। সাইক্স রেগে বলে উঠল, ‘শিগ্গিরি ওঠ’ শুষোর! নইলে তোর মাথা গুঁড়িয়ে এই ঘাসের সঙ্গে মিশিয়ে দেব।’

অলিভার কাঁপতে-কাঁপতে বলল, ‘তোমাদের পায়ে পড়ি, তোমরা আমাকে ছেড়ে দাও।’

সাইক্স পিস্তল বের করে অলিভারকে গুলি করতে যাচ্ছিল, কিন্তু টোবি সেটা ছিনিয়ে নিলো, আর অলিভারের মুখে হাত চাপা দিয়ে বাড়ির দিকে এগুতে-এগুতে বলল, ‘আর একটা আওয়াজ করেছিস কি, একটা বাড়ি দিয়ে তোর মাথা একেবারে গুঁড়ো করে দেবো। বিল্‌ তুমি গিয়ে জানলাটা খুলে ফেল, আমি এটাকে সামলাচ্ছি। এসব ছেলেকে ঠাণ্ডা করার কায়দা আমার দস্তুরমতো জানা আছে।’

অতি অল্প সময়ের মধ্যেই ম্যাজিকের মতো সাইক্স বাড়ির পেছনদিকের একটা ছোটো জানলা খুলে ফেলল। সে-জানলা দিয়ে অলিভারের মতো ছোটো ছেলে সহজেই গলে যেতে পারে। তারপর অলিভারের হাতে একটা লঠন দিয়ে কানে কানে বলে দিল : ‘বাড়ির ভেতর ঢুকে তুই চুপিচুপি দরজার খিলটা খুলে দে।’

জানলা দিয়ে ঘরের ভেতর লাফিয়ে পড়েই অলিভারের ইচ্ছে হল, সে চেষ্টা করে বাড়ির লোকজনদের জাগিয়ে তুলবে। কিন্তু হঠাৎ কানে এল, জানলার ওপার থেকে সাইক্স চাপা গলায় বলছে, ‘ফিরে আয় হারামজাদা! ফিরে আয় জানলায়!’

ভয়ে অলিভারের হাত থেকে লঠনটা খসে পড়ে গেল। ঠিক সেই মুহূর্তে সিঁড়ির মাথায় দুটো মূর্তির আবির্ভাব হলো আর আলোর একটা ঝলকানির তাক করে রিভলভার ছুঁড়তেই লোক দুটো ভয়ে পালিয়ে গেল। সাইক্স আর বিন্দুমাত্র দেরী না করে বাইরে থেকে হাত বাড়িয়ে জামার কলার ধরে অলিভারকে টেনে জানলার বাইরে নিয়ে এলো।

সঙ্গে-সঙ্গে অলিভারকে কাঁদে তুলে নিয়ে সাইক্স ছুটতে লাগল। অলিভারের পায়ে একটা গুলি এসে লেগেছিল, সেজন্য প্রচুর রক্ত ঝরতে লাগল। অলিভারকে কাঁধে নিয়ে ছুটতে অসুবিধে হওয়ায় শেষ পর্যন্ত সাইক্স আধা-বেহুঁশ অলিভারকে একটা নরদমার ভেতর ফেলে রেখে পালাল।

অষ্টম পরিচ্ছেদ

অলিভার ফিরে এলো না দেখে মিঃ ব্রাউনলো তার পরের দিনই খবরের কাগজে একটা বিজ্ঞাপন ছাপাবার ব্যবস্থা করলেন। বিজ্ঞাপনটা ছিল এরকম :

পুরস্কার ঘোষণা

গত বৃহস্পতিবার রাতে অলিভার টুইস্ট নামে একটি ছেলে তার পেটনভিলের বাড়ি থেকে পালিয়ে গেছে, অথবা কেউ তাকে চুরি করে ধরে নিয়ে গেছে। যিনি তার খোঁজ দেবেন অথবা তার পুরোনো ইতিহাস জানাবেন, তাঁকে পাঁচ গিনি পুরস্কার দেওয়া হবে।

যেদিন বিজ্ঞাপনটা খবরের কাগজে বের হল, সেদিনই সন্ধ্যায় অনাথ-আশ্রমের কাজে মিস্টার বাম্বল্ এসে পৌঁছোলেন লন্ডনে। সরাইখানায় ঢুকে এক গেলাস কড়া মদ সামনে রেখে হাতের খবরের কাগজখানা খুলে ধরলেন তিনি।

বিজ্ঞাপনটা নজরে পড়তেই সেটা তিন-তিনবার পড়লেন মিস্টার বাম্বল্। তারপর পাঁচ মিনিটের মধ্যেই তিনি পেটনভিলের পথ ধরলেন—মদের গেলাসটা যেমন ছিল তেমনি অবস্থায় পড়ে রইল টেবিলের ওপর।

মিঃ বাম্বলের মুখে অলিভারের নাম শোনা মাত্র মিসেস বেডুইন্ তাঁকে মিস্টার ব্রাউন্লোর কাছে নিয়ে গেলেন। মিস্টার গ্রিম্‌উইগ্ সেখানে হাজির ছিলেন।

অলিভারের পুরোনো ইতিহাস বলতে গিয়ে সত্যি-মিথ্যে মিলিয়ে মিঃ বাম্বল্ যেসব কুৎসা রটালেন, তা শুনে মিঃ ব্রাউন্লো ও মিঃ গ্রিম্‌উইগ্ দুজনেই খুব হতাশ হলেন। তাঁরা জানলেন যে, অলিভার জাত-না-জানা কুড়িয়ে-পাওয়া একটা ছেলে,—বেইমানী আর নিচতাই তার স্বভাব।

মিঃ বাম্বল্ বিদায় নেবার পর মিঃ ব্রাউন্লো কিছুক্ষণ ঘরের মধ্যে পায়চারি করে বললেন, ‘বেডুইন্! অলিভার সত্যি একটা জোচ্ছোর।’

কিন্তু মিসেস বেডুইন্ কিছুতেই একথা মানতে চাইলেন না। এর জন্যে মিঃ গ্রিম্‌উইগ্ তাঁকে বেশ একচোট ঠাট্টা করলেন।

* * * *

যে অনাথ-আশ্রমে অলিভারের জন্ম হয়েছিল, সেখানকার ধাইমা মিসেস কর্নি একলা তাঁর ঘরে বসেছিলেন। বাইরে তখন তুমুল ঝড়-বৃষ্টি চলছে। ঘরের ভেতর দরজা-জানলা বন্ধ করে এক কাপ গরম চা নিয়ে তিনি আরাম করে খেতে বসেছেন।

চা খেতে-খেতে মৃত স্বামীর কথা তাঁর মনে পড়ল। মনে পড়তেই টি-পটটার দিকে তাকিয়ে আপন মনে বলে উঠলেন, ‘অমনটা আর আমি পাবো না!’ কার উদ্দেশ্যে যে তিনি এ-কথা বললেন—মৃত স্বামী, না সামনের টি-পট, তা বোঝা গেল না। এমন সময়ে ঘরে ঢুকলেন মিস্টার বাম্বল্।

কিছুক্ষণ তাঁরা দুজনে অনাথদের সম্বন্ধে আলোচনা করলেন। দেখা গেল, একটা ব্যাপারে দুজনেই একমত—দুজনেরই লক্ষ্য হল, অনাথদের শোষণ করে তাদের পাওনা টাকা হাতিয়ে নিজেদের তহবিল বাড়ানো। কিছুক্ষণ এসব আলোচনার পরেই মিঃ বাম্বল্ বিদায় নিচ্ছিলেন কিন্তু বাইরে ঝড়-জলের জন্যে মিসেস কর্নি তাঁকে খানিকটা অপেক্ষা করে, চা খেয়ে যাবার জন্যে অনুরোধ জানালেন।

অগত্যা মিঃ বাম্বল্ আবার চেপে বসলেন চেয়ারে।

চা খেতে বসে এ-কথা সে-কথার পর মিস্টার বাম্বল্ মিসেস কর্নিকে বিয়ে করার কথাটা পাড়লেন। এমন সময়ে একটা বুড়ি এসে মিসেস কর্নিকে জানালো যে, স্যালি বুড়ি মারা যেতে বসেছে—সে মরার আগে মিসেস কর্নিকে বিশেষ জরুরি কোনো কথা বলে যেতে চায়।

একথা শুনেই মিস্টার বাম্বল্‌কে ঘরে অপেক্ষা করতে বলে, মিসেস কর্নি কর্তব্যের দায়ে সেই বুড়ির সাথে বেরিয়ে গিয়ে হাজির হলেন খুপরি মতো একখানা ছোটো ঘরে। সেখানে তখন একজন ছোকরা ছাত্র-ডাক্তার স্যালি-বুড়ির কাছে বসে কি যেন ওষুধ তৈরি করছে, আর স্যালিবুড়ি বেহুঁশ হয়ে বিছানায় পড়ে আছে। কাছে আরও একজন বুড়ি বসে হা-হুতাশ করছিল।

ছাত্র-ডাক্তারটির কাছে মিসেস্ কর্নি জানতে পারলেন যে, আর ঘটনা-দুয়ের মধ্যই স্যালিবুড়ি মারা যাবে এবং মরার আগে তার হুঁশ ফিরে পাবার আশা খুবই কম।

ছাত্র-ডাক্তারটি চলে গেলে, মিসেস্ কর্নি মুখ বেঁকিয়ে জিজ্ঞেস করলেন, ‘স্যালিবুড়ি মরবে কখন তার জন্যে আমি কতক্ষণ অপেক্ষা করব?’

ঘরে যে আর দুজন বুড়ি বসেছিল, তাদের একজন বলে উঠল, ‘আর বেশিক্ষণ নয়, ঠাকরুন! আমাদের মরণের জন্যে কাউকেই আর বেশি দিন অপেক্ষা করতে হবে না!’

মিসেস্ কর্নি ধমকে উঠলেন, ‘চুপ কর, বুড়ি।’ তারপর প্রশ্ন করে জানতে পারলেন যে, স্যালিবুড়ি এর আগেও বহুবার এমনি বেহুঁশ হয়ে পড়ে থাকত। এ-কথা শুনে মিসেস্ কর্নি চলে যাবার জন্যে উঠছিলেন, এমন সময় স্যালিবুড়ি হঠাৎ বিছানার ওপর উঠে বসল এবং মিসেস্ কর্নির একখানা হাত ধরে টেনে তাঁকে চেয়ারে বসিয়ে বলল, ‘আপনার সঙ্গে আমার কিছু গোপন কথা আছে—ওদের বের করে দিন ঘর থেকে... তাড়াতাড়ি করুন... তাড়াতাড়ি!’

ইচ্ছে না থাকলেও দুজন বুড়ি মিসেস্ কর্নির ধাক্কা খেতে-খেতে ঘর থেকে বেরিয়ে গেল।

মুমূর্ষু স্যালিবুড়ি তখন সাধ্যমতো গলা উঁচু করে বলতে লাগল, ‘এবার মন দিয়ে শুনুন আমার কথা। এই ঘরে, ঠিক এই বিছানায়, কত বছর আগে মনে নেই, কুড়িয়ে পাওয়া একটি মেয়েকে এনে শোয়ানো হয়। তারপর তার একটি ছেলে হল। আমি তার জিনিস চুরি করেছি’—বলতে বলতে উত্তেজনায় স্যালি-বুড়ি ধপাস্ করে শুয়ে পড়ল। কিছুক্ষণ বাদে আত্ননাদ করে আবার বিছানার ওপরে উঠে বসে সে বলল, ‘সেটা ছিল তার একমাত্র সম্পদ। তার পরনে গরম পোশাক ছিল না বটে—পেটেও অনু ছিল না, কিন্তু সেটা সে সযত্নে রেখেছিল তার বুকের মধ্যে। খুব দামি সোনার জিনিস সেটা।’

‘সোনা!’ মিসেস্ কর্নি আশ্চর্যের সঙ্গে বললেন, ‘বলো—বলো! তারপর সেটার কী হল?’

স্যালি-বুড়ি বলল, ‘সেটা সে আমার কাছে বিশ্বাস করে গচ্ছিত রেখেছিল, আর শেষে মরার সময়ে হাত-জোড় করে বলেছিল, ছেলেটা যদি বাঁচে তো তাকে এটা দিতে—তাহলে সে অন্তত নেহাৎ অনাথ হবে না। ছেলেটার নাম রাখা হয়েছিল অলিভার। আর আমি যে-সোনা চুরি করে ছিলাম—’

‘হ্যাঁ, হ্যাঁ—বলো, বলো’—বলতে বলতে মিসেস্ কর্নি একেবারে স্যালি-বুড়ির মুখের ওপর ঝুঁকে পড়লেন।

স্যালি-বুড়ি শেষে আর-একবার উঠে বসে বিড়বিড় করে কী-য়েন বলল, তারপর তার প্রাণহীন দেহটা বিছানার ওপরে চলে পড়ল। তার হাতদুটো তখনও মিসেস্ কর্নির স্কাটের প্রান্তদেশ জড়িয়ে ধরে আছে।

* * * *

মিসেস্ কর্নির ঘরে একা বসে মিষ্টার বাম্বল্ যখন বারবার ঘরের আসবাব আর তৈজসপত্র নেড়েচেড়ে দেখে মনে মনে সেগুলোর দাম কষে হিসেব শেষ করছিলেন, সেসময় ঘরে ঢুকলেন মিসেস্ কর্নি।

কথায় কথায় মিঃ বাম্বল্ জানতে পারলেন যে, মিসেস্ কর্নি তাঁর চাকরির দৌলতে বিনামূল্যে কয়লা ও মোমবাতি পান, এবং তাঁকে বাড়িভাড়া দিতে হয় না। তখন মিঃ বাম্বল্ আবার সেই বিয়ের প্রস্তাব পেশ করলেন। একটুখানি ইতস্তত করার পর মিসেস্ কর্নি বিয়ের প্রস্তাবে রাজি হয়ে গেলেন।

কিছুক্ষণ পরেই মিসেস কর্নির অনুরোধে সেই ঝড়-জল মাথায় করে মিঃ বাস্কেল ছুটলেন মিঃ সোয়ার্বেরির বাড়ির দিকে, মৃত্যু স্যালি-বুড়ির জন্যে কফিনের ফরমাস দিতে।

সোয়ার্বেরী-দম্পতি তখন বাড়ি ছিলেন না। নোয়া ক্লেমেন্ট সেই অবকাশে শার্লার কাছ থেকে বিয়ের প্রস্তাব করছিল। এমন সময় মিস্টার বাস্কেল সেখানে হাজির হলেন। বিয়ের কথা শুনে পেয়ে তিনি কয়েক ধমকে নোয়াকে বললেন, 'আঁঃ! এখানেও বিয়ে! সাবধান! ফের বিয়ের কথা বললে তোর মুণ্ডপাত করব। যাক, শোন! তোর মনিব এলে বলিস, আশ্রমের এক বুড়ির জন্যে কাল সকালেই সে যেন একটা কফিন পাঠিয়ে দেয়। ...দেশটা গোল্লায় গেল একেবারে—খালি বিয়ে আর বিয়ে!'

কথাগুলো বলতে বলতে মিঃ বাস্কেল বেরিয়ে গেলেন সেখান থেকে।

নবম পরিচ্ছেদ

ফ্যাগিন তার আড্ডায় অগ্নিকুণ্ডের সামনে মুখভার করে বসেছিল, আর ধুরন্ধর, চার্লস্ বেট্‌স্ ও চিটলিং বসে তাস খেলছিল।

সহসা সদর-দরজায় শব্দ শুনে ধুরন্ধর আগন্তুককে দেখতে গেল। অন্য দুজন ফ্যাগিনের নির্দেশে চুপ করে বসে রইল।

ধুরন্ধরের পেছনে পেছনে ঘরে ঢুকল টোবি ক্র্যাকিট—একমুখ দাড়ি, রুক্ষ কর্ণশ বীভৎস তার চেহারা। ঢুকেই ফ্যাগিনকে সে জিজ্ঞাসা করল, 'কেমন আছো, ফ্যাগিন?'

যে-শালখানায় তার মুখ আর গলা ঢাকা ছিল, সেখানা ধুরন্ধরকে রাখতে দিয়ে সে জামা খুলে ফেলল। তারপর উনুনের গায়ে পা তুলে বসে বলল, 'অনেকদিন পেটে দানা পড়েনি। সময়ে জানতে পারবে সব—আগে কিছু খেতে দাও।'

ফ্যাগিনের নির্দেশে ধুরন্ধর ক্র্যাকিটকে খেতে দিলে। সে পরম তৃপ্তির সঙ্গে ধীরে-ধীরে খেতে লাগল। ফ্যাগিন মনে-মনে অধীর হয়ে উঠলেও মুখে কিছু কোনো কথা বলল না।

খাওয়া শেষ করে টোবি অন্য সবাইকে ঘর থেকে বের করে দেবার জন্যে ফ্যাগিনকে বলল। তারপর সবাই বেরিয়ে গেলে সে জিজ্ঞাসা করল, 'আগে বলো, ফ্যাগিন, বিল্ কেমন আছে?'

'কী!' ফ্যাগিন সভয়ে চোঁচিয়ে মাটিতে পা ঠুকে জিজ্ঞাসা করল, 'কোথায় তারা? সাইক্‌স্ আর ছেলেটা কোথায়?'

টোবি কাঁপা গলায় বলল, 'আমাদের অভিযান ব্যর্থ হয়েছে।'

ফ্যাগিন তার জামার পকেট থেকে একখানা খবরের কাগজ টেনে বের করে বলল, 'তা তো জানি। তারপর হয়েছে কী, তাই বলো।'

টোবি জানাল যে, বাড়ির লোকের গুলিতে আহত অলিভারকে পিঠে নিয়ে সাইক্‌স্ ছুটে থাকে... বাড়ির লোকজনও তাদের তাড়া করে পিছু নেয় এবং শেষে ধরা পড়ার উপক্রম হতেই সাইক্‌স্ অভিযাত্রীকে পথের ধারে একটা খানার মধ্যে ফেলে রেখে পালাতে বাধ্য হয়,—ছেলেটা বেঁচে আছে কি মারা গেছে, তা টোবি জানে না।

একটা ভয়াবহ চিৎকার করে ফ্যাগিন দুহাতে নিজের চুল টানতে-টানতে ঘর ছেড়ে পথে বেরিয়ে পড়ল।

* * * *

রাস্তায় বেরিয়ে একখানা গাড়ি ভাড়া করল ফ্যাগিন। তারপর সাইক্‌সের আস্তানার সিকি মাইল তফাতে পৌঁছে, গাড়িখানা ছেড়ে দিল সে।

খানিকটা পথ হেঁটে একটা গলির ভেতর ঢুকে পড়ল সে। গলির চেহারা দেখে সহজেই বোঝা যায় সেখানে সমাজের অতি নিচু স্তরের লোকেরা বাস করে। গলির শেষ প্রান্তে এসে ফ্যাগিন্ একটা দোকানের পাশে দাঁড়িয়ে কথা বলল দোকানের সেল্‌স্‌ম্যানের সাথে। তার কাছ থেকে সে জানতে পারল যে সাইক্‌স্‌ এখনো তার ঘরে ফিরে আসেনি।

সাইক্‌সের আস্তানার পাশ দিয়ে এগিয়ে ফ্যাগিন্ একটা গুঁড়িখানায় ঢুকে পড়ল চুপি চুপি। গুঁড়িখানার মালিকের সাথে ফিসফাস কথা বলল অনেকক্ষণ নিজের পেশার বিভিন্ন বিষয় নিয়ে। তারপর চলে আসার সময় সে জিজ্ঞাসা করল, 'সে কি আজ রাতে এখানে আসবে?'

'মহ্‌সের কথা বলছো কী?'—জানতে চাইলো গুঁড়িখানার মালিক।

'চুপ!'—ফ্যাগিন্ বলে উঠল, তারপর ছোট্ট 'হঁ' বলে জবাবের আশায় তার মুখের দিকে তাকিয়ে রইল।

গুঁড়িখানার মালিক বেশ নিচুগলায় জবাব দিল, 'এতক্ষণ এখানে তার এসে যাওয়া উচিত ছিল। এখনও এল না কেন তা তো বুঝতে পারছি না। আর দশ মিনিট অপেক্ষা করলে হয়তো—'

বাধা দিয়ে ফ্যাগিন্ তেমনি চুপিচুপি বলল, 'সে এলে তাকে বলো আমি তার খোঁজে এসেছিলাম। সে যেন আজ রাতে—না, না—কাল রাতে আমার সাথে অতি অবিশ্যি একবার দেখা করে, বুঝেছ?'

এই বলে উত্তরের অপেক্ষা না করে হনহন করে গুঁড়িখানা থেকে বেরিয়ে পড়ল সে। এবার সাইক্‌সের ঘরে ঢুকে ফ্যাগিন্ দেখল, অতি বিষণ্ণভাবে টেবিলের ওপর মাথা রেখে বসে আছে ন্যান্সি। কোনো খবরই সে পায়নি বিল্‌ সাইক্‌সের—সে-ই বরং সাইক্‌সের কথা ফ্যাগিনের কাছে জানতে চাইল। ফ্যাগিন্ তাকে টোবির মুখে শোনা বিবরণ জানালে সে ফুঁপিয়ে ফুঁপিয়ে কাঁদতে লাগল।

ফ্যাগিন্ বলল, 'হতভাগা ছেলেটার কথা ভাবো ন্যান্সি,—তাকে কিনা ওরা ফেলে এসেছে একটা খানার মধ্যে!'

ন্যান্সি হঠাৎ মাথা তুলে বলল, 'সে-ছেলেটা যেখানেই থাক, আমাদের সঙ্গে থাকার চেয়ে ভালোই থাকবে। আমি ভাবছি শুধু বিলের কথা। তার যেন কোনো ক্ষতি না হয়!'

* * * *

গভীর রাতে নিজের বাড়ির সামনে এসে ফ্যাগিন্ যখন চাবি দিয়ে দরজা খুলছে, এমন সময়ে কে যেন তার কানের কাছে ফিসফিসিয়ে ডেকে উঠল, 'ফ্যাগিন্!'

ফ্যাগিন্ চকিতে ঘুরে দাঁড়িয়ে বলল, 'তুমি কখন এলে মহ্‌স?'

'তা ঘণ্টা দুই হল বই কি! আমি তোমার জন্যে তখন থেকে অপেক্ষা করছি—কোথায় ছিলে এতক্ষণ?'

'তোমারই কাজে বন্ধু, তোমারই কাজে। সব বলছি।'

মহ্‌সকে নিয়ে ফ্যাগিন্ বাড়ির ভেতরে ঢুকলো। তারপর একটা নিরালোকোণে দাঁড়িয়ে দুজনে ফিসফিস করে আলাপ করতে লাগল।

মহ্‌স বারকয়েক ঘাড় নেড়ে বেশ জোর গলাতেই বলল, 'ফন্দিটা তোমাদের তেমন সুবিধে হয়নি। ওকে এখানে আটকে রেখে গাঁটকাটা করে তুললে না কেন?'

ফ্যাগিন্ জানাল, 'তা করার সুবিধে ছিল না মোটেই।'

মহ্‌স বেশ ঝাঁঝালো সুরে বলে উঠল, 'তুমি ইচ্ছে করলে তা করতে পারতে। এর

আগে তো কত ছেলেকে তুমি পাকা পকেটমার, সিঁদেল তৈরি করেছো, আর আজও তাদের কাছ থেকে কমিশন খাচ্ছ। তুমি তাকেও পকেটমার করে জেলে পাঠিয়ে আমাকে নিশ্চিত করতে পারতে—হয়তো সে সারাজীবনের মতো দেশ থেকে নির্বাসিত হতো একদিন।’

রাগে গজগজ করতে লাগল মঙ্কস্, আর ফ্যাগিন্ তাকে শান্ত করার জন্যে নিজের সাফাই গাইতে লাগল, ‘চেষ্টা তো করেছিলাম, কিন্তু ধরা পড়ে ছেলেটা সব গোলমাল করে দিলে, আর যে মেয়েটাকে দিয়ে তাকে আবার রাস্তা থেকে নিজেদের আস্তানায় ফিরিয়ে আনলাম, সে মেয়েটা তার দিকে নেকনজর দিকে গুরু করেছে। সেটাই হচ্ছে এখন সবচেয়ে বড় বাধা।’

‘তাহলে মেয়েটাকে গলা টিপে মেরে ফেলো।’ বলে উঠল মঙ্কস্। ফ্যাগিন্ বলল, ‘তা করার সময় আসেনি এখনো। হয়তো একদিন আমি নিজেই তা করব। এখন অপেক্ষা করা ছাড়া অন্য কোনো উপায় নেই। ছেলেটা পাকা চোর হয়ে গেলে মেয়েটার সহানুভূতি হারাবে, আর ছেলেটা যদি আমাদের হাতেই মারা যায় তাহলে তো কোনো কথাই নেই!’

বাধা দিয়ে বলে ওঠে মঙ্কস্, ‘না-না, মেরে ফেল না তাকে। চুরি-ডাকাতি করতে গিয়ে যদি সে মারা যায়, তাহলে তো আমার বিরুদ্ধে কারুর বলার কোনোকিছুই নেই। মোদ্দা কথা, তাকে নিয়ে যা খুশি করতে পারো, কিন্তু নিজেরা মেরে ফেল না। ওতে আমার ক্ষতি হতে পারে।’

কথা বলতে বলতে মঙ্কস্ চমকে উঠে বলল, ‘ওকি! একটা ছায়া দেখলাম যেন!’

তখন দুজনে ছুটে ঘর থেকে বেরিয়ে গিয়ে চারদিকে খুঁজল, কিন্তু কাউকেই দেখতে পেল না।

ফ্যাগিন্ বলল, ‘কিছুই দেখনি তুমি! ও তোমার চোখের ধাঁধা!’

কাঁপতে কাঁপতে মঙ্কস্ বলল, ‘না-না, ধাঁধা নয়, আমি দিব্যি গেলে বলছি যে স্পষ্ট দেখলাম একটা মেয়েমানুষের ছায়া সরে গেল।’

ফ্যাগিন্ জোর দিয়েই বলল, ‘এ বাড়িতে কোনো মেয়েমানুষ থাকে না যে গভীর রাতে তার ছায়া দেখতে পারে।’

রাগে গজগজ করতে করতে চলে গেল মঙ্কস্।

দশম পরিচ্ছেদ

ভোরের কনকনে ঠাণ্ডা বাতাস লেগে খানার মধ্যে অচেতন অলিভারের জ্ঞান ফিরে এলো। কোথায় আছে, কেনই বা সেখানে এসেছে, প্রথমে কিছুই মনে করতে পারল না সে। আস্তে আস্তে উঠে দাঁড়াবার চেষ্টা করতেই দারুণ যন্ত্রণায় ‘মা-গো’ বলে আবার সে জ্ঞান হারিয়ে পড়ে গেল।

কিছুক্ষণের মধ্যেই আবার জ্ঞান ফিরে এলো তার। সে বুঝতে পারল, এই খানার মধ্যে এভাবে পড়ে থাকলে তাকে এখানেই মরে পড়ে থাকতে হবে। তাই বহু চেষ্টা করে কোনোমতে খানা থেকে উঠে হাঁটতে শুরু করে দিল সে! তার মাথা ঘুরছে, পা কাঁপছে, তবু সে হেঁটে চলল।

কিছুক্ষণ চলার পরে সামনেই দেখলো সে একটা বড়ো বাড়ি। সেখানে গিয়ে সাহায্য চাইবে ঠিক করল, কিন্তু বাড়ির গেট পেরিয়ে বাগানের মধ্যে পা দিতেই চমকে উঠল সে—এই বাড়িতেই তো কাল রাতে তারা ডাকাতি করতে এসেছিল। প্রথমে সে ভাবলো,

পালিয়ে যাবে, কিন্তু পালিয়ে যাবেই-বা কোথায়? শেষ পর্যন্ত সে এগিয়ে গিয়ে দরজার কড়া নাড়লো, কিন্তু শরীরের দারুণ দুর্বলতার জন্যে আবার বেহুঁশ হয়ে পড়ে গেল।

* * * *

সাইক্স যে-বাড়িতে অভিযান করেছিল, গাইল্‌স্‌ সে-বাড়ির খানসামা এবং ব্রিটল্‌স্‌ হল 'বয়' বা বালক-ভৃত্য। বালক-বয়সেই ওই-বাড়িতে কাজে লেগেছিল ব্রিটল্‌স্‌, কিন্তু এখন তার বয়স তিরিশ পেরিয়ে গেলেও তার 'বয়' নাম ঘোচেনি! এরা দুজন পুরুষ ছাড়া বাড়ির বাসিন্দারা সকলেই স্ত্রীলোক, তবে আর একজন বাইরের লোক দুটো কুকুর নিয়ে রাত কাটাতো সেই বাড়ির রোয়াকে শুয়ে। সে হল একজন ঝালাইওলা।

সাইক্স ও তার সঙ্গীদের পেছনে রাতে ধাওয়া করেছিল ওই তিনজন লোক, সঙ্গে দুটো কুকুর নিয়ে! অনেকটা দূর ধাওয়া করে এসে কি ভেবে তারা পরামর্শ করার জন্য থামলো।

দলের সবচেয়ে মোটা লোকটা বলল, 'আমার মতে এখন বাড়ি ফিরে যাওয়াই ভাল। চলো, আমরা বাড়ি ফিরে যাই।'

একথা শুনে দ্বিতীয় লোকটার মুখে আতঙ্কের ছায়া ফুটে ওঠে। সে কাঁপা গলায় বলল, 'মিস্টার গাইল্‌সের মতই আমার মত।'

তৃতীয় লোকটা বলল, 'মিস্টার গাইল্‌সের কথার প্রতিবাদ করার কোনো অধিকার নেই আমার।' কথা বলার সময়ে তার দাঁতগুলো ঠকঠক করে কাঁপছিল।

'তুমি ভয় পেয়েছো, ব্রিটল্‌স্‌', গাইল্‌স্‌ বলল।

ব্রিটল্‌স্‌ বলল, 'ভয় পেয়েছি! কৈ, না তো!'

'তুমি মিথ্যুক।'

ব্রিটল্‌স্‌ বলল, 'আপনি মিথ্যাবাদী, মিস্টার গাইল্‌স্‌!'

তর্কাতর্কির অবসান করে দিলে ঝালাইওলা। সে বলল, 'সত্যি কথা বলতে কি, আমরা সবাই ভয় পেয়েছি।'

তারপর তিনজনে পরস্পরের গা-ঘেঁষাঘেঁষি করে ভয়ে-ভয়ে ফিরে চললো বাড়ির দিকে। তখন ভোর হয়ে গেছে। ফিরে এসে তারা রান্নাঘরে বসে চা খেতে খেতে গত রাতের ঘটনা আলোচনা করছিল। গাইল্‌স্‌ বাড়ির প্রধান পরিচালক, তাই সে নিজের মর্যাদা বজায় রাখার জন্যে সবসময় গম্ভীর হয়ে থাকে, আর অন্য সব চাকর-বাকরদের এড়িয়ে চলে। কিন্তু রাতের রোমাঞ্চকর ডাকাত ধরার অভিযানের নেতৃত্ব করেছে বলে সে আজ তার গম্ভীরের মুখোশ খসিয়ে সবার সাথে একসঙ্গে বসেছে। বাড়ির ঝি আর রাঁধুনী হাঁ করে গিলছিল তার কথাগুলো।

গাইল্‌স্‌ বলছিল, 'রাত তখন বোধহয় দুটো হবে। হঠাৎ একটা শব্দ শুনে জেগে উঠলাম। প্রথমে ভাবলাম, স্বপ্ন দেখছি। এমন সময় আবার শব্দ হল। তখন বিছানায় ওপর উঠে বসলাম।'

'কী সবকোনাশ।' রাঁধুনী আর ঝি একসঙ্গে একথা বলে আর একটু কাছ-ঘেষে বসল গাইল্‌সের।

ভারিঙ্কী চালে গাইল্‌স্‌ আবার বলতে লাগল, 'ঠিক করলাম, ব্রিটল্‌স্‌ বেচারাকে ডেকে তুলতে হবে, নইলে ওকে ডাকাতরা হয়তো ঘুমন্ত অবস্থায় খুন করে রেখে যাবে—ও হয়তো টেরও পাবে না। তাই চুপিচুপি উঠে গিয়ে ওকে ডেকে তুলে বললাম, 'ভয় পাসনে।'

রাঁধুনী জিজ্ঞাসা করল, 'তা, ও কি ভয় পেল?'

গাইল্‌স্‌ বলল, 'মোটাই-না। ও প্রায় আমারই মতো সাহসী কিনা!'

ঝি বলল, 'আমি হলে কিন্তু তখনি ভয়ে মরে যেতাম।'

ব্রিটল্‌স্‌ বলল, 'তুমি যে মেয়েছিলেন!'

গাইল্‌স্‌ সায় দিয়ে বলল, 'ঠিকই বলেছ ব্রিটল্‌স্‌! মেয়েমানুষের কাছে ভয় ছাড়া আর কিই-বা আশা করা যায়!'

ঠিক এ সময়ে বাড়ির সদর-দরজায় কড়া নাড়ার শব্দ হতেই গাইল্‌স্‌ এবং অন্য সবাই চমকে উঠল। জি আর রাঁধুনী ভয়ে আঁতকে উঠল।

গাইল্‌স্‌ বলল, 'দরজাটা খুলে দাও কেউ!'

কিন্তু ভয়ে কেউ নড়লো না। গাইল্‌স্‌ সবার ভয়ানক মুখের ওপর চোখ বুলিয়ে আবার বলল, 'এত ভোরে কড়া নাড়ছে কে? ভারী সন্দেহের কথা! যাক্, দরজাটা খুলে দাও কেউ।'

এই বলে গাইল্‌স্‌ ব্রিটল্‌স্‌য়ের দিকে তাকালো, কিন্তু ব্রিটল্‌স্‌ তার মুখ-চোখে এমন ভাব দেখালো যে, গাইল্‌স্‌ যেন কখনও তাকে এতবড়ো কাজের ভার দিতে পারে না। ঝালাইওলাকে দেখা গেল, সে যেন হঠাৎ ঘুমিয়ে পড়েছে। আর মেয়েরা তো ভয়ে জড়সড়।

কিছুক্ষণ চুপচাপ থেকে গাইল্‌স্‌ বলল, 'ব্রিটল্‌স্‌ যখন ভয় পাচ্ছে তখন আমি বলি কি, তার সঙ্গে আমরাও সকলে একসাথে যাই... কি বল হে তোমরা?'

হঠাৎ ঘুমিয়ে-পড়া ঝালাইওলা জেগে উঠে বলল, 'আমি এতে রাজি আছি।'

শেষপর্যন্ত সবাই একসাথে জড়াজড়ি করে এগিয়ে গিয়ে দরজা খুললো।

অলিভারকে দেখে গাইল্‌স্‌ সবিস্ময়ে বলে উঠল, 'আরে, এ যে সেই বিচ্ছু ডাকাতটা : একে চিনতে পারছো না, ব্রিটল্‌স্‌?'

'তাইতো! তাইতো!' বলে সকলে ভয়ে পিছিয়ে গেল, কিন্তু গাইল্‌স্‌ অলিভারকে চ্যাৎদালা করে বাড়ির ভেতরে এনে মেঝের ওপরে শুইয়ে দিয়ে চেঁচিয়ে উঠল : 'মা-ঠাকরুন! দিদিমণি! ডাকাত ধরেছি। কাল এটাকেই গুলি করেছিলাম।'

একজন তরুণী এসে সিঁড়ির মাথায় দাঁড়ালো এবং অলিভারকে না দেখেই ব্রিটল্‌স্‌কে পাঠিয়ে দিল ডাক্তার আর পুলিশ ডেকে নিয়ে আসার জন্যে।

সকালের জলখাবার খেতে বসলেন দু'জন মহিলা—একজন বৃদ্ধা, অপরজনের বয়স সতেরো বছরেরও কম। তরুণীটি ভারী সুন্দরী। তাদের পরিবেশন করতে লাগল গাইল্‌স্‌।

বৃদ্ধা জিজ্ঞাসা করলেন, 'ব্রিটল্‌স্‌ কতক্ষণ হল গেছে?'

গাইল্‌স্‌ ঘড়ি দেখে বলল, 'এক ঘণ্টা বারো মিনিট হল, মা।'

বৃদ্ধা বললেন, 'ভারী কুঁড়ে ও।'

গাইল্‌স্‌ বলল, 'ব্রিটল্‌স্‌ ছেলেটা চিরকালই ওরকম।'

মৃদু হেসে তরুণীটি বলল, 'ছেলেটা রাস্তায় আবার অন্য ছেলেদের সঙ্গে খেলতে শুরু করে দেয়।'

তরুণীটির তামাশা বুঝতে পেরে গাইল্‌স্‌ও হেসে ফেলল। এমন সময়ে একজন মোটা ভদ্রলোক বড়ো বড়ো পা ফেলে সোজা ঘরের মধ্যে ঢুকে বলে উঠলেন, 'আঃ! মিসেস্‌ মেইলি! গুনলাম, কাল রাত্তিরে আপনার বাড়িতে নাকি ডাকাত পড়েছিল? আমাকে খবর দিলেন না কেন? কী সাংঘাতিক! রাত্তিরবেলা বাড়ি চরাও! আঃ মিস্‌ রোজ্‌!'

যিনি একথা বললেন, তিনি হলেন ডাক্তার লস্‌বার্ন।

তরুণী মিস্‌ রোজ্‌ তখনি ডাক্তারকে অলিভারের কাছে পাঠিয়ে দিল। রোগী দেখতে অনেকক্ষণ সময় লাগল ডাক্তারের। তারপর তিনি নিচে নেমে এসে মিসেস্‌ মেইলি ও মিস্‌ রোজ্‌কে নিয়ে গেলেন ওপরে অলিভারকে দেখাবার জন্যে।

মৃদু-পায়ে তাঁরা ঢুকলেন অলিভারের ঘরে। রোজ্ অলিভারের কাছে গিয়ে তার চুলগুলো গুছিয়ে দিতেই সে ছলছল চোখে তাকিয়ে রইল।

মিসেস্ মেইলি বললেন, 'বেচারি এমন ছেলে কখনোই ডাকাত দলের লোক হতে পারে না।'

ডাক্তার বললেন, 'যে যতই বেচারি হোক, বাইরের চেহারা দেখে বলা যায় না, কার মনে কি আছে!'

রোজ্ বলল, 'তা বলে এত কম বয়সে?'

ডাক্তার বললেন, 'কম বয়সেই তো ছেলেমেয়েরা সবচেয়ে সহজে পাপের খপ্পরে পড়ে।'

রোজ্ বলল, 'হয়তো মায়ের ভালবাসা বা বাড়ির সুন্দর পরিবেশ এর কপালে কোনোদিন জোটেনি। হয়তো অনাদর, অত্যাচার আর পেটের জ্বালাতেই ও খারাপ লোকদের সঙ্গে মিশেছে। যাই হোক, ওকে জেলে পাঠিয়ে না পিসীমা! দয়া করো ওকে!'

কিশোর অলিভারকে দেখেই রোজের মতো মিসেস্ মেইলির অন্তরও গলে গিয়েছিল। তাই রোজ্ অনুরোধ করার সঙ্গে-সঙ্গেই অলিভারকে জেলের দায় থেকে কি উপায়ে বাঁচানো যায়, সে বিষয়ে ডাক্তার লস্‌বার্নের কাছে পরামর্শ চাইলেন।

বেশ খানিকক্ষণ ভেবে-চিন্তে ডাক্তার লস্‌বার্ন জানালেন যে, তিনি ছেলেটাকে বাঁচাতে পারবেন, তবে গাইল্‌স্কে আর ব্রিটল্‌স্কে ধমকাবার অধিকার দিতে হবে তাঁকে। অবশ্য, সেই অযথা ধমকানির মূল্য হিসেবে মিসেস্ মেইলি তাদের ন্যায় কিছু বকশিস দেবেন। ডাক্তার আরও জানালেন যে, তিনি আগে থেকে কিছুই কাজ এগিয়ে রেখেছেন—অলিভারের অবস্থা সংকটজনক বলে কনস্টেবলকে ঠেকিয়ে রেখেছেন—অলিভারের সঙ্গে তাকে দেখা করতে দেননি।

মিসেস্ মেইলি ও রোজ্ ডাক্তারের শর্ত মেনে নিলেন।

গাইল্‌স্ নিচে রান্নাঘরে মজলিস জাঁকিয়ে বসেছিল। ব্রিটল্‌স্, ঝালাইওলা, রাঁধুণী আর ঝিয়ার কাছে তার অসীম সাহসের কাহিনী বলছিল সে। কনস্টেবলও ছিল সেখানে। এমন সময়ে ডাক্তার লস্‌বার্ন গিয়ে সেখানে হাজির হলেন।

দু'-একটা মামুলী কথা পরে ডাক্তার বললেন, 'আমার ভয় হচ্ছে, গাইল্‌স্ তুমি ভুল করছো। আচ্ছা, তুমি শাস্ত্র মানো তো?'

'মানি বৈকি!' গাইল্‌স্ বলল।

'আর তুমি ব্রিটল্‌স্?'

'নিশ্চয়ই। মিষ্টার গাইল্‌স্ যা মানেন, আমিও তা মানি', জানালো ব্রিটল্‌স্।

ডাক্তার তখন বেশ ঝাঁজের সুরেই বললেন, 'ভালো! আচ্ছা, তোমরা কি হলফ করে বলতে পারো যে, ওপরের ঘরে যে-ছেলেটা আছে, সে-ই কাল রাতে এ বাড়িতে ঢুকেছিল? মনে রেখো তোমাদের অনুমান যদি ভুল হয়, তাহলে ঈশ্বর যমদূত পাঠিয়ে তোমাদের শাস্তাস্তা করবেন। কনস্টেবল, এদের জবাবটা শুনে রাখো!'

গাইল্‌স্ আর ব্রিটল্‌স্ দু'জনে দু'জনের মুখ চাওয়া-চাওয়ি করতে লাগল। এমন সময়ে সদর দরজায় কড়া নড়ে উঠল...দারোগাবাবু এসেছেন।

দারোগা ব্র্যাদার্স আর তাঁর সহকারী ডাফের কাছে বেশ ধীরে-সুস্থে ডাক্তার লস্‌বার্ন গভরাভের সব কাহিনী বললেন।

দারোগা বললেন, 'এ নিশ্চয়ই লাঙলের কাজ নয়, কি বলো, ডাফ?'

‘নিশ্চয়ই না।’ সহকারী ডাফ দারোগার মত মেনে নিলেন।

ডাক্তার বললেন, ‘লাঙল’ বলতে আপনারা যদি গোঁয়ো-লোক বোঝাতে চান তো, বলবো, ঠিকই অনুমান করেছেন আপনারা—এটা গোঁয়ো-লোকের কাজ নয় মোটেই।’

তারপর ব্ল্যাদাস্ জিজ্ঞাসা করলেন, ‘আচ্ছা, যে-ছোঁড়াটাকে চাকরেরা ধরেছে বলছিল—’

লস্‌বার্ন বললেন, ‘বাজে কথা। ভয় পেয়ে তারা যা-তা বলেছে। সে-ছেলেটার সঙ্গে কোনো সম্পর্ক নেই এ-ডাকাতির।’

লস্‌বার্নের কথা মেনে নিলেও দারোগা কিন্তু অলিভারকে জেরা করে তার পরিচয় জানার জন্যে ব্যস্ত হয়ে পড়লেন। তিনি বললেন, ‘ছোঁড়াটা কে? এলো কোথেকে? সে তো আর আকাশ থেকে খসে পড়েনি!’

ডাক্তার লস্‌বার্ন দারোগাকে বললেন : ‘ছেলেটা এমন মারাত্মকভাবে অসুস্থ যে, ডাক্তার হিসেবে আমি এখন কিছুতেই তাকে উত্ত্যক্ত করার অনুমতি দিতে পারি না। তার সঙ্গে দেখা করতে হলে আপনাকে দু’চারদিন অপেক্ষা করতে হবে।’

একথা শুনে দারোগা ঠিক করলেন যে, আগে তিনি বাড়ির চাকর-বাকরদের জেরা করবেন এবং ডাকাতরা কোন্ পথে এসেছিল তা পরীক্ষা করে দেখবেন।

ডাক্তার লস্‌বার্নের কাছে ধমক খেয়ে গাইল্‌স্ ও ব্রিটল্‌স্ এমন ঘাবড়ে গিয়েছিল যে, তারা দারোগার জেরার উত্তরে উলটো-পালটা এজাহার দিল। ফলে, অলিভারের ওপর পুলিশ-কর্মচারীদের সন্দেহ একেবারে পাতলা হয়ে গেল।

চাকর-বাকরদের জেরা শেষ হয়ে গেলে, দারোগা ব্ল্যাদাস্ আর তাঁর সহকারীকে পেট ভরে মদ খাইয়ে দিলেন ডাক্তার। তাঁদের মন থেকে অলিভারের ওপর সন্দেহ তখন মুছে গেছে। তাঁরা তখন এ-ডাকাতি কোন্ দলের কাজ তাই নিয়ে নিজেদের মধ্যে আলোচনা করতে লাগলেন।

দারোগা বললেন, ‘এটা সেই শাঁখারী-ব্যাটার কাজ।’

সহকারী ডাফ বললেন, ‘না, এ-কাজ সেই ঘরামী-ব্যাটার।’

চলে যাবার আগে পুলিশ-কর্মচারীরা অলিভারকে দেখলেন বটে, কিন্তু ডাক্তারের কথামতো তাকে কোনো জেরা করলেন না। তাঁরা শুধু এই শর্ত করলেন যে, একান্ত এড়ানো না গেলে অলিভারকে আদালতে একবার হাজির হতে হবে এবং সে যাতে হাজির হয়, তার জন্যে মিসেস্ মেইলি ও ডাক্তার লস্‌বার্ন জামিন থাকবেন। ডাক্তার আর মিসেস্ মেইলি এ-শর্ত মেনে নিলেন। তারপর পুলিশ-কর্মচারী দু’জনে চলে যাওয়ার সময়ে তাঁদের হাতে একটা করে গিনি গুঁজে দিলেন ডাক্তার লস্‌বার্ন।

* * * *

অলিভারের অসুখটা সহজ ছিল না, তাই সারতেও বেশ সময় লাগল। কয়েক সপ্তাহ পরে সে একটু সুস্থ হবার পর ঘাঁরা তাকে আশ্রয় দিয়েছেন তাঁদের দয়ার জন্যে ধন্যবাদ জানিয়ে নিজের দুখময় জীবনের করুণ কাহিনী তাঁদের কাছে জানালো। তারপর দুটো ছোটো হাত জোড় করে সে তাঁদের কাছে কাতর আবেদন জানালো, যেন তাঁরা আর তাকে ফেলে না দেন। সে বারবার বলতে লাগল যে তাঁরা তাঁকে যে কাজ করতে দেবেন, হাসি-মুখে সেই কাজ করতে সে রাজি আছে।

অলিভারের কাহিনী শুনে রোজের চোখ দুটো ছলছল করে উঠল। আর তার মন সহানুভূতিতে ভরে গেল। অলিভারকে আশ্বাস দিয়ে সে বলল, ‘আমাদের খুশি করার জন্যে তোমার ব্যস্ত হবার দরকার নেই। যে-শোচনীয় অবস্থায় তোমার জীবন কেটেছে বলে

আমাদের জানিয়েছে, তা থেকে পিসীমা যে তোমাকে উদ্ধার করতে পেরেছেন, তাতেই আমি খুশি হয়েছি। যদি দেখতে পাই যে, তিনি অপাত্রে করুণা করেননি, তাহলে আমার যে কী আনন্দ হবে তা তুমি ধারণাও করতে পারো না।’

কথায়-কথায় অলিভার জানাল যে, মিস্টার ব্রাউন্লোর সঙ্গে দেখা করার জন্যে সে অত্যন্ত ব্যাকুল হয়ে পড়েছে। সেই বৃদ্ধ ভদ্রলোক হয়তো তাকে বেইমান জোড়োর ভাবছেন।

রোজ্ তাকে সান্ত্বনা দিয়ে বলল যে, আর-একটু ভালো হয়ে উঠলেই সে নিজে গিয়ে মিস্টার ব্রাউন্লোর সঙ্গে দেখা করতে পারবে।

কিছুদিনের মধ্যেই অলিভার বেশ সেরে উঠল। তখন একদিন মিসেস্ মেইলির ঘোড়ার গাড়িতে চেপে সে ডাক্তার লস্বার্নকে নিয়ে মিস্টার ব্রাউন্লোর সঙ্গে দেখা করার জন্যে বেরিয়ে পড়ল।

সেখানে পৌঁছে প্রথমেই সে বাড়ি ভুল করে বসল। তারপর বহুকষ্টে যদিই-বা খুঁজে পেলো মিঃ ব্রাউন্লোর বাড়ি, কিন্তু হায়! সে বাড়ির বারান্দায় সাইনবোর্ড ঝুলছে, ‘বাড়িটা ভাড়া দেওয়া হবে!’

তখন ডাক্তার লস্বার্নের পরামর্শে পাশের বাড়িতে খোঁজ নিয়ে জানা গেল যে, মিঃ ব্রাউন্লো তাঁর সব জিনিসপত্র বেচে দিয়ে ওয়েস্ট ইন্ডিজ চলে গেছেন। তাঁর পরিচারিকা এবং তাঁর নিত্যসঙ্গী এক বন্ধুও তাঁর সহযাত্রী হয়েছেন।

হতাশায় ভেঙে পড়ল অলিভার। রোগশয্যায় শুয়ে-শুয়ে সে কল্পনার জাল বুনেছিল। তাকে দেখতে পেলে মিঃ ব্রাউন্লো এবং মিসেস্ বেডুইনের কী আনন্দই-না হবে! শেষ পর্যন্ত সে বইওয়ার কাছে গিয়ে খবর নেয়ার কথা বলতেই, ডাক্তার লস্বার্ন বললেন : ‘এত আশা করে যখন বিফল হওয়া গেল, তখন আর চেষ্টা করে কোনো লাভ নেই। বইওয়ার খোঁজে গিয়ে দেখবে, হয়তো সে মারা গেছে, নয়তো সে নিজের ঘরে আশুত দিয়ে পালিয়ে গেছে। নাঃ, আর নয়! এবার সিধে বাড়ি ফিরে চলো।’

নিরুপায় অলিভার অগত্যা বাড়ি ফিরলো। তার তখন যা মনের অবস্থা, তা একমাত্র তার অন্তর্যামীই জানতেন।

একাদশ পরিচ্ছেদ

দিন-পনেরো পরে মিস্ রোজ্ ও অলিভারকে নিয়ে মিসেস্ মেইলি তাঁর পত্নী-ভবনে গিয়ে বাস করতে লাগলেন।

এখানে এসে অলিভারের মন খুশির আমেজে ভরে গেল। খোলা বাতাস, সবুজঘাসে-মোড়া ছোটো-ছোটো পাহাড়—চারদিকের এই সবুজের সমারোহ তার চোখে মায়া-কাজল টেনে দিল। নিকটেই এক মনোরম ছোটো গির্জা, তার প্রাঙ্গণে এখানে-ওখানে কতকগুলো সমাধি। অলিভার প্রায়ই সেসব সমাধিক্ষেত্রের ধারে-ধারে ঘুরে বেড়াতো এবং তার মায়ের কথা মনে করে চোখের জল ফেলতো।

এখানে পরম শান্তিতে কাটতে লাগল অলিভারের দিনগুলো। রোজ সকালে গির্জার কাছে এক প্রবীণ জ্ঞানী লোকের কাছে সে পড়তে যেতো। বিকেলে মিসেস্ মেইলি ও মিস্ রোজের সঙ্গে সে বেড়াতো। গুঁরা নানা বই নিয়ে আলোচনা করতেন, আর একমনে সে শুনত। কোনো-কোনো দিন গাছের ছায়ায় বসে আঁধার ঘনিয়ে না-আসা পর্যন্ত সে মিস্ রোজের বই-পড়া শুনল। এর মাঝে কখনো যদি তাঁরা অলিভারকে ফুল তুলে আনতে

বলতেন, সে খুশি হয়ে ছুটে গিয়ে হুকুম তামিল করতো। সন্ধ্যার পর তাঁরা বাড়ি ফিরতেন। পিয়ানো বাজিয়ে চমৎকার মিষ্টি গলায় মিস্ রোজ্ গান গাইত—অলিভার মুগ্ধ হয়ে সে-গান শুনতো।

সবচেয়ে ভালো লাগতো তার রবিবারের দিনটা। সারা গাঁয়ের লোক এসে সকালবেলায় জড়ো হতো গির্জার প্রার্থনা-সভায়। তারা দরিদ্র হলেও তাদের অনাবিল-হৃদয়ের সমস্ত আবেগ দিয়ে সকলের সঙ্গে প্রার্থনা-সংগীত গাইত।

অলিভারের কিন্তু কাজের অন্ত ছিল না। ঘর সাজাবার জন্যে ফুল-কুড়োনা, মিসেস্ মেইলির পাখিদের জন্যে খাঁচা তৈরি করা, গাঁয়ের ছেলেদের সঙ্গে মিশে ক্রিকেট খেলা, আর পাড়ার জানা-লোকেদের টুকটাকি ফাই-ফরমাশ খাটা ইত্যাদি কাজ সে বেশ আনন্দের সঙ্গেই করতো।

এভাবে তিন মাস কেটে গেল। ধীরে ধীরে অলিভার মিসেস্ মেইলির পরিবারেরই একজন হয়ে উঠল। তার ব্যবহারে বাড়ির লোকেরা ভুলে গেল যে, সে কয়েকমাস আগেও ছিল তাদের একেবারে অচেনা—তাদের কেউ নয়।

বসন্ত এলো আর গেল। তারপরে এলো গ্রীষ্ম। গ্রামখানা আরও সুন্দর, আরও মধুর হয়ে উঠল।

সেদিন দিনের বেলা হঠাৎ খুব গরম পড়েছিল। রাতে বেশ সুন্দর হয়ে দেখা দিল চাঁদ এবং মৃদু-মন্দ বাতাস বইলো। অলিভার, মিসেস্ মেইলি ও রোজ্ বেড়িয়ে বাড়ি ফিরলেন। রোজ্ পিয়ানোর সামনে বসে আচ্ছন্নের মতো যন্ত্রটার চাবি টিপতে-টিপতে হঠাৎ বাজনা ধামিয়ে কেঁদে উঠল।

বিশ্বয়ে রোজের মুখের দিকে তাকিয়ে মিসেস্ মেইলি বুঝতে পারলেন যে, রোজ্ অসুস্থ হয়ে পড়েছে। রোজ্ও তাই বলল। মিসেস্ মেইলি তখন গান গাইতে বারণ করে, রোজ্কে শুতে পাঠিয়ে দিলেন।

রোজের অসুস্থতায় শুধু মিসেস্ মেইলি উৎকর্ষিত হলেন না—অলিভারও দারুণ উদ্বিগ্ন হয়ে পড়ল।

কিছুক্ষণ পরে মিসেস্ মেইলি অলিভারকে একখানা চিঠি দিয়ে বললেন : ‘অলিভার, এখন মুখভার করে বসে থাকলে চলবে না আমাদের। এই চিঠিখানা খুব তাড়াতাড়ি পৌঁছে দিতে হবে ডাক্তার লস্বার্নের কাছে। এখান থেকে মাইল-চারেক দূরে গঞ্জে এখানা নিয়ে যেতে হবে। সেখানে সরাইখানায় লোক আছে। তাদের কাছে চিঠিটা দিলে তারা ঘোড়ায় চেপে চিঠিখানা তাড়াতাড়ি ডাক্তারের কাছে নিয়ে যাবে। আমি বিশ্বাস করি যে, তুমি এ-কাজ ঠিকমতো করতে পারবে।’

অলিভার কোনো জবাব দিল না—তখনি চিঠি নিয়ে বেরিয়ে পড়ার জন্যে তার চোখে-মুখে দারুণ অস্থিরতা ফুটে উঠল।

মিসেস্ মেইলির হাতে আরও একখানা চিঠি ছিল। সে-খামের ওপরে হ্যারি মেইলির নাম লেখা। মিসেস্ মেইলি জানালেন যে, কাল পর্যন্ত রোজের অবস্থা না দেখে তিনি এ-চিঠিখানা পাঠাবেন না।

চিঠি আর পথ-খরচের টাকা নিয়ে অলিভার বেরিয়ে পড়ল। তার সাধ্যমতো তাড়াতাড়ি চলতে লাগল সে। অনেক মাঠ-ঘাট পেরিয়ে ছুটতে ছুটতে এসে হাজির হল ‘জর্জ’ নামে এক সরাইখানায়। সেখানে অনেক কাকুতি-মিনতি করে তখনি একজন ডাকবাহী ঘোড়সওয়ারকে পাঠিয়ে দিল চিঠি নিয়ে ডাক্তার লস্বার্নের কাছে।

কাজটা ভালোভাবে শেষ হয়ে গেল দেখে আনন্দে সে সরাইখানা থেকে বেরোবার মুখে একজন ঢাঙা লোকের ঘাড়ের ওপর গিয়ে পড়ল। তাড়াতাড়ি নিজেকে সামলে নিয়ে অলিভার সঙ্গে-সঙ্গে তার কাছে ক্ষমা চাইলো।

লোকটা কিন্তু ঝাঁজিয়ে উঠে বলল, 'আরে-আরে, এটা আবার কে রে? আ-মলো যা!' এই বলে সে অলিভারকে ভালোভাবে নজর করেই চোঁচিয়ে উঠল : 'আরে—এ যে আমাদের সেই হারানিধি! ওরে বাক্বাঃ! কে ভেবেছিল যে, আবার ও কবর থেকে উঠে এসে আমার পথের কাঁটা হবে!' এই বলে ঘৃষি-পাকিয়ে অলিভারের দিকে তেড়ে আসার সঙ্গে-সঙ্গে সে নিজেই বেহঁশ হয়ে পড়ে গেল। তার শরীরটা সাপের মতো মোচড়াতে লাগল, আর তার মুখ থেকে ফেনা বেরুতে লাগল।

অলিভার তাড়াতাড়ি সরাইখানার লোকজনদের ডেকে আনলো ওই লোকটার সেবা করার জন্যে। তারপর অবাক হয়ে লোকটার অদ্ভুত আচরণের কথা ভাবতে-ভাবতে বাড়ির দিকে পা চালিয়ে দিল সে।

বাড়ি এসে জানল, মিস্ রোজের অবস্থা খুব খারাপ, অসুখটা হঠাৎ মারাত্মকভাবে বেড়ে গেছে।

ডাক্তার লস্বার্ন সেদিন গভীর রাতে এসে পৌঁছোলেন। রোগিনীকে পরীক্ষা করে তিনি জানালেন যে, জীবনের আশা খুবই কম; তাকে ওষুধ দিয়ে ঘুম পাড়ানো হয়েছে—এ ঘুম-ভাঙার সাথে সাথে হয় সে মারা যাবে, নয় তো সে ভালোর দিকে যাবে।

এ-কথা শুনে সারাটা রাত, রাসাটা দিন অলিভার ও মিসেস্ মেইলি দুরন্দুর বুকে চুপ করে বসে রইলেন আলাদা-আলাদা ঘরে। তাঁদের খাবার পর্যন্ত পড়ে রইলো।

সন্ধ্যা উতরে গেলে, ঘরের বাইরে পায়ের আওয়াজ শুনে তাঁরা দু'জনে দরজার কাছে ছুটে গেলেন। ঘরে ঢুকলেন ডাক্তার লস্বার্ন।

ব্যাকুল-কণ্ঠে মিসেস্ মেইলি জিজ্ঞাসা করলেন, 'কী খবর রোজের?—বলুন—বলুন।'

কড়া ধমক দিয়ে বলে উঠলেন ডাক্তার লস্বার্ন, 'খামুন! ঈশ্বরের অসীম করুণা—রোজ এখনও অনেক বছর বাঁচবে।'

ডাক্তারের কথায় ওঁরা আনন্দে অধীর হয়ে উঠলেন।

রাত ঘনিয়ে আসছিল। রোগিনীর ঘর সাজাবার জন্যে কতকগুলো ফুল যোগাড় করে বাড়ি ফিরছিল অলিভার। এমন সময় একখানা চলন্ত ঘোড়ার গাড়ি তার কাছে এসে হঠাৎ থেমে গেল। গাড়ির ভেতর থেকে কে যেন চোঁচিয়ে উঠল, 'এই অলিভার! খবর কি? মিস্ রোজ কি রকম আছেন?'

রোজের নাম শুনেই গাড়ির কাছে ছুটে গিয়ে অলিভার বলল, 'কে, গাইলস্ নাকি?'

গাইলস্ কী-যেন বলতে যাচ্ছিল, কিন্তু তাকে ঠেলে সরিয়ে দিয়ে এক যুবক সামনে এসে জিজ্ঞাসা করল, 'এক-কথায় বলো,—ভালো, না মন্দ?'

অলিভার তাড়াতাড়ি জবাব দিল, 'ভালো—অনেক ভালো।'

'জয় ঈশ্বর!' যুবক আনন্দে লাফিয়ে উঠল—'ঠিক বলছো তো খোকা? আমাকে ঠকানো না তো?'

অলিভার বলল, 'না স্যার, ঠিকই বলছি—ডাক্তার বলেছেন, অনেক দিন বাঁচবেন তিনি।'

যুবক তখন গাইলস্কে বলল, 'তুমি গাড়ি করে গিয়ে আগে মাকে খবর দাও, আমি হেঁটে যেতে-যেতে মনটা একটু ঠিক করে নিই।'

গাইল্‌স্ বলল, 'মাফ করবেন, মিস্টার হ্যারি! খবর দেওয়ার ভারটা কোচোয়ানের ওপরই দিন। আমি এ-বেশে ঝি-চাকরানীদের সামনে গেলে তারা আর আমাকে মানবে না।'

মৃদু হেসে হ্যারি বলল, 'বেশ! তবে আগে তোমার ওই টুপিটা বদলে ফেলো, নইলে লোকে পাগল ভাববে!'

গাইল্‌স্ চটপট তার টুপি বদলে নিলো। তারপর কোচোয়ানকে গাড়ি নিয়ে এগিয়ে যেতে বলে তারা তিনজনে ধীরে ধীরে হেঁটে চললো।

মিসেস্ মেইলির সঙ্গে দেখা হওয়া মাত্র হ্যারি বলে উঠল, 'আমাকে আগে কেন চিঠি দাওনি, মা?'

মিসেস্ মেইলি বললেন : 'দেবো ভেবেছিলাম, কিন্তু ডাক্তার লস্বার্নের অভিমত জানার আগে তোমাকে চিঠি দেওয়া উচিত বলে মনে করিনি।'

ডাক্তার লস্বার্নও ঘরে ছিলেন। তিনি হ্যারিকে রোগের পুরো বিবরণ দিলেন। তারপর গাইল্‌স্কে বললেন, 'কি হে গাইল্‌স্, এর মধ্যে আর-কাউকে গুলি-টুলি করেছে নাকি?'

ডাক্তার তামাশা করছেন বুঝতে পেরে লজ্জা পেলো গাইল্‌স্। সে আমতা-আমতা করে বলল, 'না, তেমন বিশেষ কাউকে নয়।'

'চোর-টোরও ধরেনি?'

'না স্যার।'

'বড়ই হতাশ হলাম শুনে। সেবার অমন ডাকাত ধরেছিলে কিনা,... যাক্‌ ব্রিটল্‌স্ কেমন আছে?'

'ভালোই আছে ছেলেটা,—আপনাকে সে ধন্যবাদ জানিয়েছে স্যার!'

'ভালো, ভালো। এদিকে শোনো। তোমার জন্যে একটা ভালো খবর আছে গাইল্‌স্,' এই বলে ডাক্তার লস্বার্ন তাকে ঘরের কোণে টেনে নিয়ে গিয়ে ফিসফিস করে কি যেন সব বললেন। শুনেই গাইল্‌স্ ছুটে গেল রান্নাঘরে,—অন্যান্য চাকর-বাকরকে ডেকে এনে নিজের পয়সার খাইয়ে দিল তাদের। এরপর নিজের বাহবা জাহির করে সে সকলকে জানালো যে, ডাকাতির রাতে সে যে সাহস দেখিয়েছিল, তার জন্যে মনিব ঠাকরন তাঁকে পঁচিশ পাউন্ড বকশিশ দিয়েছেন।

পরদিন থেকে রোজ সকালে অলিভার মিস্ রোজের ঘর সাজাবার জন্যে ফুল তুলতে যেতো। হ্যারি মেইলিও তার সঙ্গী হতো। মিস্ রোজ্ ধীরে-ধীরে সেরে উঠতে লাগল।

আজকাল অলিভারের হাতে তেমন কাজ না থাকায় সে গভীরভাবে পড়াশুনা মন দিল। তারপর এত তাড়াতাড়ি পড়াশুনায় সে এগিয়ে গেল যে, সে নিজেই অবাক হয়ে গেল।

একদিন সন্ধ্যাবেলা জানালায় ধারে বসে পড়তে-পড়তে অলিভার তন্দ্রায় ঝিমিয়ে পড়েছিল। তন্দ্রার ঘোরে তার মনে হল—সে যেন স্বপ্ন দেখছে, চারদিকে কেমন যেন গুমোট...সে যেন ফের ফ্যাগিনের আড্ডায় গিয়ে পড়েছে, তার সামনেই বসে আছে ফ্যাগিন্‌ আর অপর কে একজন লোক। লোকটা অন্যদিকে মুখ ঘুরিয়ে আছে, যেন কেউ তাকে না দেখতে পায়। অলিভারের মনে হল—সে যেন ফ্যাগিনের গলায় আওয়াজ শুনতে পাচ্ছে...ফ্যাগিন্‌ যেন বলছে : 'চুপ, সেই ছোঁড়াটাই বটে! চলে এসো।' অপর লোকটা বলছে : 'সে-ই বটে! আমি কি ওকে ভুল করতে পারি? একদল ভূত যদি ওর মত চেহারা করে ওর সঙ্গে মিশে বসে থাকে, তবুও আমি ওকে চিনে বের করতে পারবো! পঞ্চাশ ফুট মাটির তলায় ওকে কবর দিয়ে আমাকে যদি সে-কবরের পাশ দিয়ে হাঁটিয়ে নিয়ে যাও, তাহলেও আমি টের পাবো যে ওকে ওখানে কবর দেওয়া হয়েছে।'

কথাগুলোর মধ্যে এমনি একটা ভয়ংকর আক্রোশের ভাব ফুটে উঠেছিল যে, আতঙ্কে অলিভারের তন্দ্রা ভেঙে গেলে সে চমকে উঠে বসল। সে সত্যি সত্যি দেখল, দু'জন লোক যেন জানালার পাশ থেকে সরে যাচ্ছে! তার সমস্ত রক্ত বৃকের কাছে যেন জমা হতে লাগল,—বাক্ রোধ হয়ে গেল! ওই...ওই জানালার ওপাশে...হাত বাড়ালেই সে হয়তো তাদের ছুঁতে পারে! অলিভার স্পষ্ট দেখল, ফ্যাগিন্ দাঁড়িয়ে উঁকি মারছে, আর তার পাশে দাঁড়িয়ে সরাইখানায় বেহঁশ হয়ে-যাওয়া সেই লোকটা!

একটা নিমেষ মাত্র! তারপরই তারা হাওয়ায় মিলিয়ে গেল! অলিভার এক মুহূর্ত সেদিকে অপলকে তাকিয়ে রইল, তারপর জানালা ডিঙিয়ে বাগানের মধ্যে লাফিয়ে পড়ে চেষ্টা করে উঠল।

অলিভারের চেষ্টামেচি শুনে বাড়িসুদ্ধ লোক ছুটে এলো। একগাছা মোটা লাঠি হাতে তুলে নিয়ে হ্যারি মেইলি ছুটে এসে জিজ্ঞাসা করল, 'কোন দিকে গেছে ওরা?'

আঙুল বাড়িয়ে অলিভার বলল, 'ওই দিকে।'

'তাহলে খানার মধ্যে গিয়ে লুকিয়েছে। যত তাড়াতাড়ি পারো, আমার পেছনে ছুটে এসো!' বলে হ্যারি এক লাফে ঝোপ ডিঙিয়ে তীরের মতো ছুটে চলল। গাইল্‌স্ এবং ডাক্সার লসবার্নও ছুটলেন।

কিন্তু সমস্তই বিফল হল। কাউকেই আশে-পাশে কোথাও দেখা গেল না।

হ্যারি বলল, 'তুমি নিশ্চয়ই স্বপ্ন দেখেছো, অলিভার!'

অলিভার জোর গলায় বলল, 'না-না স্বপ্ন নয়—আমি স্পষ্টই দেখেছি—দু'জনকেই দেখেছি।'

'দু'জন কে কে?' হ্যারি ও লস্‌বার্ন একসঙ্গে প্রশ্ন করলেন।

'ফ্যাগিন্ আর যে-লোকটা সরাইখানায় আমাকে মারতে এসে নিজে বেহঁশ হয়ে গিয়েছিল!'

এ-কথা শুনে আবার চারদিক খুঁজে দেখা হল এবং তার পরদিন অলিভারকে নিয়ে গঞ্জে গিয়েও হ্যারি খোঁজ নিলো, কিন্তু সে লোক দুটোর কোনো পাত্তাই পাওয়া গেল না!

এদিকে মিস্ রোজ্ তাড়াতাড়ি সরে উঠল। সমস্ত পরিবারে আবার আনন্দের জোয়ার বইলো, কিন্তু অলিভারের নজর এড়ালো না যে, মাঝে-মাঝে রোজ্ যেন কেমন গম্ভীর হয়ে যায়। লুকিয়ে সে দেখেছে, রোজ্ প্রায়ই নিজের চোখের জল মোছে।

কয়েকদিন পরে সকালবেলায় হ্যারি জানালো যে, সে রোজ্‌কে বিয়ে করতে চায়। কিন্তু রোজ্ এ প্রস্তাবে রাজি হল না। সে বলল : 'আমি সহায় সম্পদহীনা; তাছাড়া, আমার জীবনের ইতিহাস কলঙ্কে ভরা। আমি তোমাকে বিয়ে করে তোমার উন্নতির পথে কাঁটা হতে পারি না। সত্য বটে, ওসব অপবাদ সত্ত্বেও আমি নির্দোষ, তবু আমি কাউকে সে-অপবাদের ভাগীদার করতে চাই না। যদি তোমার অবস্থা অন্যরকম হতো—যদি তোমার স্থান আমার চেয়ে এত উঁচুতে না হতো, তাহলে হয়তো তোমার প্রস্তাব মেনে নিতাম; কিন্তু এখন তোমাকে বিয়ে করলে লোকে ভাববে, তোমার সম্পদ আর খ্যাতির লোভে আমি তোমাকে বিয়ে করেছি।'

হ্যারি এর ওপর আর কোনো কথা বলতে পারল না। শেষ পর্যন্ত সে রোজের কাছ থেকে শুধু এই প্রতিশ্রুতি আদায় করল যে, এক বছরের মধ্যে সে আবার বিয়ের প্রস্তাব পেশ করবে এবং রোজ্ এর মধ্যে যেন এ বিষয়ে ভালো করে আবার ভেবে দেখে।

দ্বাদশ পরিচ্ছেদ

অনাথ-আশ্রমের বৈঠকখানার অগ্নিকুণ্ডের দিকে তাকিয়ে বসে ছিলেন মিস্টার বাম্বল্। তাঁর চোখ দুটো উদাস ছলছল, মুখে বিষাদের কালো ছায়া। তিনি তাঁর পুরোনো জীবনের কথা ভাবছিলেন।

তাঁর পোশাকের অনেক পরিবর্তন ঘটেছে। অনাথ-আশ্রমের তত্ত্বাবধায়কের চকচকে মেরজাই আর তাঁর গায়ে নেই। তিনি আজকাল আর তত্ত্বাবধায়ক নন—মিসেস্ কর্নিকে বিয়ে করে আশ্রমের কর্তা হয়েছেন। অন্য লোক এখন তত্ত্বাবধায়কের কাজ করছেন।

একটা দীর্ঘনিশ্বাস ফেলে মিঃ বাম্বল্ বললেন, ‘কাল দুমাস পুরো হবে। মনে হচ্ছে, একটা যুগ কেটে গেছে যেন! উঃ, নিজেকে বিকিয়ে দিয়েছি আমি মাত্র ছ-খানা চামচ, একজোড়া রূপোর বাটি, একটা দুধের গামলা, কিছু পুরোনো আসবাব আর কুড়িটা পাউন্ডের জন্যে। বড়ো সন্তায় বিকিয়ে গেছি...ধুলার মতো সন্তা!’

‘সন্তা!’ পেছন থেকে একটা চড়া গলা ভেসে এল, ‘যে-দামেই তোমাকে কেনা হয়ে থাক না কেন, সেটা-ই বেশি দেয়া হয়েছে!’

ফিরে তাকিয়ে মিঃ বাম্বল্ দেখলেন, তাঁর নতুন বিয়ে করা বউ দাঁড়িয়ে। মিঃ বাম্বল্ তাঁর বরাবরের অভ্যাসমতো রক্ষ মেজাজে বললেন, ‘কী ব্যাপার?’

মিঃ বাম্বলের ঘেরকম চাহনি দেখে অনাথ-আশ্রমের বাসিন্দারা ভয়ে কুঁকড়ে যেত ঠিক সেই ধরনের হিংস্র চাহনি নিয়ে কটমটিয়ে তাকালেন তিনি নিজের স্ত্রীর দিকে। কিন্তু মিসেস্ বাম্বল্ ওরফে কর্নি তাতে একটুও ভয় পেলেন না, বরং তুড়ি মেরে হেসে উঠলেন।

মিস্টার বাম্বল্ মুখ গোড়মা করে বসে রইলেন।

মিসেস্ বাম্বল্ জিজ্ঞাসা করলেন, ‘আজ কি সারা দিনটাই ওখানে বসে নাক ডাকাবে নাকি?’

মিস্টার বাম্বল্ জবাব দিলেন, ‘আমার যা খুশি তাই করব! নাক ডাকাব... হাঁ করে থাকব... হাঁচব কাঁদব... আমার যা ইচ্ছে, আমি তাই করব... সে অধিকার নিশ্চয়ই আমার আছে।’

আর এক পরদা গলা চড়িয়ে রক্ষ মেজাজে মিসেস্ বাম্বল্ বললেন, ‘তোমার অধিকার?’

‘হ্যাঁ, অধিকার! সবকিছু করার একচেটিয়া অধিকার পুরুষদের আছে। মেয়েদের অধিকার শুধু পুরুষদের হুকুম তামিল করা।’

রাগে মিসেস্ বাম্বল্ গর্জে উঠলেন, ‘তোমার মতো জানোয়ার ছাড়া এ-ধরনের কথা কেউ বলে না! তুমি তো মানুষ নও, একটা আস্ত গাধা!’ তারপর মিসেস্ বাম্বল্ অসহায় রাগে কেঁদে ফেললেন।

মিস্টার বাম্বল্ তাতে কিন্তু একটুও ঘাবড়ে গেলেন না। ব্যঙ্গের সুরে তিনি বললেন, ‘হ্যাঁ, খুব করে কাঁদো। চোখের জলে ধুলে মুখের ময়লা কেটে যায় চোখের ব্যায়াম হয়...মেজাজ ঠাণ্ডা হয়...বুঝলে? আচ্ছা করে কেঁদে নাও।’ একথা বলে বেশ চালের সঙ্গে দাঁড়িয়ে উঠে তিনি ট্রাউজারের দুপকেটে হাত ঢুকিয়ে ঘরের বাইরে পা বাড়ালেন।

মিঃ বাম্বল্ মাত্র ঘরের দরজা অবধি গেছেন, এমন সময় তাঁর মাথা থেকে বোঁ করে টুপিটা উড়ে গেল! তাঁর স্ত্রী তাঁকে জাপটে ধরে বেশ গোটাকয়েক কিল বসিয়ে দিলেন। তারপর স্বামীকে ঘরের মধ্যে টেনে এনে চেয়ারে জোর করে বসিয়ে ক্ষেপা কুকুরের মতো হাতের নখ দিয়ে চোখ-মুখ আঁচড়াতে লাগলেন। শেষে মুঠো করে মাথার চুল টেনে ধরে

বললেন, 'ওঠো শিগ্গিরি। এখনি বেরিয়ে যাও এখান থেকে। নইলে তোমার কপালে এর চেয়েও ঢের বেশি দুর্ভোগ আছে।'

মিঃ বাবুল ভয়ে-ভয়ে তাঁর টুপিটা মেঝে থেকে কুড়িয়ে নিয়ে সরে পড়লেন।

বেরুবার সময় মিঃ বাবুলের নজরে পড়ল, বাইরে একটা ঘরের ভেতর কতগুলো অনাথা মেয়ে গোলমাল করছে। কর্তৃত্বের অভিমানে ঘরে ঢুকে ধমক দিয়ে উঠলেন, 'কি হচ্ছে? এত হুন্না করছিস কেন?'

এমন সময় মিসেস বাবুল সেখানে ছুটে এসে স্বামীকে দেখেই গর্জে উঠলেন, 'এখনো দূর হওনি এখান থেকে?'

ভিজে বেড়ালের মতো মিঃ বাবুল বললেন, 'এরা যে গোলমাল করছিল!'

'গোলমাল করছিল তো তোমার কী?' ভেংচে উঠলেন মিসেস বাবুল, 'এরা চৈচাক, হৈ-হুটগোল করুক, তাতে তোমার কী? খবরদার! এদের ব্যাপারে কখনো নাক গলাতে এসো না। যাও, এখান থেকে দূর হও শিগ্গিরি!'

মুখ কাঁচুমাচু করে মিঃ বাবুল বেরিয়ে গেলেন অনাথ-আশ্রম থেকে।

সদর দরজা দিয়ে বেরুবার সময়ে, রাগ দেখাবার জন্যে দ্বাররক্ষী অনাথ-বালকটার কানে একটা ঘুমি বসিয়ে দিলেন। তারপর পথে-পথে কিছুক্ষণ ঘুরে বেড়িয়ে মনের জ্বালার কিছুটা উপশম করলেন। এমন সময়ে ঝমঝম করে নামলো বৃষ্টি। তখন একটা মদের দোকানে ঢুকে এক গেলাস মদ দেবার হুকুম দিয়ে বসলেন তিনি।

দোকানে তখন আর একজন মাত্র লোক ছিল। লোকটা লম্বা গায়ের রং ময়লা, মস্ত একটা কোট তার পরনে। মিঃ বাবুলের সঙ্গে তার চোরা-চাহনির বিনিময় হল কয়েকবার, কিন্তু দুজনেই চুপচাপ।

কিছুক্ষণ পরে লোকটা বলল, 'মনে হচ্ছে যেন আগে কোথাও দেখেছি আপনাকে, তখন কিন্তু আপনার বেশভূষা ছিল অন্যরকম।'

মিঃ বাবুল বললেন, 'হ্যাঁ। আমি তখন অনাথ-আশ্রমের তত্ত্বাবধায়ক ছিলাম। এখন আমি আশ্রমের কর্তা।'

লোকটা বলল, 'তা, উঁচু পদে উঠলেও আপনার টাকার ঝাঁকতি কমেনি নিশ্চয়ই?'

মিঃ বাবুল বললেন, 'তা, অনাথ-আশ্রমের কর্মীদের মাইনে তো এমন কিছু বেশি নয়। ভদ্রভাবে উপরি-আয় কিছু হলে তারা কি তা ছাড়তে পারে?'

লোকটা তখন দোকানদারকে ডেকে আরও দু-গেলাস মদ দেবার হুকুম দিয়ে মিঃ বাবুলকে বলল, 'শুনুন তবে। আপনার খোঁজেই আমি আজ এসেছি এ-শহরে! তা, ভাগ্যক্রমে সহজেই দেখা হয়ে গেল আপনার সঙ্গে। আপনার কাছে কিছু খবর জানতে চাই, অবশ্য বিনি পয়সায় নয়। এর প্রমাণ হিসেবে এই নিন সামান্য কিছু আগাম—রাখুন এটা।' এই বলে সে দুটো গিনি শুঁজে দিল মিঃ বাবুলের হাতে।

মিঃ বাবুল গিনি দুটো ভালো করে দেখে নিয়ে পকেটে পুরলেন। লোকটা বলতে লাগল, 'এবারে কাজের কথায় আসা যাক আপনারা একটু কষ্ট করে ভাবতে হবে বছর-বারো আগের কথা। শীতকাল স্থান অনাথশালা... সময় রাত। একটা ছেলে জন্ম দিয়ে মারা গেল এক অনাথা তরুণী!'

বাধা দিয়ে মিঃ বাবুল বললেন, 'একটা কেন, এরকম ঘটনা তো আগে অনেক ঘটতে দেখেছি।'

লোকটা চোঁচিয়ে উঠল, 'গোল্লায় যাক আপনার অনেক ঘটনা। আমি একটা ঘটনার

কথাই বলছি। যে-ছোঁড়াটা কিছুদিন কুফিনওয়ালায় কাছে কাজ করেছিল, আমি সেই ছোঁড়াটার কথাই বলছি। ছোঁড়াটা যে কেন নিজের কফিনও ওই সাথে তৈরি করে তার মধ্যে চিরদিনের মতো শুয়ে পড়ল না, সেকথাই বার বার ভাবি।’

‘ও, আপনি কি তাহলে অলিভারের কথা বলছেন? অলিভার টুইষ্ট? সেই লক্ষ্মীছাড়া ছোঁড়াটার কথা বোধহয় জানতে চান?’

‘না, অলিভারের বিষয়ে কোনো কথা শুনতে চাই না—অনেক শুনেছি তার বিষয়ে। আমি জানতে চাই সেই বৃড়ির কথা, যে অলিভারের মায়ের দাইয়ের কাজ করেছিল।’

‘সে-বৃড়ি গত-বছর শীতকালে মারা গেছে।’ মিঃ বাম্বল বললেন। এ-কথা শুনে লোকটা কি যেন খানিকক্ষণ ভাবতে লাগল, তারপর ‘যাক্-গে’ বলে উঠে পড়ল। মিঃ বাম্বলের মনে হল, তাঁর স্ত্রীর কাছে এমন-কিছু গোপন খবর থাকতে পারে, যা হয়তো এ লোকটাকে দিতে পারলে কিছু টাকা রোজগার করা যাবে। কেননা, স্যালিবুড়ি মারা যাবার আগে তাঁর স্ত্রীকে ডেকে গোপনে কি সব বলে গিয়েছিল। সেসব মনে করে তিনি লোকটাকে বললেন, ‘সেই বৃড়ি মরার কিছু আগে অপর-এক মেয়েছেলেকে গোপনে কীসব যেন বলেছিল—খুব সম্ভব তা থেকে আপনার কিছুটা কাজ হতে পারে।’

এ-কথায় লোকটার মুখে চিন্তার রেখা ফুটে উঠল। সে জিজ্ঞাসা করল, ‘কেমন করে আমি সেই মেয়েছেলের দেখা পেতে পারি।’

মিঃ বাম্বল বললেন, ‘সে ব্যবস্থা আমি করে দিতে পারি, মশাই। অবশ্য আপনি যদি আগামীকাল পর্যন্ত সময় দেন আমাকে!’

‘তাহলে কাল ঠিক রাত নটার সময় এই ঠিকানায় সেই মেয়েছেলেকে নিয়ে আসবেন গোপনে।’ এই বলে সে এক টুকরো কাগজে একটা ঠিকানা লিখে বাম্বলকে দিল। তারপর মদের দাম মিটিয়ে দিয়ে দোকান থেকে বেরিয়ে গেল লোকটা।

মিঃ বাম্বল কাগজের টুকরোটা পড়ে দেখলেন যে, তাতে কোনো নাম লেখা নেই। তিনি তাড়াতাড়ি লোকটার পিছু ধাওয়া করে কাছে এগিয়ে গিয়ে ডাকতেই লোকটা চোঁচিয়ে উঠল, ‘কী হল আবার? পিছু-ধাওয়া করলেন কেন?’

কাগজখানা দেখিয়ে মিঃ বাম্বল বললেন, ‘কার নাম ধরে ডাকব আমি?’

‘মঙ্কস্।’

* * * *

গরমের গুমেটভরা রাত। ঘন মেঘে-ঢাকা আকাশ। এর মাঝে একপশলা জোর বৃষ্টি হয়ে গেছে—ঝড়ের সঙ্কেতও মাঝে মাঝে স্পষ্ট হয়ে উঠছে। এমন সময় মিস্টার ও মিসেস বাম্বল এক বস্তুতে একটা পুরোনো ভাঙা বাড়ির সামনে এসে দাঁড়ালেন। বাড়িটার পাশ দিয়ে একটা নদী বয়ে যাচ্ছে।

‘কে ওখানে? দাঁড়াও এক মিনিট!’

দোতলা থেকে ঝুঁকে পড়ে একটা লোক বাম্বল-দম্পতিকে দেখে ওই কথা বলল।

একটু পরেই লোকটা নেমে এসে দরজা খুলে দিয়ে বলল, ‘ভেতরে এসো!’

মিসেস বাম্বল প্রথমে একটু ইতস্তত করে তারপর সাহসের সঙ্গে ঢুকে পড়লেন। লজ্জায় হোক বা ভয়ে হোক, মিস্টার বাম্বলও স্ত্রীর পেছন পেছন চললেন।

মঙ্কস বলল, ‘ভূতের মতো ওখানে দাঁড়িয়ে ছিলেন কেন তোমরা?’

‘আমরা?... আমরা এই একটু ঠাণ্ডা হচ্ছিলাম।’—ধরা গলায় জবাব দিলেন মিঃ বাম্বল।

‘ঠাণ্ডা হচ্ছিলে?’—ঝাঁজিয়ে উঠল মঙ্কস, ‘মানুষের মনে যে নরকের আগুন জ্বলছে, তা

ঠাণ্ডা করার মতো বৃষ্টি কোনোদিন পড়েনি, পড়বেও না! যাক, এই সেই মেয়েছেলে নাকি?’
‘হ্যাঁ।’—জবাব দিলেন মিঃ বাবুল।

তারপর তিনজনে মই বেয়ে দোতলার ঘরে উঠলেন। ঘরে ঢুকে সমস্ত জানালা বন্ধ করে দিয়ে লষ্ঠনের শিখাটা কমিয়ে দিল মঙ্কস্। তারপর একটা পুরোনো টেবিলের চারপাশে তিনখানা চেয়ারে বসল তারা।

কথায়-কথায় মঙ্কস্ জেনে ফেললো যে, আগন্তুক মেয়েছেলে মিষ্টার বাবুলেরই স্ত্রী। সে আর সময় নষ্ট না করে মিসেস্ বাবুলকে জিজ্ঞাসা করল, ‘সেই বুড়ির মরণের সময় তুমি নাকি তার কাছে ছিলে! সে তোমাকে কী বলেছিল?’

মিসেস্ বাবুল বললেন, ‘হ্যাঁ, তুমি ঐর কাছে যে-ছেলেটার নাম করেছো, তার মায়ের সম্বন্ধে সে আমাকে কিছু বলেছিল।’

মঙ্কস্ বলল, ‘তাহলে প্রথম প্রশ্ন হল, কী-বিষয়ে সে তোমাকে বলেছিল?’

মিসেস্ বাবুল বললেন, ‘ওটা হচ্ছে দ্বিতীয় প্রশ্ন। প্রথম প্রশ্ন হল, এ-খবরটা তোমাকে দিলে তার দক্ষিণা কতো পাবো?’

‘সে শুধু শয়তানই জানে!’—বলল মঙ্কস্।

মিসেস্ বাবুল বললেন, ‘তাহলে তো তোমারই তা জানা উচিত!’

মিসেস্ বাবুলের এই নির্ভীক জবাবে মঙ্কস্ অবাক হয়ে গেল।

মঙ্কস্ বুঝল যে, ভারী শক্ত মেয়েমানুষের পাল্লায় পড়েছে সে; বেশ কিছু লোভ না দেখালে আসল খবরটা বের করা যাবে না। তাই খবরটার বিনিময়ে সে কুড়ি পাউন্ড দিতে কবুল করল। মিসেস্ বাবুল অতো অল্প দামে খবরটা বেচতে রাজি হলেন না। শেষে দর কষাকষি করে দামটাকে পঁচিশ পাউন্ডে তুললেন! অগত্যা টাকাটা গুনে টেবিলের ওপর রেখে মঙ্কস্ বলল, ‘নাও, টাকাটা তুলে রাখো। এবার খবরটা বল।’

মিসেস্ বাবুল বলতে শুরু করলেন, ‘সেই বুড়ি দাই যখন মারা যায়, তখন ঘরে আমিই শুধু ছিলাম তার কাছে...আর কেউ না। মরার সময় সে একটা তরুণীর কথা বলেছিল, যে নাকি কয়েক-বছর আগে ঠিক ওই ঘরেই এবং ওই বিছানাতেই গুয়ে একটা সন্তান প্রসব করে মারা যায়। মরার সময়ে সেই তরুণী ওই বুড়িকে একটা জিনিস দিয়ে যায় এবং তার সন্তানের মুখ চেয়ে সেটাকে রক্ষা করতে বলে। বুড়ি অবশ্য পরে জিনিসটা বেচে দেয়।’

‘বেচে দিয়েছে?’—চৈঁচিয়ে উঠল মঙ্কস্, ‘কোথায়? কবে? কার কাছে?’

মিসেস্ বাবুল বললেন, ‘এটুকু আমাকে বলেই সেই বুড়ি মারা যায়।’

‘মিছে কথা!’—গর্জে উঠল মঙ্কস্, ‘আমার সঙ্গে চালাকি খাটবে না। নিশ্চয়ই সে আরও কিছু বলেছে। সব কথা আমাকে খুলে বল, নইলে জেনে রেখো, যেভাবে এখানে ঢুকেছো, সেভাবে এখান থেকে বেরুতে পারবে না!’

মঙ্কসের কথা শুনে মিঃ বাবুল ভয়ে কাঁঠ হয়ে গেলেন, কিন্তু মিসেস্ বাবুল কিছুমাত্র ভয় না পেয়ে বেশ ঠাণ্ডা মাথায় বললেন, ‘যা বললাম তার চেয়ে বেশি একটা কথাও সেই বুড়ি আর বলেনি। তবে সে হাত দিয়ে আমার পোশাক চেপে ধরেছিল। সে মারা গেলে, আমি জোর করে তার হাত ছাড়াবার সময়ে একখানা কাগজ পাই—সেখানা বন্ধকীর রসিদ। বুড়ি অনেক দিন ধরে রেখেছিল জিনিসটাকে, আসল মালিকের কাছে পৌঁছে দিয়ে একটা মোটা দাঁও মরার মতলবে। কিন্তু অনেক অপেক্ষা করার পরেও কেউ যখন এল না, আর বুড়িরও যখন অর্থের অভাব ঘটল, তখন সে জিনিসটা বাঁধা দেয় এবং বছরের পর বছর নিয়মিতভাবে সুদ দিতে থাকে। আমি রসিদখানা পেয়ে জিনিসটাকে ছাড়িয়ে এনে নিজের

কাছে রেখে দিয়েছি, কি জানি কখন কী কাজে লাগে।’

‘কোথায় সে-জিনিসটা!’—ব্যগ্র-কণ্ঠে জিজ্ঞাসা করল মক্ষ্‌স্‌।

‘এই যে!’—বলে মিসেস্‌ বাম্বল একটা ছোট ব্যাগ বের করে দিয়ে যেন নিশ্চিত হলেন। মক্ষ্‌স্‌ সেটা হেঁ মেরে নিয়ে খুলে ফেলে দেখল ব্যাগের মধ্যে একটা ছোট্ট সোনার লকেট...লকেটের মধ্যে দু’ গোছা চুল আর একটা সাধারণ বিয়ের আংটি আংটিতে ‘ম্যাগনেস্‌’ নাম-লেখা...কোনো পদবী নেই, আর আছে অলিভারের জন্মের কয়েক বছর আগেকার একটা তারিখ।

মিসেস্‌ বাম্বল্‌ মক্ষ্‌স্‌কে জিজ্ঞাসা করলেন, ‘এটা নিয়ে তুমি কি করবে? এ-দিয়ে আমার ক্ষতি করবে না তো?’

‘কখনোই না। এই দেখ না, কী করি। সাবধান! এক পাও এগিয়ো না, তাহলে তোমাদের জীবনের দাম একটা কাণা কড়িও থাকবে না’—এই বলে মক্ষ্‌স্‌ হঠাৎ টেবিলটা সরিয়ে ফেলে মেঝের একটা আঙুটা ধরে টান দিতেই মিঃ বাম্বলের পায়ের কাছ থেকে একটা চোরা-দরজা বেরিয়ে পড়ল।

মিস্টার বাম্বল্‌ আঁতকে উঠে কয়েক পা পেছিয়ে গেলেন।

তারপর মক্ষ্‌সের কথামতো তাঁরা সেই চোরা-দরজার নিচে তাকিয়ে দেখলেন, সেখান দিকে একটা নদী বয়ে যাচ্ছে। মক্ষ্‌স্‌ বলল, ‘আমি ইচ্ছে করলে তোমাদের ওই নদীতে ডুবিয়ে মারতে পারতাম।’

মিস্টার বাম্বল্‌ বললেন, ‘উঃ, কি স্রোত! ওখানে আজ কেউ পড়লে কাল সকালে তার লাশ বারো মাইল দূরে গিয়ে ভেসে উঠবে।’

মক্ষ্‌স্‌ তখন মিসেস্‌ বাম্বলের কাছ থেকে পাওয়া ব্যাগটার সাথে একটা লোহার ভারী জিনিস বেঁধে, সেটাকে নদীর মধ্যে ছুড়ে ফেলে চোরা-দরজাটা বন্ধ করে দিল। তারপর সে মিস্টার বাম্বল্‌কে বলল, ‘তোমার স্ত্রীকে আমার ভয় নেই, কিন্তু তুমি এরপর মুখ বুঁজে থেকো, বুঝলে? নাও, এখন তোমরা বিদায় হও!’

ত্রয়োদশ পরিচ্ছেদ

সাইক্স্‌ আগে যে বাসায় থাকত, এখন আর সেখানে থাকে না। এখন একটা নোংরা গলির ভেতর অপরিষ্কার একটা ঘরে আস্তানা নিয়েছে। সেখানে আসবাবপত্র তেমন নেই। ঘরের চেহারা দেখলেই বোঝা যায়, লোকটার আর্থিক অবস্থা রীতিমতো খারাপ হয়ে পড়েছে আজকাল।

তালি দেওয়া পোশাকে সাইক্স্‌ অসুস্থ হয়ে বিছানায় শুয়ে ছিল। মুখে একরশ দাড়ি—হুগুখানেক কামানো হয়নি। কুকুরটা বিছানার কাছে শুয়ে প্রভুর দিকে পিটপিট করে তাকাচ্ছিল, কখনও-বা চাপা গলায় গজরাচ্ছিল। জানালার ধারে বসে একমনে সাইক্সের একটা হেঁড়া জামায় তালি দিচ্ছিল ন্যান্সি। গত কয়েক সপ্তাহ ধরে দিন-রাত একনাগাড়ে সাইক্স্‌কে সেবা করার ফলে তাকে বেশ ক্লান্ত দেখাচ্ছিল। এখন আর তার আগের মতো চেহারার জৌলুস নেই—বেশ রোগা হয়ে গেছে সে।

হঠাৎ সাইক্স্‌ জিজ্ঞাসা করল, ‘কটা বাজে?’

ন্যান্সি জবাব দিল, ‘সাতটা বেজে গেছে। কেমন আছে আজ বিল?’

‘বিলকুল কাদার মতো বনে গেছি ন্যান্সি! হাতটা ধরো তো দেখি, এ হতচ্ছাড়া বিছানাটাকে ছেড়ে একবার উঠি!’

রোগে পড়েও সাইক্সের মেজাজ কিন্তু ঠাণ্ডা হয়নি। উঠতে-উঠতে সে এমন সব বিচ্ছিরি গালাগালি দিতে লাগল ন্যান্সিকে, যা শুনে বেচারী ন্যান্সি বেহুঁশ হয়ে পড়ল।

এমন সময়ে ঘরে ঢুকে ফ্যাগিন্ বলল, ‘এ কী ব্যাপার ভায়া?’

সাইক্স রেগে উঠল, ‘ওখানে দাঁড়িয়ে অমন করে চোখ পাকিয়ে দেখছ কী? পারো তো ওকে একটু সাহায্য করো...দেখছ না, ন্যান্সি জ্ঞান হারিয়েছে!’

ফ্যাগিনের পেছনে পেছনে ধুরন্ধর ও চার্লি এসেছিল। ধুরন্ধরের বগলে ছিল একটা মোড়ক। সে সেটাকে মাটির ওপর ছুঁড়ে ফেলে দিয়ে চার্লির হাত থেকে একটা বোতল ছিনিয়ে নিল! তারপর বোতলের মদটা নিজে একটু চেখে দেখে ন্যান্সির মুখে ঢেলে দিতে দিতে বলল, ‘চার্লি, পাখা দিয়ে খুব জোরে জোরে বাতাস করো। ফ্যাগিন্, তুমি ওর হাতে আন্তে আন্তে থাবাডাতে থাকো! আর সাইক্স্, তুমি ততক্ষণ জামা-কাপড়গুলো একটু আলগা করে দাও।’

ধুরন্ধরের কথামতো সবাই চটপট সেবা শুরু করায় ন্যান্সি শিগগির চান্সা হয়ে উঠল। ফ্যাগিন্ বলল, ‘বিল, তোমার জন্যে কিছু কাপড়-চোপড় নিয়ে এসেছি।’

সাইক্স বলল, ‘বেশ করেছে, কিন্তু আজ রাতে যে কিছু চান্সি চাই!’

ফ্যাগিন্ বলল, ‘আমার কাছে এখন একটাও পয়সা নেই।’

‘তোমার বাড়িতে ঢের আছে।’

‘ঢের?’

‘হ্যাঁ, ঢের। কত আছে তা জানি নে, তুমিও বেশ ভালো করে না গুণে ঠিক তা বলতে পারবে না মোন্দা, আজ রাত্তিরে কিছু টাকা আমার চাই-ই।’

‘বেশ, আমি ধুরন্ধরকে দিয়ে এখনি পাঠিয়ে দিচ্ছি।’ বলে একটা দীর্ঘনিশ্বাস ফেলল ফ্যাগিন্।

সাইক্স বলল, ‘উঁহু! ধুরন্ধর হচ্ছে বহুৎ ধুরন্ধর! ও হয় এখানে আসতে ভুলে যাবে, নয়তো পথ হারিয়ে ফেলবে, নয়তো বা লাল পাগড়ীর ফাঁদে পড়বে। আসলে এখানে না আসার একটা কিছু সাফাই কৈফিয়ৎ ও বানিয়ে নিতে পারবে। সে হবে না—ন্যান্সি যাক তোমার গরুর গোয়ালে টাকা নিয়ে আসতে।’

অগত্যা ফ্যাগিন্ তার দলবল আর ন্যান্সিকে নিয়ে চলে যেতে বাধ্য হল।

তারপর ফ্যাগিনের ঘরে ওরা যখন পৌঁছোল, তখন সেখানে টোবি ক্র্যাকিট আর টম্ চিটলিং বসে তাদের জুয়া খেলছিল। ওরা পৌঁছোতেই সবাই ঘর ছেড়ে বেরিয়ে পড়ল—রইল কেবল ফ্যাগিন্ আর ন্যান্সি। ফ্যাগিন্ টাকার বাস্ত্র খুলতে যাবে, এমন সময়ে নিচে পায়ের শব্দ শুনে চমকে উঠল... কে একজন ঘরের দিকে আসছে! তার গলার স্বর শুনে ফ্যাগিন্ চিনতে পারে আগন্তুককে, আর ন্যান্সি চমকে ওঠে।

ফ্যাগিন্ তাড়াতাড়ি বলে ওঠে, ‘বাঃ! এ লোকটারই তো এখানে আসার কথা ছিল না! যাক, এসে গেছে ভালোই হল। ন্যান্সি! ওর সামনে টাকার কথা তুলো না। দশ মিনিটের মধ্যেই ও চলে যাবে।’

ঘরে ঢুকল মঙ্ক্স। ন্যান্সিকে দেখে থমকে দাঁড়িয়ে ফিরে যাবার তোড়জোড় করতেই ফ্যাগিন্ বলে উঠল, ‘আরে না-না, একে দেখে তোমার ঘাবড়াবার কিছু নেই হে! এ আমারই চেলাদের একজন।’

ন্যান্সি কিন্তু তখন মঙ্ক্সের দিকে একনজরে তাকিয়ে আছে।

ফ্যাগিন্ জিজ্ঞাসা করে, ‘কোনো খবর আছে কি?’

মক্স্ জবাব দেয়, 'খুব দামি খবর আছে হে!'

ফ্যাগিন্ জিজ্ঞাসা করে, 'ভালো কী খারাপ?'

মক্স্ বলে, 'অন্তত মন্দ নয়। তোমার সঙ্গে কিছু গোপন কথা আছে।' এই বলে মক্স্ ন্যান্সির দিকে তাকাল। ন্যান্সি কিন্তু ঘর ছেড়ে চলে যাবার কোনো আশ্রয় দেখাল না।

ন্যান্সিকে চলে যেতে বললে পাছে সে চেষ্টায়ে টাকা চেয়ে বসে, এই ভয়ে ফ্যাগিন্ মক্স্কে নিয়ে ওপর-তলায় গেল গোপন আলোচনার জন্যে। ওরা দু'জন ঘর ছেড়ে বেরিয়ে যাবার সঙ্গে সঙ্গেই ন্যান্সি নিজের জুতো খুলে ফেলল ও কালো গাউনটায় তার সারা দেহ মুড়ি দিয়ে নিল। তারপর খালি পায়ে চুপিচুপি পা টিপে-টিপে সিঁড়ি বেয়ে সে ওপরে উঠে গেল মক্স্ ও ফ্যাগিনের গোপন কথাবার্তা শোনার জন্যে।

মিনিট পনেরো পরে ন্যান্সি ফিরে এলো। ফ্যাগিন্ ফিরে এসে দেখে ন্যান্সি বিবর্ণ মুখে ঘরে বসে আছে। সে বলে ওঠে, 'ন্যান্সি! মুখটা তোর ভয়ে আমসী হয়ে গেছে কেন?'

ন্যান্সি বলে, 'আমি তার কী জানি! এই ঘুপসি ঘরে কতক্ষণ অপেক্ষা করবো! টাকা দাও, চলে যাই।' আর দেরি না করে ফ্যাগিন্ ন্যান্সির হাতে গুণে-গুণে টাকা দিল আর প্রতিটি টাকা দেয়ার সাথে-সাথে সে একটা করে দীর্ঘনিশ্বাস ফেলল।

উত্তেজিত অবস্থায় ন্যান্সি টাকা নিয়ে বাড়ি ফিরল। তার ভাগ্য ভালো যে, সাইক্স্ তার পরদিন সেই-টাকা নিয়ে মনের সুখে মদ খেতে লাগল—ন্যান্সির আচরণে কোনো পরিবর্তন নজর করার মতো মনের অবস্থা আর তার রইল না।

বেলা পড়ে আসার সঙ্গে-সঙ্গেই ন্যান্সির মানসিক উত্তেজনা খুব বেড়ে গেল। সে অপেক্ষা করতে লাগল, সাইক্স্ কখন মদ খেতে-খেতে ঘুমিয়ে পড়বে। ন্যান্সির মুখে এমন একটা বিবর্ণ ভাব আর তার চোখে এমন একটা জ্বালা ফুটে উঠল যে, সাইক্সেরও তা নজরে পড়ল, কিন্তু ন্যান্সিকে জিজ্ঞেস করে এর কোনো সদুত্তর পেল না সে।

তারপর সাইক্স্ নিঝুম হয়ে খানিকক্ষণ শুয়ে থাকার পর ন্যান্সিকে হাত-পা টিপে দেবার জন্যে হুকুম করল। এরপর এক নজরে ন্যান্সির মুখের দিকে তাকিয়ে থেকে সাইক্স্ যেন মনে মনে বলল, 'নাঃ, এমন বিশ্বাসী মেয়ে আর একটাও নেই, নইলে তিন মাস আগেই ওর গলা কেটে ফেলতাম!'

সাইক্স্ ঘুমোচ্ছে না দেখে ন্যান্সি এবার মদের সঙ্গে ঘুমের ওষুধ মিশিয়ে তাকে কয়েক পাত্র মদ খেতে দিতেই সাইক্স্ শিগ্গির ঘুমিয়ে পড়ল। ন্যান্সি তখন তাড়াতাড়ি উঠে গিয়ে পোশাক বদলে চুপিচুপি ঘরের দরজা ভেজিয়ে দিয়ে বাড়ি থেকে বেরিয়ে পড়ল।

রাত তখন সাড়ে নটা। রাস্তায় নেমে এত হন্ হন্ করে সে হাঁটতে লাগল যে, পথিকেরা পর্যন্ত অবাক হয়ে গেল। হাঁটতে-হাঁটতে ন্যান্সি দেখল রাস্তার দোকানপাট সব বন্ধ হয়ে যাচ্ছে। সে যতটা পারে তাড়াতাড়ি পা চালিয়ে এগোতে লাগল হাইড্ পার্কের দিকে। ঘড়িতে এগারোটা বাজার সঙ্গে সঙ্গে সে একটা হোটেলের সামনে এসে এদিক্ ওদিক্ চেয়ে কয়েকবার পায়চারী করে হোটেলের মধ্যে ঢুকে পড়ল। কিন্তু একটু ঢুকেই দারোয়ানের আসন খালি দেখে সে সিঁড়ির দিকে এগিয়ে গেল।

ঠিক সেই সময়ে এক তরুণী পরিচারিকা তাকে জিজ্ঞাসা করল, 'কী চাই?' তার চোখে-মুখে ফুটে উঠেছে অবজ্ঞার ভাব।

ন্যান্সি বলল, 'মিস্ মেইলিকে চাই!'

পরিচারিকা ডাকে একটা চাকর বেরিয়ে এসে জিজ্ঞাসা করল, 'কী নাম তোমার? কী দরকার তাঁকে?'

ন্যান্সি তা জানাতে অস্বীকার করল। চাকরটা তখন তাকে সদর দরজার দিকে ঠেলে আঙুল দেখিয়ে বলল, ‘তবে—ভাগো হিয়াসে!’

ন্যান্সি বলল, ‘তা যদি বল তো, তোমরা দু’জনে মিলেও আমাকে এখান থেকে বের করে দিতে পারবে না।’

এমন সময়ে এক ঠাণ্ডা মেজাজের পাচক এসে বলল, ‘আঃ! কি ঝামেলাই না তোমরা বাঁধিয়ে তুললে এতো রাতে! ওহে জো! খবরটা দাওনা ছাই তেনার কাছে পৌঁছে। তাহলে তো হান্সামা চুকে যায়।’

অগত্যা মিস্ মেইলিকে খবর দিতে গেল জো, আর বিবর্ণমুখে রুদ্ধশ্বাসে তার আসার অপেক্ষা করতে লাগল ন্যান্সি। সেই সময় ন্যান্সি পরিষ্কার শুনে পেল, হোটেলের পরিচারিকারা তাকে লক্ষ্য করে কুৎসিত ভাবে গালাগালি দিচ্ছে। ন্যান্সি নীরবে সহ্য করে রইল। কিছুক্ষণের মধ্যেই জো ফিরে এসে ন্যান্সিকে নিয়ে দোতলার একটা ছোট কুঠরিতে বসাল।

রোজ্ ঘরে ঢুকতে ন্যান্সি প্রথমে একটু চড়া মেজাজে বলে উঠল, ‘আপনার সঙ্গে দেখা করা ভারী শক্ত ব্যাপার। আমি যদি আর-দশজনের মতো রাগ করে চলে যেতাম, তাহলে হয়তো আপনাকে অনুতাপ করতে হতো সে-জন্যে।’

রোজ্ বলল, ‘কেউ যদি মোর সঙ্গে খারাপ ব্যবহার করে থাকে ভাই, তার জন্যে আমি অত্যন্ত দুঃখিত! আমার অনুরোধ, তুমি সেসব কথা মন থেকে মুছে ফেল। এখন বল, কেন আমার সঙ্গে দেখা করতে এসেছো।’

রোজের ঠাণ্ডা মেজাজ ও তার মিষ্টি কথাবার্তা শুনে অবাক হয়ে ন্যান্সি প্রায় কাঁদো কাঁদো সুরে বলল, ‘আমার আসল পরিচয় না জেনে এমন সদয়ভাবে কথা বলবেন না আমার সঙ্গে। যাক, রাত বেড়ে যাচ্ছে, কাজের কথাটাই বলে ফেলি আগে—ওই দরজাটা বন্ধ আছে তো?’

ভয়ে কয়েক পা পিছিয়ে গিয়ে রোজ্ জানাল, ‘হ্যাঁ আছে। কিন্তু কেন বল তো?’

ন্যান্সি বলল, ‘কেননা আমি কয়েকজনের জীবন আপনার হাতে সঁপে দিছি।’ বলার সাথে সাথে ন্যান্সি ভীষণ মুখড়ে পড়ল।

কীভাবে নিজের মনের উদ্বেগের কথাটা পাড়বে, তা ঠিক করতে না পেরে রোজের মুখের দিকে খানিকক্ষণ তাকিয়ে থেকে ন্যান্সি মাথা নিচু করে বলল, ‘আমিই পেণ্টনভিলের বাড়ি থেকে অলিভারকে ধরে নিয়ে গিয়েছিলাম ফ্যাগিনের আড্ডায়।’

‘তুমি!’

‘হ্যাঁ, আমিই। আমি সেই মহাপাপিনী, যে চোরদের দলে বাস করে এবং যে জ্ঞান হবার পর থেকে ভালো পরিবেশে বাস করার কোনো সুযোগই পায়নি।’

বিস্ময়-ভরা চোখে রোজ্ সেই বিচিত্র নারীমূর্তির দিকে তাকিয়ে রইল। বেদনায় ভরে এলো তার মন। শান্ত গলায়সে বলল, ‘ভারী দুঃখ হয় তোমার জন্যে।’

‘আপনি করুণাময়ী! ভগবান আপনাকে সুখে রাখুন! আমি পালিয়ে এসেছি আপনাকে খবরটা দিতে...ওরা জানতে পারলে নিশ্চয়ই আমাকে খুন করবে। আচ্ছা, আপনি মঙ্ক্ নামে কোনো লোককে চেনেন কি?’

‘না তো!’

‘সে কিন্তু আপনাকে চেনে, আর আপনি যে এখানে আছেন তাও তো সে জানে। আমি তার কথাবার্তা লুকিয়ে শুনেছি বলেই আপনার ঠিকানা পেয়ে এখানে আসতে পেরেছি।’

রোজ্ বলল, 'আমি ও-নাম কখনো শুনিনি।'

'তাইলে সে ছদ্মনামে আমাদের দলে মিশে। আমিও তাই ভেবেছিলাম। অলিভারকে আপনাদের বাড়িতে ডাকাতির কাজে লাগিয়ে দেবার ক'দিন পরেই ওই লোকটা হঠাৎ ফ্যাগিনের সঙ্গে দেখা করে। ফ্যাগিন্ ওকে নিয়ে দোতলায় চলে যায় গোপনে কথা বলতে দরজা বন্ধ করে। আমার কেমন যেন লোকটাকে সন্দেহ হল। তাই, আমিও দোতলায় উঠে দরজার পাশে অন্ধকারে লুকিয়ে থেকে ফ্যাগিনের সঙ্গে ওই লোকটার গোপন পরামর্শ শুনি... তাতে জানতে পারি—অলিভার যেদিন পুলিশে ধরা পড়ে, মঙ্কস্ সেদিন হঠাৎ তাকে দেখতে পেয়েই বুঝতে পারে যে, এতদিন যে ছেলেটার সে খোঁজ করছিল অলিভারই হচ্ছে আসলে সেই ছেলেটাই। তখন সে ফ্যাগিনের সঙ্গে ফন্দি আঁটে যে, ফ্যাগিন্ যদি অলিভারকে আটকে রেখে চোর বানাতে পারে, তবে সে মঙ্কসের কাছ থেকে মোটা টাকা পাবে।'

'কিন্তু কী উদ্দেশ্য ওর?'

'সেটা তখন জানতে পারিনি। কেননা, মঙ্কস্ জানালা দিয়ে আমার ছায়া দেখতে পেয়ে চমকে ওঠে এবং ধরা পড়ার ভয়ে আমি তাদের আর কোনো কথা না শুনেই তাড়াহুড়ো করে পালিয়ে নিচে নেমে আসি।'

'তারপর?'

'তারপর ওর দেখা পেলাম আবার কাল রাত্তিরে ফ্যাগিনের আস্তানায়। এসেই সে আগের মতো গোপনে পরামর্শ করবার জন্যে ফ্যাগিন্কে নিয়ে দোতলার ঘরে চলে গেল। আমিও এবার সারা দেহ এমনভাবে মুড়ি নিয়েছিলাম, যাতে সে আমার ছায়া দেখতে না পায়। দরজার পাশে লুকিয়ে ওদের কথাবার্তা শুনলাম। মঙ্কস্ বলল ফ্যাগিন্কে, 'ছেঁড়াটার পরিচয়ের একমাত্র চিহ্ন এখন নদীর তলায়, আর যে-বুড়িটা ওর মায়ের কাছ থেকে সেটা নিয়েছিল, সে-বুড়িও আজ কবরে শুয়ে।' মঙ্কস্ আরও বলল যে, যদিও সে ওই শয়তান ছেলেটার টাকা হাতিয়ে নিয়ে নিরাপদে ভোগ করছে, তবুও সে অন্যভাবে নিশ্চিন্ত হতে চায়, কেননা ওই ছেলেটাকে জেলে-জেলে ঘানি টানিয়ে, এবং পরিণামে ফ্যাগিনের সাহায্যে ফাঁসির দড়ি তার গলায় ঝুলিয়ে বাপের উইলের শর্ত ভেঙে চুরমার করতে পারলে কী সুবিধে না হবে! অবশ্য বিপদের সম্ভাবনা না থাকলে সে নিজেই ছেলেটার ঘাড় মটকাতো কিন্তু তা যখন সে পারছে না, তখন ছেলেটার জীবনের প্রত্যেকটা পদক্ষেপ বিষময় করে তোলার দিকে সে নজর দেবে, আর ছেলেটার জন্ম ও তার মায়ের কলঙ্কজনক ইতিহাসের সুযোগ নিয়েও সে তার ক্ষতি করবে। সবশেষে সে বলল, 'ফ্যাগিন্, আমার ভায়ের জন্যে এমন ফাঁদ পাতবো যে, তোমারও তাক্ লেগে যাবে।'

রোজ্ সবিস্ময়ে বলল, 'তাই!'

ন্যান্সি বলল, 'হাঁ, তাই তো সে বলেছে। আরও সে বলেছে যে, তার বিরুদ্ধে ঈশ্বরের বা শয়তানের চক্রান্তের ফলে অলিভার যখন আপনাদের আশ্রয়ে এসে পড়েছে, তখন তার আসল পরিচয় জানার জন্যে আপনারা নাকি হাজার হাজার পাউণ্ড খরচ করতেও পেছ-পা হবেন না। যাক্, রাত হয়ে গেছে—আমি এখন চলি, নইলে ওরা আমাকে সন্দেহ করবে।'

রোজ্ বলল, 'তা, এ-খবর নিয়ে আমি কি করবো? আর, তুমিই বা সেখানে ফিরে যাবে কেন? তুমি তো বলছো যে, তোমার সঙ্গীরা সব সাংঘাতিক লোক। আমি বরং পাশের ঘর থেকে একজন ভদ্রলোককে ডেকে আনি, যিনি আধঘণ্টার মধ্যে তোমাকে একটা নিরাপদ স্থানে নিয়ে গিয়ে রাখার ব্যবস্থা করবেন।'

ন্যান্সি বলল, 'না না, তা করবেন না। আমাকে সেখানে ফিরে যেতেই হবে। ওই চোরাদের মধ্যে সবচেয়ে সাংঘাতিক যে-লোকটা, তাকে ছেড়ে থাকতে পারবো না আমি। এমন কি যে গ্লানিময় জীবন আমি এখন কাটাচ্ছি, তা থেকে রক্ষা পাবার জন্যেও আমি তার সঙ্গে ছাড়তে পারব না।'

রোজ্ বলল, 'কিন্তু নিজের প্রাণের ঝুঁকি নিয়ে যখন একজন বালককে বাঁচাবার জন্যে এত রাতে ছুটে এসেছো, তখন আমার বিশ্বাস—তোমার ভুল শোধরাবার এখনও উপায় আছে।' কথা বলতে বলতে রোজ্‌র চোখে জল এল।

হাতজোড় করে রোজ্ আবার বলল, 'আমার অনুরোধ রাখো—একজন মেয়েমানুষ হয়ে আমি তোমার কাছে আবেদন করছি—ভালো পরিবেশে রেখে তোমাকে রক্ষা করার সুযোগ দাও আমাকে।'

ন্যান্সি হাঁটু গেড়ে বসে কাঁদতে কাঁদতে বলল, 'আপনিই সর্বপ্রথম আমাকে নানা সংকথা বললেন। উঃ, কয়েক বছর আগেও যদি ওসব শুনতুম, তাহলে হয়তো নিজেকে বাঁচাতে পারতুম। কিন্তু এখন বড্ডো দেরি হয়ে গেছে—ফেরার পথ আর নেই।'

রোজ্ বলল, 'দেরি মোটেই হয়নি।'

আতর্কিত ন্যান্সি চোঁচিয়ে উঠল, 'দেরি হয়েছে—দেরি হয়েছে! আমি তাকে এখন কিছুতেই ছাড়তে পারবো না, আমি তার মৃত্যুর কারণ হতে পারবো না।'

রোজ্ বলল, 'তার মৃত্যুই বা হবে কেন?'

ন্যান্সি বলল, 'কেউ-ই তাকে বাঁচাতে পারবে না। আপনাকে যা বললাম তা যদি তাদের কাউকে বলি, তাহলে তার মৃত্যু নিশ্চিত।'

রোজ্ বলল, 'যে-লোক আজ বাদে কাল ফাঁসির দড়ি গলায় দেবে, তার জন্যে কেন তুমি নিজের ভবিষ্যৎ জলাঞ্জলি দিচ্ছে? তা বুঝতে আমার বুদ্ধিতে কুলায় না। যা হোক, তুমি যে খবর আমাকে দিলে, তা নিয়ে তদন্ত করতে হবে। এর পরে হয়তো তোমার আরও সাহায্য দরকার লাগতে পারে। তখন তোমাকে কোথায় পাবো?'

ন্যান্সি বলল : 'আপনি যদি আমাকে কথা দেন যে আমার ব্যাপারটা গোপন রাখবেন, তাহলে বলতে পারি প্রতি রবিবার রাত এগারোটা থেকে বারোটা পর্যন্ত আমি লন্ডন-ব্রিজের ওপর ঘুরে বেড়াবো, অবশ্য যদি বৈঠে থাকি। আপনি কিন্তু প্রতিশ্রুতি দিন যে, হয় আপনি একা আমার সঙ্গে দেখা করবেন, নয় তো এমন একজনকে নিয়ে আসবেন যে অন্য কারও কাছে এ-বিষয়ে কিছু বলবে না।'

রোজ্ এরকম প্রতিশ্রুতি দিলে ন্যান্সি চলে গেল।

চতুর্দশ পরিচ্ছেদ

সে-রাতে রোজ্ ঘুমোতে পারল না। ভোরবেলা সে হ্যারিকে চিঠি লিখে সব ব্যাপার জানিয়ে পরামর্শ নেবে বলে ঠিক করল।

পরদিন সকালে চিঠি লিখতে শুরু করে কি লিখবে ভাবছে, এমন সময়ে হাঁপাতে হাঁপাতে ঢুকল অলিভার। সে জানাল যে, এইমাত্র সে মিষ্টার ব্রাউনলোকে একটা বাড়িতে ঢুকতে দেখেছে এবং এক টুকরো কাগজে সেই বাড়ির ঠিকানা লিখে এনেছে। রোজ্ কাগজখানা নিয়ে দেখল ক্রাডেন স্ট্রিটের একটা বাড়ির ঠিকানা। তখন সে অলিভারকে সঙ্গে নিয়ে একখানা ভাড়াটে ঘোড়ার গাড়ি করে বেরিয়ে পড়ল। মিসেস্ মেইলিকে শুধু জানিয়ে গেল যে, তারা ঘণ্টাখানেকের জন্যে একবার বেরোচ্ছে।

অলিভারকে বাইরে গাড়িতে বসিয়ে রেখে রোজ্ ভেতরে গিয়ে মিস্টার ব্রাউন্লেরা সঙ্গে দেখা করল। তিনি তখন মিস্টার গ্রিম্‌উইগের সঙ্গে কি একটা বিষয় নিয়ে আলোচনা করছিলেন।

মিঃ ব্রাউন্লো রোজ্‌কে সাদরে গ্রহণ করে বললেন, 'এসো, মা, এসো! ইনি আমার বন্ধু মিস্টার গ্রিম্‌উইগ্‌।...গ্রিম্‌উইগ্‌, তুমি একটু বাইরে যাও।'

রোজ্‌ বাধা দিয়ে বলল, 'না-না, উনিও বসুন এখানে। আমি যে-ব্যাপারে আপনার কাছে এসেছি তা উনিও জানেন।'

মিঃ ব্রাউন্লের কথায় চেয়ার ছেড়ে উঠেছিলেন মিঃ গ্রিম্‌উইগ্‌, কিন্তু রোজ্‌ের কথায় আবার ধপ্ করে বসে পড়লেন।

মিঃ ব্রাউন্লোকে রোজ্‌ বলল, 'এক সময়ে আপনি আমার এক বালক বন্ধুকে দয়া করেছিলেন। তাকে আপনারা 'অলিভার টুইস্ট' বলে জানেন।

মিঃ গ্রিম্‌উইগ্‌ একখানা মোটা বই খুলে পড়ার ভান করছিলেন, রোজ্‌ের মুখে অলিভারের নাম শুনে তাঁর হাত থেকে বইখানা সশব্দে পড়ে গেল—হাঁ করে রোজ্‌ের দিকে তাকিয়ে রইলেন তিনি।

মিঃ ব্রাউন্লোও রোজ্‌ের কথায় কম বিস্মিত হননি। তিনি বললেন, 'দয়ার কথা বাদ দাও, মা! তুমি যার নাম করলে, তার বিষয়ে আমি বড়ই হতাশ হয়ে গেছি।'

মিঃ গ্রিম্‌উইগ্‌ বলে উঠলেন, 'ছোঁড়া যদি বদ না হয় তো আমি আমার মাথা খাবো!'

রোজ্‌ বলল, 'আপনার মাথা আপনারই থাক... তবে আমার কাছ থেকে শুনুন, আপনারা যাকে বদ ছেলে বলছেন, তার মতো ভালো ছেলে বড় একটা দেখা যায় না।'

মুখ ভার করে মিঃ গ্রিম্‌উইগ্‌ বললেন, 'আমার বয়স একষষ্ঠি, এর মধ্যে অনেক কিছুই ভালো-মন্দ দেখলাম...ওই অলিভার-ছোঁড়াটা যে একটা আস্ত শয়তান এতে আমার কোনো সন্দেহ নেই।'

মিঃ ব্রাউন্লো বললেন, 'ওঁর কথায় কিছু মনে করো না, মা! উনি যা বলেন, তা অন্তর দিয়ে বলেন না।'

মিঃ গ্রিম্‌উইগ্‌, গর্জে উঠলেন, 'আলবৎ বলি।'

রেগেমেগে চেয়ার ছেড়ে দাঁড়িয়ে উঠে মিঃ ব্রাউন্লো বললেন, 'কখনই নয়।'

মিঃ গ্রিম্‌উইগ্‌ বললেন, 'যে একথা মানে না তার মাথা ছাই ভরা।'

মিঃ ব্রাউন্লো বললেন, 'যে এত জেদ করে কথা বলে তার মাথাটা ভেঙে দেওয়া উচিত।'

মিঃ গ্রিম্‌উইগ্‌ তাঁর লাঠিটা মেঝেয় ঠুকে বললেন, 'সেও দেখতে চায়, তার মাথা ভাঙার সাহসটা কার।'

রোজ্‌ অবাক হয়ে দেখে, এতখানি রাগারাগির পরও দুজন বৃদ্ধা আগের মতোই আবার হাসাহাসি করে প্রত্যেকে একই নস্যির দানি থেকে এক-এক টিপ নস্যি নাকে শুঁজে একে অপরের হাতে হাত মেলালেন। বিচিত্র এ তাঁদের বন্ধুত্ব!

তারপর মিঃ ব্রাউন্লো বললেন, 'নাও, মা. এখন তোমার আসল কথাটা বল। আমি যথাসাধ্য চেষ্টা করেছিলাম, যাতে ছেলেরা ভালো হয়, কিন্তু বড় দুঃখেই তার বিষয়ে খারাপ ধারণা পোষণ করতে হল আমাকে।'

রোজ্‌ এবার অলিভারের বিষয়ে যতটুকু জানতো তা অল্প কথায় দুজনকেই জানাল, কেবল ন্যান্সির কথাটা গোপন রাখল। ন্যান্সির কথাটা মিস্টার ব্রাউন্লোকে গোপনে বলবে বলে রোজ্‌ সংকল্প করল।

রোজের কথা শুনে আনন্দে মিঃ ব্রাউন্লোর মুখ উজ্জ্বল হয়ে উঠল। তিনি বললেন, 'বড়ো আনন্দ দিলে মা, বড়ো আনন্দ দিলে! আমি কিন্তু তোমাকে একটু বকবো—তুমি অলিভারকে সঙ্গে করে নিয়ে এলে না কেন?'

রোজ্ বলল, 'অলিভার আমার সঙ্গেই এসেছে...বাইরের গাড়িতে বসে সে অপেক্ষা করছে।'

এ-কথা শুনে মিঃ ব্রাউন্লো ছুটে বেরিয়ে গেলেন ঘর থেকে।

মিঃ ব্রাউন্লো বেরিয়ে যাবার সঙ্গে সঙ্গে মিঃ গ্ৰিমউইগ্ আসন ছেড়ে উঠে অস্থিরভাবে ঘরের মধ্যে পায়চারি কতে লাগলেন। তারপর হঠাৎ রোজের কানে চুপিচুপি বললেন, 'আমার অনুমান যে মিথ্যে হয়েছে, তার জন্যে আমিও খুব খুশি হয়েছি!'

এমন সময় অলিভারকে নিয়ে মিঃ ব্রাউন্লো ঘরে ঢুকলেন। মিঃ গ্ৰিমউইগ্ উঠে অলিভারকে আবেগে জড়িয়ে ধরলেন।

মিঃ ব্রাউন্লো বললেন, 'ভালো কথা, আর একজনের কথা ভুললে চলবে না আমাদের।' এই বলে তিনি মিসেস্ বেডুইনকে ডেকে পাঠালেন।

মিসেস্ বেডুইন ঘরে ঢুকে হকুমের অপেক্ষায় চুপটি করে দাঁড়িয়ে রইলেন। তাই দেখে মিঃ ব্রাউন্লো চোঁচিয়ে উঠলেন, 'আঃ, বেডুইন! দিন দিন কি চোখ তোমার খারাপ হয়ে যাচ্ছে?'

মিসেস্ বেডুইন উত্তর দিলেন, 'তা কর্তা, আমার মতো বয়সে তো আর চোখ ভালো হয় না।'

মিঃ ব্রাউন্লো বললেন, 'তা আমারও জানা আছে। এখন একবার তোমার চশমাটা চোখে দিয়ে দেখ দেখি, এখানে তোমার কোনো হারা-নিধির খোঁজ পাও কিনা?'

মিসেস্ বেডুইন তাঁর জামার পকেটে চশমা হাতড়াতে লাগলেন। কিন্তু অলিভার আর চুপ করে থাকতে পারল না—ছুটে গিয়ে মিসেস্ বেডুইনকে জড়িয়ে ধরে ডাকল, 'ধাই-মা!'

'অলিভার না? জয় ঈশ্বর! ওরে, তুই এখানে আবার ফিরে আসবি, এ আমি জানতুম। কোথায় ছিলি রে বাছা এতদিন?... ঠিক সেই মুখ, সেই চোখ! এ-মুখ, এ-চোখ, এ-হাসি যে বরাবর আমার মনে পেরেছে আছে!'

বলতে-বলতে হাসি-কান্নায় অধীর হয়ে উঠলেন মিসেস্ বেডুইন।

সুযোগ বুঝে রোজ্ গোপনে মিস্টার ব্রাউন্লোকে ন্যান্সির কথা জানাল।

মিঃ ব্রাউন্লো বললেন, 'আমি রাত আটটার সময় হোটেল গিয়ে তোমার সঙ্গে দেখা করব, মা! এর মধ্যে তুমি মিসেস্ মেইলিকে সমস্ত ঘটনা জানিয়ে রেখো!'

কতকটা নিশ্চিত হয়ে রোজ্ অলিভারকে নিয়ে হোটেল ফিরে এল।

রাতে মিঃ ব্রাউন্লো হোটেল এলেন। ডাক্তার লস্‌বার্নও সেখানে হাজির ছিলেন। মিসেস্ মেইলি তাঁকে আগেই ডেকে পাঠিয়েছিলেন অলিভারের ব্যাপারটা তাঁকে জানানোর জন্যে। ডাক্তার লস্‌বার্ন সমস্ত শুনে তো রেগেই আশুন! তখনই সমস্ত দলটাকে পুলিশে ধরিয়ে দেবার জন্যে অস্থির হয়ে উঠলেন তিনি। মিস্টার ব্রাউন্লো তাঁকে বেশ কয়েকবার ধমক দিয়ে অতি কষ্টে থামালেন।

ডাক্তার লস্‌বার্ন তবুও বললেন, 'আমি তাদের সব ক'টাকে পাঠিয়ে দেব—'

মিঃ ব্রাউন্লো বললেন, 'তাদের কোথায় পাঠাবেন, তা নিয়ে মাথা ঘামিয়ে লাভ নেই। এখন আমাদের প্রধান কাজ হল, অলিভারের বাপ-মায়ের পরিচয় খুঁজে বের করা এবং তার সম্পত্তির ওপর তার দাবি-দাওয়ার বিষয়ে ব্যাপারটা কী তা জানা।'

ডাক্তার লস্বার্ন শান্ত হয়ে বললেন, 'তা তো বটে! তবে তাদের কয়েকটাকে ফাঁসিকাঠে ঝোলানো চাই-ই, আর বাকিগুলোকে পাঠাতে হবে দীপান্তরে।'

হেসে মিঃ ব্রাউন্লো বললেন, 'তারা নিজেরাই নিজেদের ফাঁসি আর দীপান্তরের পথ খোলসা করে নেবে। কিন্তু রোজ্ যে প্রতিশ্রুতি দিয়েছে ন্যান্সিকে, তা একটুও না ভেঙে আমাদের কাজে এগোতে হবে। ন্যান্সির সাহায্যে মঙ্কসকে চিনে নিয়ে, তাকে একলা পাকড়াও করে আনতে হবে। কিন্তু রবিবারের আগে তো ও মেয়েটার দেখা পাচ্ছি নে—আজ তো সবে মঙ্গলবার। এ-ক'টা দিন আমাদের চুপচাপ থাকতে হবে—অলিভারকে পর্যন্ত কিছু জানতে দেওয়া হবে না। আর, আমি আমার বন্ধু মিঃ গ্রিমউইগকে দলে নিতে চাই। লোকটা অদ্ভুত প্রকৃতির হলেও খুব চতুর—বিশেষ সাহায্য করতে পারবে আমাদের। সে ওকালতি করতে গিয়ে বিরক্ত হয়ে পেশা ছেড়ে দিয়েছে, কেননা বিশ বছরের মধ্যে একটার বেশি মোকদ্দমা আসেনি তার হাতে।'

ডাক্তার লস্বার্ন এ-প্রস্তাব মেনে নিয়ে বললেন, 'তাহলে আমিও কিন্তু আমার একজন বন্ধুকে দলে নেবো। সে ওই বৃদ্ধা মহিলার পুত্র এবং এই তরুণীর অতি ঘনিষ্ঠ বন্ধু।' এই বলে তিনি মিসেস্ মেইলি ও রোজ্কে দেখিয়ে দিলেন।

মিসেস্ মেইলি জানালেন যে, এ তদন্ত যাতে সফল হয় তার জন্যে তিনি টাকাপয়সা খরচ করতে কসুর করবেন না।

পঞ্চদশ পরিচ্ছেদ

যে-রাতে সাইক্সকে ঘুম পাড়িয়ে রেখে ন্যান্সি রোজের সঙ্গে দেখা করতে গিয়েছিল, সে-রাতে লন্ডনের পথে হেঁটে আসছিল একটা পুরুষ ও একটা স্ত্রীলোক।

পুরুষটা রোগাটে, হাত-পাগুলো ল্যাং-ল্যাং করছে, গাঁটগুলো বারকরা। তার কাঁধে একটা লাঠির ডগায় একটা বাঁচকা বাঁধা। তার বয়স ঠাণ্ডর করা কঠিন। স্ত্রীলোকটার চেহারা মোটাসোটা... তার পিঠের ভারী বোঝাটা বয়ে নিয়ে যেতে তার কষ্ট হচ্ছে না মোটেই।

লম্বা-লম্বা পা ফেলে অনেকটা এগিয়ে এসেছিল পুরুষটা। এবারে বোঝার ভারে নুয়েপড়া স্ত্রীলোকটার উদ্দেশে পেছন ফিরে বলল, 'চটপট চলে আয় শার্লটি! তুই দেখছি কুড়ের বেহন্দ!'

মেয়েটা বলল, 'বোঝাটা বড় ভারী, নোয়া।'

'ভারী! কী বলছি তুই? ভারী-বোঝাই বইবার জন্যেই তো মেয়েদের জন্ম!... আবার খামলে কেন? আচ্ছা, থামো! মিঃ সোয়ারবেরি ধাওয়া করে এসে, হাতকড়া দিয়ে নিয়ে যাবে তোকে।'

শার্লটি বলল, 'কিন্তু শুধু আমাকে কেন বলছো? তোমাকেও তো নিয়ে যাবে।'

'তুই হাতবাক্সো থেকে টাকা চুরি করেছি?'

'আমি চুরি করেছি তো তোমার জন্যে।'

'কিন্তু সে টাকা কি আমি নিজের কাছে রেখেছি?'

না, নোয়া ক্লেপোল্ সে টাকা নিজে রাখেনি—শার্লটির কাছে সে রেখে দিয়েছে। অবশ্য, তার কারণ এ নয় যে, সে শার্লটিকে বিশ্বাস করে। আসল কথা হল, একান্তই যদি ধরা পড়ে, তাহলে সে নিজের নির্দোষিতা প্রমাণ করে বলতে পারবে যে, সে টাকা নেয়নি, নিয়েছে শার্লটি।

খুব সাবধানে সদর-রাস্তা পার হয়ে গলি-যুঁজি দিয়ে তারা সেন্ট জন রোডে পড়ল। একটার পর একটা সরাইখানার মধ্যে উঁকি মেরে দেখল নোয়া, কিন্তু সবগুলোতে ভিড়। কোনোটাই পছন্দ হল না তার। শেষপর্যন্ত সে ঢুকল ‘ত্রিভঙ্গ’ নামে একটা অতি নোংরা সরাইখানায়।

সরাইখানায় একটা ইহুদি-ছোকরা ছাড়া তখন আর কেউ ছিল না। তার কাছে নোয়া রাত কাটাবার জায়গা চাইতে সে বলল, কইতে নারল্যাম থাকতে পারবেন কিনা—সুঁজু নিয়ে দেখছি!’

‘আগে আমাদের হাত-মুখ ধোবার জল, কিছু মাংস আর মদ তো দিয়ে যাও!’

ইহুদি-ছোকরার নাম বার্নি। নোয়ার হুকুম তামিল করে তাদের খেতে বসিয়ে দিয়ে ওপরে গেল। ওপরে যে-ঘরে যাবে, সেখানে থেকে নিচের ঘরের অতিথিদের দেখা যেত এবং তাদের কথাবার্তা পর্যন্ত শোনা যেত! বার্নি সে-ঘরে ঢুকতে যাচ্ছে, এমন সময়ে ফ্যাগিন্ সেখানে এসে হাজির হতেই বার্নি ফ্যাগিন্কে বলল, ‘আন্তে! লিঁচের ঘঁরে নঁতুন মঁনীষ্যি এঁইচে। পালিয়ে এঁইচে উঁআরা—তুঁমার পঁথের পঁথিক।’

একথা শুনে ফ্যাগিন্ ওপরের সেই ঘরে ঢুকে নোয়া ও শার্লিটির কথাবার্তা শুনতে লাগল।

নোয়া ক্রেপোল্ তখন শার্লটিকে বলছিল, ‘আমি ভদ্রমনোক হতে চাই।’

শার্লটি বলল, ‘আমিও তো তাই চাই, কিন্তু রোজ-রোজ তো আর হাত-বাক্সো ভাঙা যাবে না।’

নোয়া বলল, ‘চুলোয় যাক হাত-বাক্সো! ও ছাড়াও অনেক কিছু আছে ভাঙবার—পকেট, ছেলেমেয়েদের হাতব্যাগ, বাড়ি, ডাকগাড়ি, ব্যাঙ্ক, আরো কত-কি! একটা লুটেরার দলে মেশাই আমার ইচ্ছে। তারপর, তুই একাই তো পঞ্চাশটা মেয়ের সমান—তোর মতো চালাক আর ধড়িবাজ মেয়ে আমি আর কখনও দেখিনি।’

নোয়ার মুখে নিজের প্রশংসা শুনে আনন্দে ডগমগ হয়ে উঠল শার্লটি। নোয়া আবার বলল, ‘তা বলে লাফিয়ে উঠিস নে যেন। আমি চাই একটা লুটেরা-দলের সর্দার হতে।’

এমন সময় ফ্যাগিন্ সে-ঘরে ঢুকে কিছু মদ আনার হুকুম দিয়ে নোয়াকে জিজ্ঞেস করল, ‘মশায়ের বুঝি পাড়া-গাঁ থেকে আসা হচ্ছে?’

উল্টে নোয়া জিজ্ঞাসা করল, ‘বুঝলেন কী করে?’

নোয়ার জুতোর দিকে আঙুল দেখিয়ে ফ্যাগিন্ বলল, ‘এ শহরে তো এত ধুলো নেই, ভায়া?’

‘আপনার নজর তো খুব। হাঃ-হাঃ-হাঃ! দেখেছিঁস্ শার্লটি?’

ফ্যাগিন্ বলল, ‘শহরে থাকতে গেলে নজর থাকা চাই বই কি! এখানে পুরুষকে যে সবসময় হাতবাক্সো, মেয়েদের হাতব্যাগ, বাড়ি, ডাকগাড়ি, আর ব্যাঙ্ক লুট করতে হয়।’

একথা শুনেই ভয়ে আঁতকে উঠল নোয়া। মুখখানা তার ছাইয়ের মতো ফ্যাকাশে হয়ে গেল।

ফ্যাগিন্ তার কাছে এগিয়ে এসে বলল, ‘তোমার কপাল ভালো ভায়া যে, কথাটা শুধু আমিই শুনেছি।’

নোয়া শার্লটিকে দেখিয়ে আমতা-আমতা করে বলল, ‘আমি কিছু নেইনি—এসব ওর কাজ।’

ফ্যাগিন্ বলল, ‘যেই নিয়ে থাক, তাতে ক্ষতি কোনো নেই। ‘ত্রিভঙ্গের’ চেয়ে নিরাপদ জায়গা সারা লন্ডনে আর নেই। আর আমিও তো ওপথেরই পথিক। এই সরাইখানার

লোকেরাও তাই। তুমি ঠিক জায়গাতেই এসে পড়েছো ভায়া! আমার একজন বন্ধু আছে, যে তোমার মনের ইচ্ছা সফল করতে পারে।’

এ কথার পরে ফ্যাগিনের অনুরোধে শার্লটকে মালপত্তর ওপরে রেখে আসতে হুকুম করল নোয়া। শার্লটি চলে গেলে ফ্যাগিন্ জানতে চাইল, নোয়া তার বন্ধুর দলে যোগ দিতে রাজি আছে কি-না।

নোয়া জিজ্ঞাসা করল, ‘বন্ধুটি কী-দরের ব্যাপারি?’

ফ্যাগিন্ জানাল যে, সে ব্যবসাদারদের শিরোমণি এবং পাক্সা শহুরে—তার দলে কোনো গৈয়ো লোক নেই। অবশ্য, তার দলে মিশতে হলে নোয়া মিঃ সোয়ার্বেবেরির হাতবাক্সো ভেঙে যে কুড়ি পাউন্ডের নোটগুলো চুরি করেছে, তার সব কটাই প্রবেশমূল্য হিসেবে দিতে হবে। ফ্যাগিন্ নোয়াকে বোঝালে যে, এ নোটগুলোর কোনো দাম নেই নোয়ার কাছে, কেননা সে এ নোটগুলো ভাঙাতে পারবে না কিছুতেই। নোটের নম্বরগুলো নিশ্চয়ই মিঃ সোয়ার্বেবেরির কাছে আছে, তাই সেগুলো ভাঙাতে গেলেই ধরা পড়তে হবে তাকে।

নোয়া জিজ্ঞাসা করল, ‘আচ্ছা, তাহলে মাইনে কত করে পাব আমি?’

ফ্যাগিন্ বলল, ‘মাইনে! মাইনে আবার কি? বিনিপয়সায় থাকতে পাবে, খেতে পাবে, তামাক-মদও পাবে, তাছাড়া তুমি আর তোমার বান্ধবী যা রোজগার করবে তারও অর্ধেক পাবে।’

অন্য সময় হলে অর্থপিশাচ নোয়া এত কমে রাজি হতো না, কিন্তু এখন প্যাঁচে পড়ে আমৃত-আমৃত করে বলল, ‘কিন্তু আমি হাল্কা কাজ নিতে চাই।’

ফ্যাগিন্ বলল, ‘বেশ তো! তুমি তো তোমার বান্ধবীর কাছে গল্প করছিলে যে, গোয়েন্দাগিরি ধরনের কাজ পেলে তোমার ভালো লাগবে। আমার বন্ধুরও একজন গোয়েন্দা দরকার।’

নোয়া বলল, ‘কিন্তু তাতে তো কিছু আয় হবে না!’

ফ্যাগিন্ বলল, ‘তা বটে! আচ্ছা, বুড়িদের হাতব্যাগ ছিনিয়ে নেওয়ার কাজটা কেমন লাগবে তোমার?’

‘উঁহ, ওরা যে বড়ো বেশি চেষ্টামেচি করে থাকে! গুটা বাদ দিয়ে অন্য কোনো কাজ বাতলাও।’

‘বেশ, তাহলে ছোকরা-ছিনতাই করো।’

‘সে আবার কী ধরনের কাজ?’

‘ছোটো ছেলেরা অনেক সময়ে তাদের মায়েদের কাছ থেকে টাকাটা-সিকিটা নিয়ে দোকান-বাজারে যায়। সে সময়ে তাদের হাত থেকে সেগুলো ছিনিয়ে নিয়ে পালিয়ে আসা, এই কাজ আর কি! পয়সাকড়ি ছোঁড়ারা হাতে রেখেই পথ চলে-চলে, সে সময় স্রেফ একটা ধাক্কা দিয়ে তাদের মাটিতে ফেলে দেওয়া, আর হাতের পয়সাকড়িগুলো ছিনিয়ে নিয়ে সরে পড়া, বুঝলে কিনা—হা-হা-হা-হা-হা!’

নোয়াও হো-হো করে হেসে উঠল। সে বলল, ‘ঠিক-ঠিক, এ কাজটাই ঠিক যুতসই হবে আমার।’

এমন সময় শার্লটি ফিরে এল। ঠিক হল, কাল বেলা দশটার সময়ে ফ্যাগিন্ আসবে তার বন্ধুর সঙ্গে নোয়াকে আলাপ করিয়ে দিতে। ফ্যাগিনের কাছে নোয়া নিজের পরিচয় দিল মিস্টার বোল্টার নামে, আর শার্লটকে নিজের স্ত্রী বলে পরিচয় দিল। এরপর ফ্যাগিন্ বিদায় নিল।

* * * *

এ কদিনের মধ্যেই খুব রোগা হয়ে গেছে ন্যান্সি। বেশিরভাগ সময়েই সে ঘরে বসে থাকে, আর কী-যেন ভাবে—কখনও বা অকারণে হেসে ওঠে। নিজের মনে সে চমকে ওঠে, সে কি ধীরে ধীরে পাগল হয়ে যাচ্ছে?

ফ্যাগিনের মনেও সন্দেহ জেগেছে ন্যান্সির আচরণে। দলের কোনো কাজেই আজ আর ন্যান্সির উৎসাহ নেই, অথচ ফ্যাগিন্ তো ভাল করেই জানে—তার দলের সেরা মেয়ে ছিল ন্যান্সি—আরও মেয়েটার কড়া নজর ছিল কি করে দলের কাজগুলো আরও ভালোভাবে চালানো যায়। ন্যান্সির এসব গুণের জন্যেই তো দলের অতি গোপন খবরও তাকে সে জানাত—এক কথায় ন্যান্সিকে সে বিশ্বাস করত সব ব্যাপারে। তাছাড়া, ন্যান্সিকে সঙ্গিনী হিসেবে বেছে নিয়েছে সাইক্‌স্—তার সবচেয়ে বড়ো সাগরদে! সে-হিসেবে ন্যান্সির স্থানও অনেক উঁচুতে তার দলের মধ্যে।

সেই ন্যান্সি আজ একরকম দলছাড়া—সাইক্‌সের নোংরা ঘরের এক কোণে বন্দি বললেই হয়।

যতোই এসব ভাবে ফ্যাগিন্ ততোই অপ্রসন্ন হয়ে ওঠে তার মন।

রবিবার রাতে সাইক্‌সের আস্তানায় বসে ফ্যাগিন্ পরামর্শ করছে সাইক্‌সের সাথে, এমন সময় গির্জার ঘড়িতে ঢং-ঢং করে এগারোটা বাজল।

সাইক্‌স বলল, ‘কাজ-কর্মের পক্ষে আজকের রাতটা খুবই চমৎকার!’

ফ্যাগিন্ কোনো জবাব না দিয়ে ন্যান্সির দিকে নীরবে ইশারা করল। সাইক্‌স দেখল, ন্যান্সি বাইরে যাবার পোশাক পরছে। সে চোঁচিয়ে জিজ্ঞাসা করল, ‘বলি, এত রাতে চললে কোথায়?’

‘বেশি দূরে নয়।’

‘যা জিজ্ঞেস করলাম তার জবাব দাও। কোথায় যাচ্ছে?’

‘জানি নে কোথায় যাচ্ছি।’

সাইক্‌স্ চাপা-রাগে বলল, ‘কোথায় যাচ্ছে, তা না বললে তোমাকে যেতে দেওয়া হবে না।’

আসল ব্যাপারটা এগিয়ে যাবার জন্যে ন্যান্সি বলল, ‘শরীরটা ভালো নেই, তাই একটু খোলা বাতাসে বেড়িয়ে আসতে চাই।’

সাইক্‌স্ গম্ভীরভাবে জানাল, ‘তা যদি হয়, তাহলে জানলা খুলে দিয়ে জানলার সামনে বসো, যথেষ্ট হাওয়া পাবে।’

ন্যান্সি তবু বাইরে যাবার জন্যে জেদ ধরল।

সাইক্‌স্ তখন ঘরের দরজা ক্লুপ এঁটে দিয়ে বলল, ‘যেখানে আছো, সেখানেই বসে থাকো চুপটি করে...হাওয়া খেয়ে আর কাজ নেই তোমার।’

ঘরের ভেতর থেকে কাঁদকাঁদ গলায় ন্যান্সি চোঁচিয়ে উঠল, ‘জানো, বিল, তুমি আমার কি ক্ষতি করছো?’

‘কি! কি করছি আমি!’—ফ্যাগিনের দিকে তাকিয়ে সাইক্‌স্ বলল, ‘ছুঁড়িটা আজ ক্ষেপে গেছে, নইলে আমার সঙ্গে এমন বেয়াড়া ভাবে কথা বলতে সাহস করত না!’

একথা শুনে ন্যান্সি দুহাতে নিজের বুক চেপে ধরে আপন মনে বলে উঠল, ‘তোমরা দুজনে আমাকে পাগল না করে ছাড়বে না? দরজা খুলে দাও, এখনি, আমাকে যেতে দাও এই মুহূর্তে।’

সাইক্স বলল, 'না।'

মাটিতে পা ঠুকে ন্যান্সি চেষ্টা করে ফ্যাগিনকে বলল, 'সাইক্সকে বল আমাকে ছেড়ে দিতে। এতে ওর ভালো হবে।'

সাইক্স ধমক দিয়ে বলে উঠল, 'ফের বেয়াড়াপনা করছো? আর একটুও গলার আওয়াজ শুনি তো কুকুরটা তোমার টুটি টিপে একেবারে চূপ করিয়ে দেবে!'

দরজার সামনে মেঝের উপর বসে পড়ে ন্যান্সি আবার অনুনয়ের সুরে বলল, 'আমাকে যেতে দাও বিল। তুমি জানো না, আমার কী ক্ষতি তুমি করছ—মাত্র এক ঘণ্টার জন্যে আমাকে ছেড়ে দাও!'

সজোরো ন্যান্সির হাত টেনে ধরে সাইক্স চোখ রাঙিয়ে বলল, 'চোপরাও হারামজাদি! মেঝে থেকে ওঠ!'

'উঠব না—যেতে না দিলে এখান থেকে উঠব না!'

ন্যান্সি চেষ্টা করে লাগল। তখন সাইক্স তাকে টেনে হিঁচড়ে পাশের একটা ছোটো কুঠুরির মধ্যে আটকে দরজায় তালা লাগিয়ে দিল।

গির্জার ঘড়িতে বারোটা বাজার শব্দ শোনার সঙ্গে সঙ্গে ন্যান্সি কিছুটা শান্ত হল—বাইরে যাবার আশা ছেড়ে দিল সে।

রাতে আর বাইরে যাবার চেষ্টা করবে না—সাইক্সকে এই প্রতিশ্রুতি দিয়ে ন্যান্সি ছাড়া পেল সেই ছোটো কুঠুরি থেকে।

সাইক্স বলল ফ্যাগিনকে, 'ভেবেছিলাম, ওকে পোষ মানিয়েছি, কিন্তু, না, এখনও ঠিক আগের মতোই ও বেয়াড়া আছে।'

এ-কথা শুনে ন্যান্সি খিল-খিল করে হেসে উঠল!

আরও কিছুক্ষণ কথাবার্তার পর ফ্যাগিন সাইক্সের কাছ থেকে বিদায় নিল। চলে যাবার সময় ফ্যাগিনকে নিচে পর্যন্ত এগিয়ে দিল ন্যান্সি হাতে বাতি ধরে।

ন্যান্সিকে একা পেয়ে ফ্যাগিন বলল, 'ন্যান্সি, তোমার কষ্ট দেখে আমার কান্না পাচ্ছে। সাইক্স একটা বাঁদর। তোমার কদর বোঝে না সে। সাইক্সের হাত থেকে যাতে রেহাই পাও তার ব্যবস্থা করবো শীগগির।'

ন্যান্সি চূপ করে শুনে গেল ফ্যাগিনের কথা। কোনো জবাব না পেয়ে ফ্যাগিন বুঝল—তার কথাটা ন্যান্সির মনে ধরে নি।

'আচ্ছা, এ নিয়ে পরে কথা হবে!' এই বলে দরজার বাইরে পা দিল ফ্যাগিন।

রাত্তায় বেরিয়ে ফ্যাগিন ন্যান্সির আজকের আচরণটা আর একবার তলিয়ে দেখল। ন্যান্সি কেন এত রাতে এক ঘণ্টার জন্যে বাইরে বের হবার জেদ ধরল—বেরোতে না দিলে ভাল হবে না বলে সাইক্সকে শাসাল। ফ্যাগিনের সন্দেহ হল, ন্যান্সি নিশ্চয়ই গোপনে কোনো কাজকারবার করছে, অথচ দলের কেউই এসব জানে না—এমন কি সাইক্সও তা জানে না।

ব্যাপারটা ভালো ঠেকল না ফ্যাগিনের। যতোই সে এসব ভাবে ততোই তার সন্দেহ বেড়ে যায় ন্যান্সির ওপর। শেষে ন্যান্সির ওপর গোপনে নগর রাখার ব্যবস্থা করবে বলে ঠিক করল।

* * * *

ভোরবেলা ফ্যাগিন তার নতুন সহচরের দেখা পেল। সে এসেই কাঁড়ি কাঁড়ি খাবার গিলতে লাগল।

ফ্যাগিন্ এগিয়ে এসে ডাকতেই নোয়া বলল, ‘খাওয়া শেষ হওয়ার আগে যেন কোনো কাজ করতে বেলো না আমাকে।’

মনে মনে নোয়ার মুণ্ডপাত করতে করতে ফ্যাগিন্ বলল, ‘তা, খেতে খেতে তুমি নিশ্চয়ই কথা বলতে পারো?’

‘হ্যাঁ তা পারি। কথা বলতে বলতে খেলে বেশি খাওয়া হয়ে যায়।’—এই বলে নোয়া বেশি করে খানিকটা রুটি টেনে নিয়ে বলল, ‘শার্লিট গেল কোথায়?’

‘তাকে বাইরে পাঠিয়েছি, তোমার সঙ্গে এখানে বসে গোপনে আমার আলোচনা করার জন্যে।’

নোয়া বলল, ‘তা, যাবার আগে শার্লিট আমার জন্যে মাখন মাখিয়ে খানকয়েক টোস্ট করে দিয়ে গেলে তো পারত।’

ফ্যাগিন্ তোষামোদের সুরে বলল, ‘কাল কিন্তু তোমার কাজ খুব চমৎকার হয়েছে—প্রথম দিনেই ছয় শিলিং সাড়ে নয় পেন্স! এরকম ছোটখাট ছিনতাই করেছে তোমার বরাত ফিরে যাবে।’

এভাবে নানা মিষ্টি কথায় নোয়াকে খুশি করে ফ্যাগিন্ শেষে নিজের একটা কাজ করে দেবার জন্যে অনুরোধ করল তাকে। কাজটায় কোনো বিপদের ভয় নেই—কেবল দলের একটা মেয়ের পেছন পেছন গিয়ে গোয়েন্দাগিরি করা। নোয়াকে জানতে হবে—সেই মেয়েটা লুকিয়ে কোন্ জায়গায় কাদের সাথে দেখা করে—কী ধরনের কথাবার্তা বলে বা কাদের কাছ থেকে কিরকম পরামর্শ শোনে। এসব খবর যোগাড় করে ফ্যাগিন্কে গোপনে জানাতে হবে, আর এই সামান্য কাজের জন্যে ফ্যাগিন্ পুরস্কার হিসেবে নোয়াকে এক পাউন্ড বখশিশ্ দেবে—একেবারে এক পাউন্ড! টাকার অঙ্কটা ফ্যাগিন্ বেশ একটু জোর দিয়ে বলল, যাতে নোয়ার মন ভেজে।

নোয়া রাজি হয়ে জিজ্ঞাসা করল, ‘তা, আমাকে কোথায় যেতে হবে?’

ফ্যাগিন্ বলল, ‘আমি সময়মতো তোমাকে তা জানাব। তুমি মোটের ওপর তৈরি থেকো।’

* * * *

নোয়া রোজই সেজেগুজে বসে থাকে—ফ্যাগিন্ রোজই হতাশ-মুখে এসে জানায় যে, এখনও সে-সময় আসেনি।

এরপর থেকে ফ্যাগিন্ রোজ ন্যান্সির খোঁজখবর নেয়, আর ন্যান্সির ওপর তার সন্দেহ যে মিথ্যে তা প্রমাণ হয়ে যায়। সাইক্সের কাছ থেকে ফ্যাগিন্ জানতে পারে যে আজকাল ন্যান্সি কি রকম যেন হয়ে গেছে—কিছুতেই ঘর থেকে বেরোতে চায় না।

সাইক্স বলে যে, সেদিনের রাতের ঘটনার পর থেকে ন্যান্সির অভিমান হয়েছে, যার জন্যে সে এরকম উদাস হয়ে থাকে।

ফ্যাগিন্ ন্যান্সির ওপর তার সন্দেহের কথা সাইক্সকে বলে। কথাটা শুনেই সাইক্স হেসে গড়াগড়ি যায় ফ্যাগিনের ভোঁতা মগজ দেখে।

সাইক্স বলে, ‘ন্যান্সি খুব জেদি মেয়ে—সে ইচ্ছে করলে সবকিছুই করতে পারে, কিন্তু বেইমানি সে কখনো করবে না। তাছাড়া আমাকে—’ কথাটা আর শেষ না করে হেসে উঠল সাইক্স।

ফ্যাগিন্ বলে, ‘কিন্তু যদি সে বেইমানি করে তাহলে তুমি কী করবে?’

সাইক্স বলল, ‘সকলের যা করা হয় ওরও তাই করবো। যেদিন শুনব ও বেইমানি করেছে, সেদিনই ওকে গলা টিপে মারব।’

‘কথাটা মনে থাকে যেন। এর খেলাপ করো না কিন্তু!’ ফ্যাগিন্ বলে ওঠে গভীরভাবে।

সাইক্সের মতো অতোটা ন্যান্সিকে বিশ্বাস করতে পারে না ফ্যাগিন্, তাই ন্যান্সির ওপর কড়া নজর রাখে দিনের পর দিন।

ফ্যাগিন্ ভাবে যে সাইক্স আজকাল শরীর খারাপের জন্যে বাড়ি থেকে বেরোয় না, তাই ন্যান্সিও বেরোবার সুযোগ পাচ্ছে না বলে তার সন্দেহের কুয়াশা পরিষ্কার হচ্ছে না। এরকম সাতপাঁচ ভেবে সাইক্সকে বাইরে একটা কাজে পাঠাবার চেষ্টা করল ফ্যাগিন্। লোভে পড়ে সাইক্সও কাজটা হাতে নিল এবং ঠিক করল, আগামী রবিবারের রাতে যখন সকলে আমোদ-আহ্লাদে ডুবে থাকবে তখন সে ফ্যাগিনের দেওয়া কাজটা হাসিল করবে।

রবিবার সন্ধ্যার কিছু আগে ফ্যাগিন্ হাসতে-হাসতে এসে নোয়াকে বলল, ‘আজ মনে হচ্ছে, সে-মেয়েটা বাড়ি থেকে রাতে বেরাবে। যে-লোকটাকে সে ভয় করে, সেও আজ রাতে বাড়িতে থাকবে না—ভোরের আগে সে ফিরবে না। নাও, তাড়াতাড়ি তৈরি হয়ে নাও।’

জানা-পথের গোলক-ধাঁধা পেরিয়ে ফ্যাগিন্ আর নোয়া এসে হাজির হল সাইক্সের আস্তানায়। নোয়া যে-ইহুদি ছোকরাকে সরাইখানায় দেখেছিল, সে-ই দরজা খুলে দিল এবং তার সাহায্যে নোয়া নিজে গা-ঢাকা দিয়ে ন্যান্সিকে ভালো করে দেখে নিল।

রাত এগারোটায় ন্যান্সি বাড়ি থেকে বেরোবার সঙ্গে-সঙ্গে নোয়া দূর থেকে তার পেছন পেছন যেতে লাগল।

রাত সোওয়া-এগারোটায় সময়ে লন্ডন ব্রিজের ওপর দুটো মানুষকে দেখা গেল আগে পিছে—নোয়া খানিকটা তফাতে থেকে অতি সাবধানে পিছু নিয়ে চলেছে ন্যান্সির।

ঘন আঁধারে-ভরা রাত। যে-সব গৃহহারার দল ব্রিজের ওপরে রাতের আশ্রয় খুঁজে নিয়েছিল, তাঁরা আঁধারের দরুন ন্যান্সি ও নোয়াকে তেমন ঠাঠর করতে পারল না।

নদীর ওপরে কুয়াশার ঢল নেমেছে। দু’একখানা নৌকোর আলো কুয়াশা ভেদ করে ফুটে উঠেছে আবছাভাবে।

মিনিট-দুয়েক পরে সেখানে এসে একটা ভাড়াটে-গাড়ি থামল। সেই গাড়িটা থেকে এক বুড়ো ভদ্রলোক নামলেন একটা তরুণীকে নিয়ে। বুড়ো ভদ্রলোক হলেন মিঃ ব্রাউন্লো, আর তরুণী হচ্ছে রোজ্।

ন্যান্সি তাড়াতাড়ি তাঁদের কাছে এগিয়ে গিয়ে বলল, ‘এখানে নয় — এখানে এই সদর রাস্তায় দাঁড়িয়ে আপনাদের সঙ্গে কথা বলতে ভয় করছে... চলুন ওই পোলের সিঁড়ির ওপর।’—এই বলে সে সিঁড়ির দিকে আঙুল দেখিয়ে দিল।

দূর থেকে ন্যান্সির আঙুল-দেখানো দেখে, নোয়া আগে থাকতেই পা টিপে-টিপে সিঁড়ির নিচে গিয়ে লুকিয়ে রইল।

ন্যান্সির পেছন-পেছন মিঃ ব্রাউন্লো ন্যান্সিকে বললেন, ‘আমি আর এগোতে দেবো না আমার সঙ্গিনীকে... অনেক দূর এগিয়েছি তোমাকে খুশি করার জন্যে।’

‘আমাকে খুশি করার জন্যে!’—জোরালো গলায় বলল ন্যান্সি, ‘বলুন! বলুন! আমি তো আগেই বলেছি, আপনাদের সঙ্গে এখানে দাঁড়িয়ে কথা বলতে আমার ভয় করছে। কি যে হয়েছে আমার আজ, জানি নে হয়তো বা মরণের ভয়! রক্তমাখা লাশের চেহারা যেন সারাদিন আমার চোখে ভাসছে! সন্ধ্যার পর একখানা বই পড়ছিলাম—মনে হল, ছাপার অক্ষরগুলোও যেন রক্তমাখা রয়েছে?’

রোজ্ মিঃ ব্রাউন্লোক ন্যান্সির সাথে সদয় ব্যবহার করার জন্যে অনুরোধ করল।

মিঃ ব্রাউন্লো বললেন, ‘গত রবিবার তো তুমি আসোনি এখানে?’

ন্যান্সি বলল, ‘আমাকে ওরা জোর করে আটকে রেখেছিল।’

মিঃ ব্রাউন্লো জিজ্ঞাসা করলেন, ‘আজ এখানে আসার জন্যে তোমায় কেউ সন্দেহ করবে না তো?’

ন্যান্সি জবাব দিল, ‘না, তা করবে না কেউ।’

মিঃ ব্রাউন্লোর আরও প্রশ্নের জবাবে ন্যান্সি জানাল যে, সে ফ্যাগিনকে ধরিয়ে দিতে রাজি নয়। সে যুক্তি দেখিয়ে বলল, ‘সত্যি বটে সে বদ্ লোক, কিন্তু আমিও তো ভালো মেয়ে নই! একসঙ্গে বাস করি আমরা—ইচ্ছে করলে আমারও ক্ষতি করতে পারতো সে, কিন্তু তা তো সে করেনি!’

মিঃ ব্রাউন্লো বললেন, ‘তাহলে মঙ্স্কে তুলে দাও আমার হাতে। আমি কথা দিচ্ছি, তোমাদের কোনো ক্ষতি হবে না এবং তোমার মত না নিয়ে ফ্যাগিনকে আদালতে হাজির করাবো না।’

ন্যান্সি রোজ্কে জিজ্ঞাসা করল, ‘আপনিও কি এই প্রতিশ্রুতি দিচ্ছেন?’

রোজ্ বলল, ‘হ্যাঁ, আমিও এই প্রতিশ্রুতি দিচ্ছি।’

তখন ন্যান্সি এত নিচু গলায় কথা বলতে লাগল যে, নোয়া তার গোপন স্থান থেকে কিছু কিছু শুনতে পেল। মঙ্সের গতিবিধি সম্বন্ধে ন্যান্সি যা জানতো, তা সে রোজ্ এবং মিঃ ব্রাউন্লোকে জানিয়ে বলল, ‘মঙ্স্ দেখতে লম্বা... দুলে-দুলে চলে... চলার সময় মাঝে-মাঝে বাঁদিকে ঘাড় ফিরিয়ে সাথে-সাথে ডানদিকে ঘাড় ফেরায়-মুখখানা তামাটে রঙের... আর সব সময় একটা লম্বা কোট পরে তার কলারটা উঁচু করে দিয়ে, গলা ঢেকে রাখে। তার গলায়—’

‘একটা লাল দাগ আছে।’—বললেন মিঃ ব্রাউন্লো।

‘সে কি! আপনি চেনেন কি তাকে?’

‘বোধহয় চিনি। যাক্, তুমি বড় উপকার করলে আমাদের। এখন বলো, আমরা কী করতে পারি তোমার জন্যে।’

ন্যান্সি বলল, ‘কিছু না—কিছু না!’

মিঃ ব্রাউন্লো বললেন, ‘তুমি একজন মহীয়সী রমণী। একটা অসহায় অনাথ ছেলেকে বাঁচাবার জন্যে বিপদের ঝুঁকি নিয়ে এখানে এসেছো। তোমাকে পুরোনো সাথীদের কাছে ফিরে যেতে দিতে চাই নে আমি। তুমি যদি চাও তো কাল ভোরের আগেই এদেশ থেকে বহুদূরে বিদেশের কোনো ভালো জায়গায় তোমাকে পাঠিয়ে দেবার ব্যবস্থা করতে পারি। সেখানে তুমি পাবে ভালো পরিবেশ, নিরাপদ ও নিশ্চিন্ত আশ্রয়। তাছাড়া অর্থের ভাবনা তোমার থাকবে না। তুমি শুধু রাজি হও—তারপর যা করার আমি করব।’

ন্যান্সি বলল, ‘না-না, আমি আমার পুরোনো জীবন থেকে দূরে সরে যেতে পারি নে—এখন অনেকদূর এগিয়ে গেছি—আর সেখান থেকে ফিরে যেতে পারি নে।’

মিঃ ব্রাউন্লো বললেন, ‘তাহলে আর কি করা যাবে! যাক্, চলি আমরা—তোমাকে বোধহয় কিছু বেশি সময় আটকে রেখেছি।’

ন্যান্সি নিচু গলায় বলল, ‘হ্যাঁ।’

রোজ্ ও মিঃ ব্রাউন্লো চলে গেলেন। ন্যান্সি সিঁড়ির ওপর প্রায় উপুড় হয়ে পড়ে কেঁদে-কেঁদে তার মনের ব্যথা দূর করল কিছুক্ষণ ধরে। তারপর দুর্বল শরীরে কাঁপতে-কাঁপতে চলে গেল সেখান থেকে।

নোয়া যখন উঁকি মেরে দেখে বুঝল যে, সবাই চলে গেছে, তখন সে তার লুকোনো জায়গা থেকে বেরিয়ে তাড়াতাড়ি ফ্যাগিনের আড্ডার দিকে এগিয়ে চলল।

* * *

ভোর হতে তখনো ঘণ্টা-দুয়েক বাকি। শরৎকালে এ-সময়টা মাঝরাত বলেই মনে করা হয়। চারদিক চুপচপ—কোনো সাড়াশব্দ নেই কোথাও! ফ্যাগিন্ তার আস্তানায় বসে আছে—তার মুখ ফ্যাকাশে, চোখ দুটো লাল। মেঝের ওপর একখানা জাজিমে গভীর ঘুমে এলিয়ে আছে নোয়া।

ন্যান্সির ওপর ঘেন্নায় ও রাগে জ্বলে পুড়ে যাচ্ছে ফ্যাগিনের মন। সে নোয়ার এ কথাই বিশ্বাস করে নি যে, ন্যান্সি তাকে ধরিয়ে দিতে রাজি হয় নি।

এমন সময়ে একটা বাউল হাতে সাইক্স্ সেখানে হাজির হল। বাউলটা ফ্যাগিনকে দিয়ে সে বলল, ‘তুলে রাখো এটা... ভারী কষ্ট হয়েছে এটা জোগাড় করতে...নইলে দু-ঘণ্টা আগেই এখানে এসে পৌঁছোতাম।’

বাউলটা তুলে রেখে ফ্যাগিন্ একনজরে সাইক্সের দিকে তাকিয়ে রইল। তার চোখেমুখে ফুটে উঠেছে প্রতিহিংসার ছায়া।

সাইক্স্ জিজ্ঞাসা করল, ‘কী ব্যাপার, ফ্যাগিন্? অমন হাঁ করে আমার দিকে তাকিয়ে আছো কেন?’

ফ্যাগিন্ রাগে এমন তেতে গিয়েছিল, যে চেষ্টা করেও সে কথা বলতে পারল না।

সাইক্স্ বিরক্ত হয়ে বলে উঠল, ‘কী হল ফ্যাগিন্? ক্ষেপে গেলে নাকি আমার ওপর? মারবে নাকি আমাকে?’

ফ্যাগিন্ কোনোমতে বলল, ‘না, না, তোমার ওপর কোনো রাগ নেই আমার।’

সাইক্স্ এবার নিজের পকেটে লুকোনো পিস্তলটায় হাত রেখে মৃদু হেসে বলল, ‘না থাকলেই ভালো, নইলে আমাদের মধ্যে খুনোখুনি হয়ে একজন হয়তো টেসে যেতো। কার কপালে মরণ ঘটত, তা নিয়ে এখন আর মাথা ঘামিয়ে আমাদের কাজ নেই।’

সাইক্সের কথায় কান না দিয়ে ফ্যাগিন্ বলল, ‘তোমার সঙ্গে আমার বিশেষ একটা কথা আছে, বিল্।’

সাইক্স্ বলল, ‘বলে ফ্যালো তাড়াতাড়ি, নইলে আর দেরি করলে ন্যান্সি হয়তো ভাববে যে, আমি মারা গেছি।’

‘তা, সে তোমাকে মেরে ফেলার পথ তৈরি করেই এসেছে! আচ্ছা, মনে করো, ওই যে ছেলেটা ওখানে পড়ে ঘুমোচ্ছে’ বলেই ঘুমন্ত নোয়ার দিকে আঙুল দেখিয়ে বলতে লাগল ফ্যাগিন্, ‘ও যদি আমাদের দুশমনদের কাছে গিয়ে আমাদের গোপন কথা ফাঁস করে দেয়—যদি আমাদের আস্তানার খোঁজ আর আমাদের কারুর কারুর চেহারার বিবরণ দিয়ে আসে, তাহলে—তাহলে তুমি ওকে কী করবে?’

‘তাহলে আমি জুতোর তলায় কাঁটা দিয়ে মাড়িয়ে ওর মাথাটা ঝাঁঝরা করে দেব।’

‘ঠিক তো?’

‘এখনই পরখ করে দেখতে পারো আমাকে।’

‘যদি চার্লি বা ধুরন্ধর এমন জঘন্য কাজ করে? কিংবা—’

‘যে-কেউই হোক না কেন, বাহুবিচার করব না আমি... তাকে ওরকম সাজা দেবোই।’

সাইক্সের এ-কথা শুনে নোয়াকে ডেকে তুলে ফ্যাগিন্ তাকে ন্যান্সির গত রাতের গোপন অভিযানের কথা বলতে বলল।

নোয়া তখন খোলাখুলি বলে যেতে লাগল, কীভাবে সে ন্যান্সির পিছু পিছু ধাওয়া করে লন্ডন ব্রিজ পর্যন্ত গিয়েছিল, আর কিভাবে ন্যান্সি সেই বুড়ো ভদ্রলোক এবং তরুণীর সঙ্গে দেখা করে মক্কসের কথা তাদের বলে দিয়েছিল।

‘শয়তানী! শয়তানী!’ বলে চোঁচাতে চোঁচাতে সাইক্‌স্‌ লাফ দিয়ে দরজার দিকে মাতালের মতো ভীষণ হুঙ্কার ছড়িয়ে ছুটে গেল। ব্যাপারটার সাংঘাতিক পরিণতি হবে বুঝতে পেরে ফ্যাগিন্‌ দৌড়ে পেছন থেকে সাইক্‌সের হাত পাকড়ে ধরল, কিন্তু ফ্যাগিনের হাত ছাড়িয়ে ঘর থেকে ছুটে বেরিয়ে গেল সাইক্‌স্‌।

ফ্যাগিন্‌ সাইক্‌সের পেছন পেছন দৌড়োতে দৌড়োতে তাকে অনুরোধ জানাল, ‘ন্যান্সির ওপর খুব বেশি অত্যাচার করো না, বিল্‌! তাহলে আমাদের দলের সকলেরই বিপদ ঘটবে।’

কোনো জবাব না দিয়ে সাইক্‌স্‌ ছুটতে লাগল। তারপর কোথাও না থেমে এবং কোনোদিকে না চেয়ে সোজা এসে সে হাজির হল নিজের আস্তানায়। তারপর চূপচাপ ঘরে ঢুকেই দরজায় চাবি দিয়ে ন্যান্সিকে ঘুম থেকে জাগাল সে।

ন্যান্সি চমকে জেগে উঠেই বলে উঠল, ‘বিল্‌, তুমি!’

ঘরে একটা মোমবাতি জ্বলছিল। সাইক্‌স্‌ বাতি নিবিয়ে দিয়ে সেটাকে ছুড়ে ফেলে দিল ঘরের কানাচে।

ভোরের আলো ফুটে উঠেছে দেখে ন্যান্সি বিছানা ছেড়ে উঠে জানালার পরদা সরিয়ে দিতে গেল।

সাইক্‌স্‌ বাধা দিয়ে বলল, ‘পরদা যেমন আছে তেমনি থাক্‌, আমার কাজের জন্যে দরকারি আলো ঘরে আছে।’

ন্যান্সি সভয়ে বলল, ‘বিল্‌, তুমি অমনভাবে আমার দিকে তাকিয়ে আছো কেন?’

হিংস্র আক্রোশে সাইক্‌স্‌ দু-এক মুহূর্ত ন্যান্সির দিকে তাকিয়ে থেকে তার টুটি টিপে তাকে ঘরের এককোণে টেনে আনল এবং হাত দিয়ে সজোরে তার মুখ চেপে ধরল।

ন্যান্সি নিজেকে ছাড়িয়ে নেবার জন্যে প্রাণপণ চেষ্টা করতে করতে বলল, ‘বিল্‌, বিল্‌, চোঁচাব না আমি একটুও... কাদব না এক ফোঁটা... শুধু আমাকে খুন করার আগে বলো, আমি তোমার কি করেছি!’

সাইক্‌স্‌ দাঁতে দাঁত চেপে বলল, ‘শয়তানি, ডুবে ডুবে জল খাচ্ছি? জানিস্‌, কাল রাতে তোর পেছনে চর লেগেছিল! তুই লুকিয়ে যেখানে গিয়েছিলি আমাদের সর্বনাশ করার জন্যে, তাদের যা বলে এসেছি স্‌ সেখানে, তা সবই জানি! বেইমান কোথাকার!’

ন্যান্সি আতঁনাদ করে বলে উঠল, ‘বিশ্বাস করো বিল্‌, আমি তোমাকে বাঁচাবারই চেষ্টা করেছি... তোমার সঙ্গে কোনো বেইমানি আমি করি নি! আমাকে খুন করার আগে আমার কথা শোনো... শুধু আমার জন্যে নয়, তোমার ভালোর জন্যেও বলছি, বিল্‌, আমায় খুন করার আগে আমাকে বলতে দাও সব কথা। সত্যি বলছি, বিশ্বাস করো, বেইমানি আমি করি নি।’

ন্যান্সির চুলের মুঠি ধরে তাকে মাটিতে ফেলে হিড়হিড় করে টানতে টানতে সাইক্‌স্‌ বলল, ‘মিছে কথা বলিস্‌ নে শয়তানি! কাল রাতে ওদের চর তোকে নজর করেছে, আর কী কী কথা বলেছি তাও সে শুনেছে। এর পরেও কি তুই বলবি, বেইমানি করিস্‌ নি। বল্‌ হারামজাদি, আর কি বলবি তাই বল্‌।’

সাইক্‌সের পা দুটো জড়িয়ে ধরে ন্যান্সি বলে ওঠে, ‘তোমার প্রাণ বাঁচাবার জন্যে চেষ্টা করেছি আমি, তার বদলে তোমার কাছে আমার প্রাণ ভিক্ষে চাইছি। ছেড়ে দাও আমাকে বিল্‌। ওরা আমাকে বিদেশে নিরাপদ আশ্রয় দিতে চেয়েছিল। আমি... আমি তোমার মুখের দিকে চেয়ে তা নেই নি। তুমি চাও তো আমাদের দুজনের জন্যেই বহু দূরে বিদেশে নিরাপদ নিশ্চিন্ত আশ্রয়ের জন্যে বলব ওদের—ওরা তা নিশ্চয়ই দেবে আমাদের। আমাকে ছাড়ো—আমার গলা ছাড়ো! উঃ, বডেডা লাগছে—মরে গোলাম বিল্‌...বিল্‌...’

এতক্ষণে সাইক্‌স্‌ ন্যান্সির গলা টিপে ধরেছে এক হাতে, আর অন্য হাতে নিজের

পিস্তলটা বাগিয়ে ধরেছে। কিন্তু প্রচণ্ড রক্তের মাথায়ও তার খেয়াল হল যে, পিস্তল ছুড়লে লোক জানাজানি হয়ে যাবে, আর তাতে হয়তো তাকে খুনের দায়ে হাতেনাতে ধরা পড়তে হবে। তাই সে পিস্তলের উল্টো দিকটা দিয়ে ন্যান্সির কপালে ও মুখে বারবার সজোরে ঘা মারতে লাগল।

ন্যান্সি মেঝের ওপর পড়ে গেল...তার কপালের ও মুখের ক্ষত থেকে ফিন্‌কি দিয়ে রক্ত ঝরতে লাগল। সাইক্স্‌ তবুও থামল না... ন্যান্সির রক্তমাখা মুখের ওপর একনাগাড়ে প্রচণ্ড আঘাত হানতে লাগল সে। ন্যান্সি আর সইতে পারল না। তবুও বহু কষ্টে সে শেষবারের মতো হাঁটু গেড়ে উঠে একবার বসল, তারপর বুকের ভেতর থেকে রোজের দেওয়া রুমালখানা বের করে আকাশের দিকে মুখ তুলে হাত জোড় করে প্রার্থনা জানাল ঈশ্বরের কাছে। মুখের ভাষা তার বের হল না... বিড়বিড় করে কী যেন বলতে গিয়ে তার ঠোঁট দুটো কেবল সামান্য নড়ে উঠল, তারপর ধীরে ধীরে স্থির হয়ে গেল... সঙ্গে সঙ্গে তার চোখ দুটো গেল বুঁজে চিরদিনের মতো।

সাইক্স্‌ তাতেও খুশি হল না। ন্যান্সির দেহে প্রাণের বিন্দুমাত্র স্পন্দন থাকতে সে তাকে ছাড়বে না। তাই একগাছা ভারী লাঠি দিয়ে বারবার আঘাত করতে লাগল মৃত ন্যান্সিকে। তারপর সে একখানা কম্বল দিয়ে ঢেকে দিল ন্যান্সির দেহটাকে। পড়ে রইল শুধু রক্ত আর মাংস... নরম তুলতুলে মাংস আর গাঢ় অটেল রক্ত।

সাইক্স্‌ তখন আগুন জেলে লাঠিগাছা পুড়িয়ে ছাই করে ফেলল, হাতমুখ ধুয়ে পোশাক ঘষে ঘষে তুলে ফেলতে লাগল রক্তের দাগ। পোশাকের কোনো কোনো জায়গা থেকে জলে ধুয়েও রক্তের রাগ উঠছে না দেখে, সাইক্স্‌ সে-সব জায়গা কাঁচি দিয়ে কেটে ফেলল। তারপর কুকুরটাকে নিয়ে রাস্তায় বেরিয়ে পড়ল সে। পথ দিয়ে যেতে যেতে একবার সে তার ঘরের জানালার দিকে তাকিয়ে দেখল, —পরদাটা ঠিক তেমনি করে খুলছে। ন্যান্সি যে-আলোর জন্যে পরদাটা সরাতে গিয়েছিল, সে-আলো আর সে দেখবে না কোনো দিন।

সূর্য তখনও ওই জানলার ধারে-কাছে সকালের সোনালি কিরণ ছড়াচ্ছে।

শিশু দিয়ে কুকুরটাকে ডেকে খুব জোরে পা চালিয়ে দিল সাইক্স্‌ নতুন আস্তানার খোঁজে।

ষোড়শ পরিচ্ছেদ

সন্ধ্যার মুখে একখানা গাড়ি করে নিজের বাড়ির দরজায় এসে নামলেন মিঃ ব্রাউন্‌লো সঙ্গে দুজন লোক নিয়ে। মিঃ ব্রাউন্‌লোর হুকুমে লোক দুজন গাড়ির ভেতর থেকে নামিয়ে আনল মঙ্‌স্‌কে।

তারপর সিঁড়ি বেয়ে উঠে, বাড়ির পেছনের দিকে একখানা ঘরের সামনে তারা মঙ্‌স্‌কে নিয়ে হাজির হল। তাদের পেছন পেছন এলেন মিঃ ব্রাউন্‌লো।

মঙ্‌স্‌কে ঘরে ঢুকতে নারাজ দেখে মিঃ ব্রাউন্‌লো বললেন, ‘ঘরে না গেলে তোমাকে পুলিশ ডেকে ধরিয়ে দেবো।’ সে-কথা শুনে ভয় পেয়ে মঙ্‌স্‌ ঘরে ঢুকল। মিঃ ব্রাউন্‌লো তাঁর সঙ্গীদের বললেন, ‘তোমরা ঘরের দরজা বন্ধ করে বাইরে যাও—আমি ডাকলে তবে এসো।’

লোক দুজন ঘর থেকে বেরিয়ে যাবার পর মঙ্‌স্‌ মিঃ ব্রাউন্‌লোকে বলল, ‘বাবার বন্ধু হয়ে চমৎকার ব্যবহার করছেন আমার সঙ্গে!’

মিঃ ব্রাউন্‌লো বললেন, ‘তোমার বাবার বন্ধু বলেই তো এরকম ব্যবহার করতে হচ্ছে আমাকে, নইলে এতক্ষণ জেলে পচে মরতে। তোমার বাবার সঙ্গে শুধু আমার গভীর বন্ধুত্ব ছিল না, তোমাদের পরিবারের আরও একজনের সঙ্গে আমার ভালোবাসা ছিল। বহুকাল আগে তোমার পিসীমার সঙ্গে আমার বিয়ে ঠিক হয়েছিল, কিন্তু ঈশ্বরের ইচ্ছা ছিল

অন্যরকম, তাই বিয়ের আগেই তোমার পিসীমা মারা যান। তাঁরই স্মৃতি আজও করে বেড়াচ্ছি আমি, তাই তোমার সঙ্গে সদয় ব্যবহার করছি, এডওয়ার্ড লিফোর্ট।’

মহ্‌স্ বলল, ‘ও-নামের সঙ্গে আমার কি সম্পর্ক?’

‘কিছু না! আমি খুব খুশি যে, তুমি ও-পদবী পাল্টে ফেলেছো।’

মহ্‌স্ বলল, ‘আমাকে এখানে ধরে নিয়ে এসেছেন কেন, তা কি জানতে পারি?’

মিঃ ব্রাউন্‌লো বললেন, ‘তোমার ভাইয়ের জন্যেই তোমাকে এখানে ধরে এনেছি তোমার সঙ্গে বোঝাপড়া করতে!’

‘আমার কোনো ভাই নেই!’

মিঃ ব্রাউন্‌লো বললেন, ‘খাপ্পা দিও না আমাকে। আমি তোমাদের পরিবারের সব স্ববর রাখি। তোমার বাবা বিয়ে করার কিছুকাল পরেই তোমার জন্ম হয়। তোমার বাবার পারিবারিক জীবন খুবই অশান্তিময় ছিল, বিশেষঃ তোমার মা তোমার বাবার চেয়ে দশ বছরের বড়ো হওয়ার জন্যে। তারপর তোমার মায়ের চালচলনের ফলে তোমার বাবার জীবন নষ্ট হয়ে যেতে বসে। সে সময় তোমার মা তোমাকে নিয়ে বিদেশে-বিদেশে ঘুরে বেড়ান, আর তোমার বাবা নিজের দেশেই পড়ে থাকেন একলা দীর্ঘদিন ধরে।’

মহ্‌স্ বলল, ‘আমি এসব কিছুই জানি নে।’

মিঃ ব্রাউন্‌লো বললেন, ‘মিথ্যে কথা, তুমি সবই জানো। এসময় তোমার বাবার সঙ্গে নৌবাহিনীর এক অবসরপ্রাপ্ত কর্মচারী এবং তাঁর স্ত্রী ও দুই মেয়ের আলাপ হয়। তখন বড় মেয়েটার বয়স উনিশ, ছোটোটা বছর-ছয়েকের। সেই বড় মেয়েটাকে তোমার বাবা বিয়ে করবেন বলে পাকা কথা দেন। এমন সময়ে এক মুমূর্ষু ধনী আত্মীয়কে দেখতে তোমার বাবা রোমে চলে যান, কেননা তিনি ওই আত্মীয়ের উত্তরাধিকারী ছিলেন। রোমে গিয়ে তোমার বাবা কঠিন রোগে পড়ে কয়েকদিনের মধ্যেই মারা যান। তিনি কোনো উইল করে যেতে পারেন নি, তাই তাঁর সমস্ত সম্পত্তির মলিক হলে তুমি আর তোমার মা।’

বাবা কোনো উইল করে যান নি, এ কথা মিঃ ব্রাউন্‌লোর মুখ থেকে শুনে মহ্‌স্ এবার স্বস্তির নিশ্বাস ফেলল।

মিঃ ব্রাউন্‌লো আবার বলতে লাগলেন, ‘রোমে যাবার আগে তোমার বাবা আমার কাছে কয়েকটা জিনিস রেখে যান। তার মধ্যে তাঁর নিজের হাতে-আঁকা একখানা ছবি ছিল—সেখানে তাঁর বাগদস্তা বউয়ের। সেই আমাদের দুজনের শেষ দেখা। তাঁর মৃত্যুর পরে বাগদস্তা বউটার খোঁজ নিতে গিয়ে জানলাম যে, তাদের পরিবার পুরোনো বাড়ি ছেড়ে কোথায় চলে গেছে কেউ তা জানে না।’

মিঃ ব্রাউন্‌লো আরও বললেন, ‘কিছুদিন আগে তোমার ভাইকে আমি বদমাইস্‌দের দল থেকে উদ্ধার করি। তখন তাকে আমি তোমার ভাই বলে চিনতাম না। সে যখন অসুস্থ হয়ে আমার বাড়িতে ছিল, তখন তার চেহারার সঙ্গে তোমার বাবার হাতে-আঁকা বাগদস্তা বউটার ছবিখানার মিল দেখে অবাক হয়ে যাই। তাছাড়া, তোমার ভাইয়ের চোখে-মুখে তোমার বাবার আদলও দেখতে পেয়ে আমার সন্দেহ বেড়ে যায়। কিন্তু তোমার ভাইয়ের ইতিহাস জানার আগেই তাকে রাস্তা থেকে জোর করে ধরে নিয়ে গেল ওরা। তারপর অনেক খোঁজ করেও তার আর খবর পাই না। এদিকে তোমার মাও মারা গেছেন, আর তুমিও ওয়েস্ট ইন্ডিজের আছো বলে আমার তখন জানা ছিল। তাই মনে হল, তোমার ভাইয়ের ইতিহাস হয়তো তুমিই একমাত্র জানতে পারো। তাই তোমার খোঁজে ওয়েস্ট ইন্ডিজের যাই। তারপর কতদিন কত জায়গায় খুঁজছি তোমাকে, কিন্তু তোমার দেখা পেলাম আজ মাত্র দুঘণ্টা আগে।’

সদর্পে দাঁড়িয়ে মঙ্ক্‌স বলল, 'এতেই আমাকে চোর আর জালিয়াৎ বলে ঠাওরালেন? আপনি এও নিশ্চিত জানেন না যে, আমার বাবার দ্বিতীয় পক্ষের কোনো ছেলে ছিল কি না!'

মিঃ ব্রাউনলো বললেন, 'আগে তা জানতুম না বটে, কিন্তু গত পনেরো দিনের মধ্যে সবকিছুই জেনে ফেলেছি। জেনেছি যে, ভাই তোমার হয়েছিল, আর তুমিও তাকে ভালো করেই চেনো। উইলও ছিল তোমার বাবার, কিন্তু তোমার মা নষ্ট করে ফেলেছেন সেখানে। সেই উইলে তোমার ভাইয়ের সম্বন্ধে কিছু বলা ছিল, আর তোমার মার কাছ থেকে সে খবরটাও তুমি পেয়েছো। তারপর রাস্তায় নিজের ভাইকে চুরির দায়ে পুলিশ ধরেছে দেখে খুশিতে তুমি ডগমগ হয়ে উঠলে, আর তার বাবার পরিচয়ের প্রমাণ সম্বন্ধে তো তুমি নিজেই বলেছ, 'ছোঁড়াটার পরিচয়ের একমাত্র চিহ্ন এখন নদীর তলায়। আর যে-বুড়ি ওর মায়ের কাছ থেকে সেটা নিয়েছিল, সেও আজ কবরে শুয়ে।' এখনো কি তুমি আমার এসব কথার প্রতিবাদ করতে সাহস পাও, এডওয়ার্ড লীফোর্ড?'

এ কথার প্রতিবাদ করার মতো কোনো উচিত জবাব সহসা খুঁজে না পেয়ে মঙ্ক্‌স মাথা হেঁট করে দাঁড়িয়ে রইল।

দারুণ ক্রোধে মিঃ ব্রাউনলো বলে চললেন, 'ওই ঘৃণ্য শয়তান ফ্যাগিনের কাছে তুমি যা বলেছ, তার প্রতিটি কথাই আমি জানি। নির্ঘাতিত অলিভারের দুঃখে ন্যান্সির মতো মেয়েরও প্রাণ কেঁদে ওঠে... অলিভারকে বাঁচাতে গিয়ে ন্যান্সি নিজের প্রাণ খোয়াতে বাধ্য হয়েছে... তাকে যারা খুন করেছে তার মধ্যে তুমিও আছো।'

'না-না, ন্যান্সির খুনের সাথে আমি জড়িয়ে নেই... তাকে খুন করার কারণও আমি কিছুই জানি না।' ভয়ে চোঁচিয়ে ওঠে মঙ্ক্‌স।

মিঃ ব্রাউনলো বললেন, 'তোমার গোপন কথা ন্যান্সি ফাঁক করে দিয়েছে বলেই তাঁকে খুন করা হয়েছে।'

একথা শুনে মঙ্ক্‌স খুব ভয় পেল। সে মিস্টার ব্রাউনলোর দাবি মেনে নিয়ে তাঁর কথামতো সাক্ষীর সামনে সব কথা খুলে বলে অলিভারকে নিজের ভাই বলে স্বীকৃতি-পত্র লিখে দিতে এবং বাবার উইলমতো অলিভারকে তার পাওনা বুঝিয়ে দিতে আপত্তি করল না।

মিঃ ব্রাউনলো যখন মঙ্ক্‌সকে নিজের কবজায় নিয়ে এসে তার সাথে একটা বোঝাপড়া করে ফেললেন অলিভারের বিষয়সম্পত্তি নিয়ে, সেই সময় ডাক্তার লস্বার্ন সে-ঘরে ঢুকে জানানলেন যে, সাইক্‌সকে শ্রেষ্ঠার করার জন্যে চারদিকে লোক পাঠানো হয়েছে, আর তার শ্রেষ্ঠারের জন্যে সরকার একশো পাউন্ড পুরস্কার ঘোষণা করেছে। এ-কথা শুনে মিঃ ব্রাউনলো নিজে আরও পঞ্চাশ পাউন্ড পুরস্কার দেবার ইচ্ছা প্রকাশ করলেন।

'বেচারী মেয়েটার খুনের প্রতিশোধ নেবার জন্যে আমার রক্ত টগব্‌গ করে ফুটছে।' একথা বলে ডাক্তার লস্বার্ন চলে গেলেন।

সপ্তদশ পরিচ্ছেদ

টেম্‌স্‌ নদীর তীরে একটা মস্ত বড়ো বস্তি। লন্ডনের বেশিরভাগ বদমাইশদের আড্ডা সেখানে। কতকগুলো নোংরা সরু গলির গোলকধাঁধা পেরিয়ে সেখানে পৌঁছোতে হয়। গলিগুলোতে গরিবেরাই বাস করে থাকে পরিবার নিয়ে। গলিতে অনেকগুলো সস্তা মালপণ্ডরের দোকান। পথে বেকার শ্রমিকদের ভিড়। টেম্‌স্‌-নদীর একটা খাল আছে সেখানে। জোয়ারের সময় সেই খালটা জলে ভরে যায়। এ-অঞ্চলের বাড়িগুলো সবই জিরজিরে আর পোড়ো। যাদের পুলিশের নজর এড়িয়ে লুকিয়ে থাকতে হয়, বা অভাবের জন্যে যারা অন্য জায়গায় যেতে পারে না, তারা এই এরকম বাড়িগুলোতে বাস করছে।

এই অঞ্চলেই বেশ একটা বড়ো বাড়ির দোতলায় একখানা ঘরে বিকেলবেলা বসে ছিল—টোবি ক্র্যাকিট, টম্ চিটলিং, আর একটা পুরোনো ডাকাত—তার নাম ক্যাগ্‌স্‌।

চিটলিং জানাল যে, বেলা দুটোর সময় ফ্যাগিন্‌ ধরা পড়েছে পুলিশের হাতে, আর কোনোমতে ঘরের চিমনি বেয়ে সে আর চার্লি পালিয়ে এসেছে। বোল্টার একটা খালি চৌবাচ্চার ভেতরে লুকিয়েছিল, কিন্তু শেষে সে-ও ধরা পড়েছে। 'ত্রিভঙ্গ' সরাইখানার সকলকেই কয়েদ করা হয়েছে।

ক্যাগ্‌স্‌ বলল যে, বোল্টার নিশ্চয়ই রাজসাক্ষী হবে।

এমন সময় সাইক্সের কুকুরটা হাঁপাতে-হাঁপাতে ঘরের মধ্যে ঢুকে নেতিয়ে পড়ল। ওরা তাকে জল খেতে দিল।

সন্ধ্যা উতরে যেতেই একটা মোমবাতি জ্বলে ওরা চুপ করে বসে আছে, এমন সময় সদর দরজায় ঘন-ঘন ধাক্কার শব্দ শোনা গেল।

সেই শব্দে কুকুরটা কান খাড়া করে উঠল। ক্র্যাকিট দরজা খুলে দিতেই যে-লোকটা ঘরে ঢুকল, তার মুখ চোখ বসে গেছে... দাড়ি কামানো হয়নি বোধহয় তিন দিন... যেন সাইক্সের প্রেত সে!

দু-একটা কথার পর সাইক্স ক্র্যাকিটকে জিজ্ঞাসা করল, 'তুমিই তো এ-বাড়ির কর্তা... তুমি কি আমাকে এখানে থাকতে দেবে?'

ক্র্যাকিট একটু ইতস্তত করে উত্তর দিল, 'তুমি নিরাপদ বোধ করলে এখানে থাকতে পারো।'

আবার সদর দরজায় কড়া নড়ে উঠল। এবার এলো চার্লি বেট্‌স্‌। ঘরে ঢুকে সাইক্সকে দেখেই দুপা পিছিয়ে গিয়ে সে বলে উঠল, 'আগে থেকে আমাকে এ কথা কেন বলোনি, টোবি? আমাকে অন্য কোনো ঘরে বসতে দাও!'

সাইক্স তার দিকে এগিয়ে গিয়ে বলল, 'চার্লি! চার্লি! তুমি কি আমাকে চিনতে পারছো না?'

চার্লি আরও পিছিয়ে গিয়ে বলল, 'আমার কাছে এসো না তুমি... দানো কোথাকার!'

শুনেই মাথা হেঁট করে দাঁড়িয়ে পড়ল সাইক্স।

চার্লি ডান হাত মুঠো করে চৌচিয়ে বলতে লাগল, 'তোমরা সবাই জেনে রেখো... আমি ভয় করি নে ওকে... ওরা ধরতে এলে আমি ওকে ধরিয়ে দেব। ওর সাহস থাকে তো আমাকে খুন করুক... আমি নিশ্চয়ই ওকে ধরিয়ে দেব!'

সাইক্স আর সইতে পারে না চার্লির মতো একটা ছোকরার বেপরোয়া বেইমানি। সে চার্লির দিকে হিংস্র আক্রোশে তাকাতেই চার্লি চৌচাতে লাগল, 'আমাকে খুন করলে! কে আছে, বাঁচাও!' এই বলে সে হঠাৎ সাইক্সের ওপর ঝাঁপিয়ে পড়ে তাকে ঘুষি ও লাথি মেরে মাটিতে ফেলে দিল।

হঠাৎ চার্লির এই কাণ্ড দেখে ঘরের অন্য তিনজন হতভম্ব হয়ে দাঁড়িয়ে রইলো, আর ওরা দুজনে মাটির ওপর পড়ে ধস্তাধস্তি করতে লাগল। সাইক্সের কিল-চড় উপেক্ষা করে চার্লি সাহায্যের জন্যে চৌচাতে গুরু করল, কিন্তু সাইক্স তাকে হাঁটুর নিচে ফেলে তার গলা চেপে ধরল। এই সময় ক্র্যাকিট সভয়ে জানালার দিকে আঙুল বাড়াতোই সকলে দেখল, বাইরের গলিতে মশালের আলো দেখা যাচ্ছে—শোনা যাচ্ছে অনেক লোকের চৌচামেচি আর পায়ের শব্দ। তাদের মধ্যে একজনকে দেখা গেল ঘোড়ার পিঠে। তিনি হচ্ছেন ডাক্তার লস্‌বার্ন। কিছুক্ষণ বাদে বাড়ির সদর দরজায় জোর জোর ঘা পড়তে লাগল, আর জনতার ভীষণ চৌচামেচি শোনা গেল।

গলা ফাটিয়ে চৌচিয়ে উঠল চার্লি, 'হ্যাঁ হ্যাঁ, এখানেই আছে সেই খুনে লোকটা! দরজা ভেঙে ফেলো তোমরা!'

সঙ্গে সঙ্গে নিচের দরজা-জানালায় আঁধার জোর ধাক্কা পড়তে লাগল।

দাঁত খিঁচিয়ে সাইক্স বলে উঠল, ‘এমন একটা ঘর খুলে দাও, যেখানে এই শয়তানের বাচ্চাটাকে আটকে রাখতে পারি!’

চার্লিকে টেনে হিঁচড়ে একটা ঘরে আটকে রেখে, সাইক্স জানালা দিয়ে মুখ বাড়িয়ে জনতার উদ্দেশ্যে বলল, ‘তোমাদের যা ক্ষমতা আছে করো—আমি ঠিক তোমাদের কলা দেখাব।’

একথা শুনে জনতা হৈ-হৈ করে চৌঁচিয়ে উঠল।

ঘোর-সওয়ার ডাক্তার লস্বার্ন চৌঁচিয়ে ঘোষণা করলেন, ‘যে একখানা মই এনে দিতে পারবে, তাকে বিশ গিনি পুরস্কার দেব।’

ঘোর-সওয়ারের কাছাকাছি লোকগুলো সেই ঘোষণা আওড়াতে লাগল। কেউ কেউ মই নিয়ে আসার জন্যে চৌঁচাতে লাগল; কেউ কেউ মশাল-হাতে ছুটোছুটি শুরু করল; আবার কেউ-বা পাগলের মতো বাড়ির দেওয়াল বেয়ে দোতলায় ওঠার চেষ্টা করতে লাগল।

সাইক্স একগোছা লম্বা দড়ি যোগাড় করে বাড়ির ছাদে গিয়ে উঠল। আশে-পাশের বাড়ির ছাদে ও বারান্দায় যে-সব উৎসুক নরনারী দাঁড়িয়ে ছিল, তারা চৌঁচিয়ে নিচের জনতাকে জানিয়ে দিল যে, খুনে লোকটা ছাদে উঠেছে। এদিকে কার্নিসের ওপরে দাঁড়িয়ে সাইক্স নিচে তাকিয়ে দেখল, খালে জল নেই, শুধু কাদা, আর কাদা, অনেকটা খাদের মতো।

অতো উঁচু থেকে কিভাবে লাফিয়ে খালে পড়বে তা ভাবতেই গা শিউরে উঠল সাইক্সের। তার চোখে-মুখে হতাশা দেখা গেল।

জনতার মধ্যে ছিলেন মিঃ ব্রাউনলো। তিনি এবার চৌঁচিয়ে বলে উঠলেন, ‘যে ওই খুনকে জ্যান্ত ধরতে পারবে, তাকে পঞ্চাশ পাউন্ড পুরস্কার দেব।’

জনতা গর্জে উঠে সাইক্সকে ধরার জন্যে ব্যস্ত হয়ে পড়ল!

সাইক্স মরিয়া হয়ে ছাদের দরজা দিয়ে বাড়ির চিমনির মাথায় উঠে দাঁড়াল। হাতে তার একটা লম্বা শক্ত দড়ি। নিচে থেকে চিমনির মাথায় সাইক্সকে দেখে জনতা ভীষণ হৈ-হুল্লা করতে লাগল। সাইক্স ওদিকে নজর না দিয়ে দাঁত ও হাত দিয়ে অপূর্ব কৌশলে এক মুহূর্তের মধ্যে দড়ির একটা ফাঁস তৈরি করল, আর সেই দড়ির একমাথা বাঁধলো চিমনির সঙ্গে। তার মতলব ছিল, ফাঁসটার মধ্যে মাথা গলিয়ে সেটা ডান বগলের তলা দিয়ে নিজের শরীরটাকে ফাঁস দিয়ে ভালো করে বাঁধবে, যাতে চিমনির মাথা থেকে দড়ি ফেলে তা বেয়ে পেছনের খাদে নামার সময় কোনো অসুবিধা না হয়। খাদের মাটিতে পড়ার কিছু আগেই দড়িটাকে কেটে ফেলার জন্যে সে হাতে একটা ছুরি নিলো। ছুরিটা বাগিয়ে ধরে ফাঁসটার মধ্যে নিজের মাথা গলিয়ে দিতে যাবে, এমন সময় তাকে লক্ষ্য করে জনতা ভীষণ গর্জে উঠল।

খুব তাড়াতাড়ি সাইক্স ফাঁসের মধ্যে মাথা গলিয়ে দিল, কিন্তু ফাঁসের দড়িটা ডান বগলের তলায় টেনে আনার আগেই হঠাৎ বিকারের ঘোরে সে চৌঁচিয়ে উঠল, ‘আবার সেই চোখ!’

তারপর কাঁপতে-কাঁপতে পড়ে গেল সে চিমনির মাথা থেকে, আর ফাঁসটা বগলের তলায় না আটকে গলায় জড়িয়ে গেল। প্রায় পঁয়ত্রিশ ফুট নিচে ঝুলে পড়ল সাইক্স ফাঁসটা গলায় জড়িয়ে, আর তার প্রাণহীন দেহটা দড়িতে ঝুলতে লাগল... ঝুরি-ধরা হাতের মুঠোটা তখন শক্ত হয়ে গেছে!

এই সময়ে সাইক্সের কুকুরটা কোথা থেকে ছুটে এসে ঝুলন্ত দড়িটা তাক করে একটা লাফ দিল, কিন্তু দড়ির নাগাল না পেয়ে একেবারে খাদের মধ্যে গিয়ে পড়ল, আর একটা পাথরে তার মাথা ছেঁচে গিয়ে ঘিলু বেরিয়ে পড়ল!

অষ্টাদশ পরিচ্ছেদ

মক্ষসের সঙ্গে বোঝাপড়া হয়ে যাবার দুদিন পরে অলিভার গাড়ি করে যাচ্ছিল সেই অনাথ-আশ্রমে যেখানে সে জন্মেছিল। তার সঙ্গে ছিলেন মিসেস্ মেইলি, রোজ্ ও মিসেস্ বেডুইন। মিষ্টার ব্রাউনলো অপর সঙ্গীদের নিয়ে আরেকখানা গাড়িতে আসছিলেন।

গাড়ি যতই অনাথ-আশ্রমের কাছাকাছি এগিয়ে এল, ততই অলিভারের চোখের সামনে তার ছেলেবেলার ঘটনাগুলো ভেসে উঠতে লাগল—সেই পথঘাট, সেই বাড়িঘর, এমনকি, অনাথশালার দরওয়ানটা পর্যন্ত ঠিক তেমনি আছে। এসব দেখে অলিভার কখনও হেসে উঠল... কখনও বা কাঁদতে লাগল।

গাড়ি এসে দাঁড়াল শহরের সেরা হোটেলের সামনে, যে-হোটেলের দিকে অলিভার তার ছেলেবেলায় তাকিয়ে থাকতে ভয়-মেশানো সন্ধ্যা নিয়ে। এই হোটেলেই দুপুরে খাওয়া-দাওয়া শেষ করে মিসেস্ মেইলি, মিসেস্ বেডুইন ও রোজ্ অলিভারকে একটা ঘরে নিয়ে গিয়ে চুপচাপ বসে কাটালেন বাকি দিনটা।

রাত নটায় মিষ্টার গ্রিমউইগ্ আর মিষ্টার ব্রাউনলো সেই ঘরে ঢুকলেন মক্ষস্কে দেখে অলিভার আঁতকে উঠল। মক্ষসের চোখে-মুখেও নিদারুণ ঘণার ছাপ ফুটে বের হল।

মিষ্টার ব্রাউনলোর হাতে একহাতা কাগজ ছিল। তিনি জানালেন যে, লন্ডনের বহু সম্ভ্রান্ত ভদ্রলোকের সামনে মক্ষসের কাছ থেকে এই স্বীকারোক্তি আদায় করা হয়েছে। তারপর তিনি অলিভারকে দেখিয়ে মক্ষস্কে বললেন, ‘এডওয়ার্ড লিফোর্ড, এই হল তোমার বৈমায়েয় ভাই—তোমার বাপ এবং য্যাগনেস্ ফ্রেমিংয়ের একমাত্র ছেলে।’

মিষ্টার ব্রাউনলোর হুকুমে মক্ষস্ সকলের সামনে আসল কথটা প্রকাশ করল। সে জানাল যে, রোমে তার ও অলিভারের বাবা যখন অসুস্থ হয়ে পড়েন, মক্ষসের মা তখন প্যারিসে ছিলেন। স্বামীর গুরুতর অসুখের খবরটা শুনেই তিনি সম্পত্তির লোভে ছুটে যান সেখানে। মক্ষসের বাবার কাগজপত্রে মধ্যে অলিভারের মায়ের কাছে লেখা একখানা চিঠি এবং তাঁর উইল ছিল। সেই চিঠিতে তিনি স্বীকার করেছিলেন, যে, য্যাগনেস্ তাঁর বাগদত্তা বউ, আর সেই উইলে তিনি ব্যবস্থা করেছিলেন যে, মক্ষস্ ও তার মা প্রত্যেকে বছরে আটশো পাউন্ড করে বৃত্তি পাবে এবং বাকি সম্পত্তি সমান দুভাগে ভাগ হবে—এক ভাগ পাবে য্যাগনেস্ এবং বাকিটা পাবে য্যাগনেসের ছেলে। উইলে শর্ত ছিল যে, য্যাগনেসের ছেলে যদি নাবালক বয়সে বদ-সঙ্গীদের সাথে মিশে উচ্ছন্ন না যায়, তবেই সে তার বাবার সম্পত্তি পাবে, নইলে তার পাওনা ভাগটা সবই পাবে মক্ষস্।

মক্ষস্ আরো জানাল যে বাবার এই চিঠি ও উইল তার মা নষ্ট করে ফেলেন। তারপর তিনি য্যাগনেসের নিকট আত্মীয়-স্বজনদের সাথে দেখা করে য্যাগনেসের নামে নানারকম মিথ্যা অপবাদ দেন। ফলে, তার পরদিনই য্যাগনেসের বাবা সে-বাড়ি ছেড়ে দিয়ে, কাউকে ঠিকানা না জানিয়ে অন্য জায়গায় চলে যান। য্যাগনেস্ এর আগেই বাড়ি থেকে উধাও হয়ে গিয়েছিল। বাড়ি বদলানোর কদিন পরেই য্যাগনেসের বাবা মনের দুঃখে হার্টফেল করে মারা যান।

মক্ষস্ এবার বলল যে, মারা যাবার কয়েকদিন আগে তার মা সেই উইল ও চিঠির বিষয়ে সমস্ত গোপন খবর তাঁর কাছে ফাঁস করে দেন। মক্ষসের মা সে-সময় মক্ষস্কে আরও বলে যান যে তাঁর ধারণা, য্যাগনেসের একটা ছেলে হয়েছে এবং সেই ছেলের ব্যাপারে সে যেন সব-সময় সাবধানে থাকে। একথা শুনে মক্ষস্ তার মায়ের কাছে শপথ করে যে, সে তার বৈমায়েয় ভাইকে বেকায়দায় ফেলে জেলে পাঠিয়ে ঘানি টানাবে, আর এভাবে বাপের উইলের শর্ত অনুসারে তার ভাইয়ের পাওনা ভাগটা সে নিজেই ভোগ করবে।

তারপর মক্স্ বলল যে, তার মাক্সের মৃত্যুর পরে সে অলিভারকে হঠাৎ রাস্তায় ফ্যাগিনের দলের লোকদের সাথে দেখতে পায়। তখন সে ফ্যাগিনের কাছে গিয়ে তাকে অনেক টাকার লোভ দেখাল, যাতে ফ্যাগিন অলিভারকে আটকে রেখে ধীরে ধীরে পাকা চোর বানিয়ে দেয়। মক্স্ আরও বলল যে, মিসেস্ বাব্বলের কাছ থেকে সে কায়দা করে য্যাগনেসের লকেট ও আঙুটি হাতিয়ে নিয়ে নষ্ট করে ফেলেছে। শেষে মক্স্ বলল যে, অলিভারের খোঁজ করার জন্যে সে ফ্যাগিনকে নিয়ে মিসেস্ মেইলির বাড়িতে গিয়েছিল এবং জানালায় অলিভারকে বসে থাকতে দেখেছিল।

মক্স্ থামলে মিঃ ব্রাউন্লোর ইশারায় মিঃ গ্রিম্‌উইগ্ উঠে গিয়ে বাব্বল্-দম্পতিকে নিয়ে এলেন। ঘরে ঢুকেই আন্তরিকতার ভান করে বলে উঠলেন মিষ্টার বাব্বল্, 'আরে-আরে অলিভার যে! আঃ, অলিভার! তোমার জন্যে আমি এতোদিন কী দুঃখই-না পেয়েছি!'

মিসেস্ বাব্বল্ ধমকে উঠলেন, 'চুপ্ করো, বোকচন্দর!'

মিষ্টার বাব্বল্ বললেন, 'আরঃ, মিসেস্ বাব্বল্! তুমি বুঝতে পারছো না—এই উচ্ছাসটা যে স্বাভাবিক! কত যত্নে ওকে লালন-পালন করেছি আমি... ওর কথা কি আমি ভুলতে পারি? আমি চিরকাল ভালোবেসেছি ওকে ঠিক আমার বুড়ো ঠাকুরদাদার মতো।'

মিঃ গ্রিম্‌উইগ্ এবার রেগে বলে উঠলেন, 'আরে মশাই, আপনার উচ্ছাসটা একটু থামান তো!'

মিষ্টার বাব্বল্ বললেন, 'ও, আচ্ছা, বেশ-বেশ! তা, আপনি কেমন আছেন স্যার?' প্রশ্নটা করলেন তিনি মিঃ ব্রাউন্লোকে।

মিঃ ব্রাউন্লো সে-প্রশ্নের জবাব না দিয়ে মিসেস্ বাব্বল্‌কে জিজ্ঞাসা করলেন, তিনি মক্স্‌কে চেনেন কিনা। মিসেস্ বাব্বল্ সাফ জবাব দিলেন—না। সোনার লকেট ও আঙুটির কথাও অস্বীকার করলেন তিনি। তখন মিঃ ব্রাউন্লোর ইশারায় মিঃ গ্রিম্‌উইগ্ আবার উঠে গিয়ে বাইরে থেকে দু'জন বড়িকে নিয়ে এলেন সেখানে।

বুড়ি দুজন জানাল যে, স্যালিবুড়ি মরবার সময়ে মিসেস্ বাব্বল্‌কে যা বলেছিল, তারা ঘরের বাইরে দাঁড়িয়ে থেকে তা স্পষ্ট শুনতে পেয়েছিল। তাছাড়া তারা মিসেস্ বাব্বল্‌কে বন্ধকির দোকান থেকে একটা লকেট ও সোনার আঙুটি ছাড়িয়ে আনতে দেখেছে।

মিসেস্ বাব্বল্ এবার সবকিছু স্বীকার করলেন।

মিষ্টার বাব্বল্ ভয় পেয়ে মিঃ ব্রাউন্লোকে জিজ্ঞাসা করলেন যে, এই ঘটনার ফলে তাঁর অনাথ-আশ্রমের চাকরিটা যাবে কি না!

মিঃ ব্রাউন্লো জানালেন, 'নিশ্চয়ই যাবে।'

মিষ্টার বাব্বল্ বললেন যে, এ-ব্যাপারে তাঁর কোনো দোষ নেই—সব দোষ তাঁর স্ত্রীর।

মিঃ ব্রাউন্লো বললেন, 'এ-কৈফিয়ত আইন মানবে না, কেননা সব জেনে শুনেও পরিচয় চিহ্নটা নষ্ট করা হয়েছে এবং আইন ধরে নেবে যে, তাঁরই কথামতো তাঁর স্ত্রী এই বেআইনী কাজ করেছেন।'

মিষ্টার বাব্বল্ বললেন, 'আইন যদি এ-কথা ধরে নেয় তো, আইন একটা নিরেট গাধা। আইন তাহলে কখনো বিয়ে করেনি!'

একথায় সকলে হো-হো করে গলা ফাটিয়ে হেসে উঠল।

বাব্বল্-দম্পতি চলে গেলে মিঃ ব্রাউন্লোর প্রশ্নের জবাব মক্স্ জানাল, য্যাগনেসের ছোটো বোন রোজকে সে এর আগে বহুবার দেখেছে! সে আরও জানাল যে, বাবাকে হারিয়ে রোজ একেবারে অনাথ হয়ে পড়ে। তখন এক গরিব ছা'পোষা লোক দয়াপরবশ

হয়ে তাকে লালন-পালন করতে থাকে। আত্মীয়-স্বজনেরা রোজের খোঁজ না পেলেও, মঙ্সের মা কিন্তু তাকে খুঁজে বের করেন এবং তার আশ্রয়দাতাকে কিছু টাকা দিয়ে য্যাগনেস্ এবং রোজের নামে মিথ্যা অপবাদ দিয়ে আসেন। রোজকে আশ্রয় থেকে তাড়িয়ে দেওয়াই ছিল তার মায়ের মতলব। এসময়ে একজন বিধবা মহিলা রোজকে দেখে দয়াপরবশ হয়ে নিজের বাড়িতে এনে লালন-পালন করতে থাকেন।

মিঃ ব্রাউনলো জিজ্ঞাসা করলেন, 'রোজকে কি এখানে দেখতে পাচ্ছে?'

রোজের দিকে আঙুল বাড়িয়ে মঙ্স বলল, 'হ্যাঁ, ওই যে হাতের ওপরে ভর দিয়ে দাঁড়িয়ে আছে রোজ।'

অলিভার রোজকে জড়িয়ে ধরে বলল, 'আমি কিন্তু তোমাকে মাসী বলে ডাকব না—দিদি বলেই ডাকব।'

কিছুক্ষণ পরে হ্যারি মেইলি এসে ঢুকল সেই ঘরে। তখন রোজ আর হ্যারিকে সে-ঘরে রেখে বাকি সবাই বেরিয়ে গেল।

হ্যারি রোজকে জানাল যে, রোজের পুরোনো ইতিহাসের সবকিছুই সে আগে থেকে জানে... এখন তো রোজের অপবাদ দূর হয়ে গেছে, তাই সে আবার এসেছে রোজের কাছে বিয়ের প্রস্তাব পেশ করতে।

রোজ তবুও এ বিয়েতে রাজি হল না। সে বলল যে, যদিও সে আজ অপবাদ থেকে রেহাই পেয়েছে, তাহলেও সে গরিব, আর হ্যারি শুধু বড়লোকই নয়—আইন-সভার সদস্যও বটে।

হ্যারি তখন জানাল যে, এ বাধার আর নেই, কেননা রোজের সঙ্গে নিজের অবস্থার তফাতটা দূর করার জন্যে আইন-সভার সদস্যের পদে ইস্তফা দিয়ে গায়ের গির্জায় পাদরির চাকরি নিয়েছে। এবার থেকে তার জীবন হবে শান্ত... সহজ...সরল অনাড়ম্বর।

অগত্যা রোজ এ বিয়েতে রাজি হতে বাধ্য হল।

* * * *

আদালতের বিচারে ফ্যাগিনের প্রাণদণ্ড হল। তার বিরুদ্ধে অভিযোগ ছিল অনেক। ছোটো ছোটো ছেলেদের দলে টেনে তাদের চোর ও পকেটমার বানিয়ে অর্থ যোগাড় করাই ছিল তার প্রধান পেশা—তাছাড়া সিঁধেল চোর, ডাকাত প্রভৃতি নানা অসামাজিক লোকের সঙ্গে তার যোগাযোগ ছিল ঘনিষ্ঠ... শেষে সাইক্সকে তাতিয়ে ন্যান্সিকে খুন করার মূলে ছিল সে।

আদালতগৃহ লোকে লোকারণা হয়ে উঠল ফ্যাগিনের বিচারের সময়। দর্শকরা ফ্যাগিনের ওপর আক্রোশে ফেটে পড়ল। অনেক কষ্টে আদালতের কর্মচারীরা তাদের শান্ত করল।

ফ্যাগিন বলল যে, অনাথ ছেলেদের দুঃখ-দুর্দশায় ব্যথিত হয়ে সে তার যথাসাধ্য চেষ্টা করতো তাদের কাজকর্ম যোগাড় করে দিতে। তাই তারা তার কাছে আশ্রয় নিত। সে স্বীকার করল যে, নিদারুণ অভাবের জন্যে হয়তো বা তাদের কেউ কেউ পকেটমারের কাজ করত, কিন্তু সেজন্যে সে মোটেই দায়ী নয়। তার উদ্দেশ্য ছিল মহৎ—অনাথদের সেবা করা।

ন্যান্সিকে খুনের ব্যাপারে ফ্যাগিন স্বীকার করল যে সে সাইক্সকে সাধ্যমতো বুঝিয়েছিল খুন না করতে, কিন্তু সাইক্স ছিল জেদি ও গোঁয়ার। সে তার কোনো কথা না শুনেই খুন করে বসল ন্যান্সিকে।

ফ্যাগিন নিজের সাফাই গাইলেও আদালত তাকে ক্ষমা করল না। বিচারে তার ফাঁসির সাজা হয়ে গেল।

ফাঁসীর দিন জেলখানায় লোক জমায়েত হল দলে দলে। ন্যান্সির মতো সমাজের আঁতাকুড়ের অসহায় মেয়ে কীভাবে নিজের জীবন বলি দিয়ে একটা অনাথ ছেলেকে বাঁচাতে এগিয়ে এল সেকথা ছড়িয়ে পড়েছিল লোকের মুখে মুখে। ন্যান্সি মহীয়সী হয়ে

উঠেছে সকলের কাছে। তাই ন্যান্সিকে শ্বুনের অপরাধে যাকে ফাঁসি দেওয়া হচ্ছে, সেই মহাপাপীকে দেখার ইচ্ছে হল অনেকের, বিশেষ করে যারা এর আগে আদালতে ফ্যাগিনকে দেখতে পায়নি তারা এসে ভিড় করল জেলখানার দরজায়।

ফাঁসিকাঠে নিয়ে যাবার সময় ফ্যাগিনকে একটা সরু গলিপথ দিয়ে নিয়ে যাওয়া হল। সেই গলিপথের চারদিকে জনতা দাঁড়িয়ে ফ্যাগিনকে গালিগালাজ করতে লাগল, তাদের মধ্যে কেউ বা থুথু দিল তার গায়ে, কেউ বা ছেঁড়া জুতো ছুঁড়ল তার দিকে।

অসংখ্য লোকের গালিগালাজ শুনতে-শুনতে ফ্যাগিন গিয়ে ফাঁসিকাঠের সামনে হাজির হল। প্রাণভয়ে তার পা থরথর করে কাঁপছে তখন। মনে পড়ল ন্যান্সিকে ও সাইক্সকে। তাদের কথা মনে করতে করতে ফ্যাগিন ফাঁসিকাঠে ঝুলে পড়ল।

* * * *

এর পরের কাহিনী খুবই ছোটো। তিন মাসের মধ্যে হ্যারি আর রোজের বিয়ে হয়ে গেল। হ্যারি যে-গায়ের গির্জায় পাদরির পদ পেয়েছিল, সেখানে সে রোজকে নিয়ে গিয়ে বাস করতে লাগল। মিসেস্ মেইলিও তাদের সঙ্গে বাস করতে গেলেন।

বাবার উইল-মতো অলিভার সমস্ত সম্পত্তির মালিক হয়েও, মিস্টার ব্রাউন্লোর উপদেশে মঙ্ক্সকে একটা ভাগ ছেড়ে দিল। মঙ্ক্স সে-টাকা নিয়ে সুদূর আমেরিকার এক শহরে চলে গেল। সেখানেও সে আবার খারাপ দলে মিশে কিছুদিনের মধ্যেই সব সম্পত্তি উড়িয়ে ফেলল। তারপর জালিয়াতির অপরাধে হল তার সশ্রম কারাবাস আর জেলের মধ্যেই আগে ভাগে সে একদিন মারা গেল।

মিঃ ব্রাউন্লো অলিভারকে পোষ্যপুত্র হিসেবে গ্রহণ করে, হ্যারি ও রোজের বাড়ির মাইলখানেক দূরে এসে বাসা বাঁধলেন। মিঃ গ্রিম্‌উইগ্ ও তাঁর চিরস্বামী হয়ে রইলেন সেখানে।

ডাক্তার লস্বার্নেরও আর তাঁর কাজের জায়গায় মন টিকল না। তিনি তাঁর ডাক্তারখানা সহকারীকে দান করে, হ্যারিদের গায়ের ধারে একখানা কুটির কিনে বাস করতে লাগলেন।

রাজসাক্ষী হয়ে শাস্তি থেকে রেহাই পেয়েছিল নোয়া ক্রেপোল্ সে এখন শালটির সাথে বেসরকারী গোয়েন্দার কাজ করতে লাগল।

বাম্বল্-দম্পতি চাকরি খুঁইয়ে, অনাথ-আশ্রমেই আশ্রয় নিয়ে অতি দীনভাবে জীবন কাটাতে লাগলেন।

গাইলস্ আর ব্রিটলসের অবস্থা দেখে বোঝাই যেতো না, তারা আসল কাদের চাকর। কখনও মেইলি-পরিবার, কখনও বা মিঃ ব্রাউন্লো ও অলিভার, কখনও-বা ডাক্তার লস্বার্নের বাড়িতে তারা থাকত।

চার্লস্ বেটস্ এর পর থেকে ভালোভাবে জীবন কাটানোর কড়া সংকল্প নিয়ে নানা দুঃখকষ্ট ভোগ করল, কিন্তু শেষপর্যন্ত তার নাম চারদিকে ছড়িয়ে পড়ল নর্দাম্পটনশায়ারের সবচেয়ে সুখী রাখাল হিসেবে।

রোজের স্নেহে ও মিস্টার ব্রাউন্লোর যত্নে—অলিভার দিন-দিন নানা বিদ্যায় পারদর্শী হয়ে উঠতে লাগল।

* * * *

আজও পথিকেরা পথ চলার সময় একবার থমকে থামে অলিভারের জনাস্থানের পুরোনো গির্জার প্রাঙ্গণে—যেখানে একটা কবরের ওপরে একখানা শ্মৃতিফলকে সোনার অক্ষরে একটা নাম লেখা আছে, ‘য়্যাগনেস্’!
